

萬 有 文 庫

第 二 集 七 百 種

王 雲 五 主 編

宋 詩 紀 事

(六)

厲 鶚 馬 日 瑄 輯

商 務 印 書 館 發 行

宋詩紀事

(六)

輯者曰馬 輯者

中華書局

萬有文庫

第二集七百種

總編 羅 翯
五 雲 王

商務印書館發行

宋詩紀事卷三十三

錢唐厲鶚輯

歙方士庶勘定

黃庭堅

庭堅字魯直，洪州分寧人。庶子舉進士，爲葉縣尉，歷祕書丞。紹聖初，坐修神宗實錄失實，貶涪州別駕，黔州安置。建中靖國初，召還，知太平州，復除名，編管宜州。卒，自號山谷老人。有豫章集、精華錄。

雲麓漫鈔：呂居仁作江西詩社宗派圖，其略云：古文衰于漢末，先秦古書存者爲學士大夫剽切之資，五言之妙，與三百篇離騷爭烈可也。自李杜之出，後莫能及。韓柳孟郊張籍諸人，自出機杼，別成一家。元和之末，無足論者。衰至唐末極矣。然樂府長短句，有一倡三歎之致，國朝文物大備，穆伯長尹師魯始爲古文，盛于歐陽氏。歌詩至于豫章始大出而力振之。後學者同作，並和盡發千古之祕，亡餘蘊矣。錄其名字曰：江西宗派，其源流皆出豫章也。宗派之祖曰山谷。其次陳師道，無已，潘大臨，邵老，謝逸，無逸，洪朋，龜父，洪芻，駒父，饒節，德操，乃如璧也。祖可，正平，徐俯，師川，林敏修，子仁，洪炎，玉父，汪革，信民，李錞，希聲，韓駒，子蒼，李彭，商老，晁冲之，叔用，江端友，子我，楊符，信祖，謝邁，幼槃，夏倪，均父，林敏功，潘大觀，王直方，立之，善權，巽中，高荷，子勉，凡二十五人。居仁其一也。議者以謂陳無已爲詩高古，使其不死，未必甘爲宗派。若徐師川，則固嘗不平曰：吾乃居行閒平。韓子蒼云：我自學古人，均父又在下爲恥。不知居仁當時果以優劣銓次，姑記姓名而紛紛如此，以是知執太史之筆者，夏夏乎難。

哉。又不知諸公之詩。其後人品藻。與居仁所見。又何如也。

文獻通考。江西詩派一百

三十七卷。續派十三卷。

王直方詩話。山谷舊所作詩文。名以焦尾幣帶。秦少遊云。每覽此編。輒恨然終日。殆忘食事。邈然有二漢之風。今交游中以文墨稱者。未見其比。所謂珠玉在旁。覺我形穢也。

西清詩話。山谷詩妙。脫蹊徑。言謀鬼神。無一點塵俗氣。所恨榜高一似。參曹洞下禪。尙墮在元妙窟裏。

苕溪漁隱叢話。元祐文章。稱蘇黃。時二公爭名。互相譏誚。東坡嘗云。魯直詩文。如蜂蟄江瑤柱。格韻高絕。盤餐盡廢。然不可多食。多則發風動氣。山谷亦云。蓋有文章妙一世。而詩句不逮古人者。此指東坡而言也。任天社云。山谷詩律妙。一世用意未易窺測。然置字下語。皆有所從來。張巨山云。山谷古律詩。酷學少陵。雄健太過。遂流而入于險怪。要其病在太著意。欲道古今人所未道語耳。其文專學西漢。惜才力褊局。不能汪洋恣肆。如其紀事立言。頗有類處。

敷陶孫詩評。黃山谷如陶弘景。抵召

入宮。析理談元。而松風之韻。故在。

劉後村詩話。國初詩人。如潘閔。魏野。規規晚唐格調。楊劉則又專為崑體。蘇梅二子。稍變以平淡。憂傑。而和之者尙寡。至六一公。巍然為大家數。學者宗焉。然二公亦各極其天才筆力之所至而已。非必鍛鍊勤苦而成也。豫章稍後出。會粹百家句律之長。究極歷代體製之變。蒐討古書。穿穴異聞。作為古律自成一家。雖隻字半句。不輕出。遂為本朝詩家宗祖。

詩林廣記。豫章先生傳贊云。山谷自黔州以後。句法尤高。筆勢放縱。實天下之奇作。自宋興以來。一人而已。東坡云。讀魯直詩。如見魯仲連。李太白不敢復論鄙事。雖若不適用。然不爲無補于世。

題竹石牧牛圖

野次小崢嶸。幽篁相依綠。阿童三尺箠。御此老叢棘。石吾甚愛之。勿遣牛礪角。牛礪角尚可。牛鬪殘我竹。

陸陽室中語。一日因坐客論魯直詩體製新巧。客舉魯直此詩云。石吾甚愛之。勿使牛礪角。牛礪角尚可。牛鬪殘我竹。如此體製甚新。公徐云。獨漉水中泥。水濁不見月。不見月尚可。水深行人沒。蓋是李太白獨漉篇也。山谷亦倣此語意耳。

記夢

衆眞絕妙擁靈君。曉然夢之非紛紜。窗中遠山是眉黛。席上榴花皆舞裙。借問琵琶得聞否。靈君色莊妓搖手。兩客爭棊爛斧柯。一兒壞局君不呵。杏梁歸燕空語多。柰此雲窗霧閣何。

洪駒父詩話。余嘗問山谷云。此記一段事也。嘗從一貴宗室攜妓游僧寺。酒闌諸妓皆散入僧房中。主人不怪也。故有曉然夢之非紛紜之句。

宗室公壽挽詞

昔在熙寧日。葭莖接貴游。題詩奉先寺。橫笛寶津樓。天網恢中夏。賓筵禁列侯。但聞劉子政。頭白更清修。

二老堂詩話。意深語到。可見宗室前肆後拘氣象。

觀伯時畫馬禮部試院作

儀鸞供帳饜蠶行。翰林溼薪爆竹聲。風簾官燭淚縱橫。木穿石盤未渠透。坐窗不邀令人瘦。貧馬百馱逢一豆。眼明見此玉花驄。徑思著鞭隨詩翁。城西野桃尋小紅。

昔溪漁隱叢話此格禁衛謂之促句換韻其法

三句一換韻三疊而止此格甚新人少用之

題畫屏六言

胡蝶雙飛得意。偶然畢命網羅。羣蟻爭收墜翼。策助歸去南柯。

程史。黨禍既起。山谷居黔。有以屏圖遺之者。繪雙蛙翾舞。臂于蛛絲。而隊蟻憧憧其間。題六言于上云。崇寧間。又遷于宜。圖偶爲人攜入京。鬻于相國寺肆。蔡客得之。以示元長。元長大怒。將指爲怨望。重其貶。會以訃奏。僅免。

水仙花

淤泥解作白蓮藕。糞壤能開黃玉花。可惜國香天不管。隨緣流落小民家。

墨莊漫錄。山谷在荊州時。鄰居一女子。閑靜妍美。綽有態度。年方笄也。山谷殊嘆惜之。其家蓋閭閻細民。未幾嫁同里。而夫亦庸俗貧下。非其偶也。山谷因和荆南太守馬域中玉水仙花詩云。蓋有感而作。後數年。此女生二子。其夫鬻于郡人田氏家。

懽悴頓挫。無復故態。然猶

有餘妍。乃以國香名之。

青奴

穠李四弦風掃席。昭華三弄月侵牀。我無紅袖堪娛夜。正要青奴一味涼。以上山谷內集。

侍兒小名錄拾遺東坡寄柳子玉云。開道牀前唯竹几。夫人應不解卿卿。又送竹几與謝秀才云。留我同行木上座。贈君無語竹夫人。山谷云。竹夫人。迺涼寢竹器。鵝臂休膝。非夫人之職。而冬夏青青竹之所長。名曰青奴。作詩云。穠李昭華。貴人家兩也。女奴。

題花光爲曾公袞作水邊梅

梅蘂觸人意。冒寒開雪花。遙憐水風晚。片片點汀沙。

題石牛洞石上

鬱鬱窈窈天官宅。諸峯排霄帝不隔。六時謁天開關鑰。我身金華牧羊客。羊眠草閒我世閒。高真衆靈思我還。石盆之中有甘露。青牛駕我山谷路。以上山谷外集。

方輿勝覽懷寧縣山谷寺西北有石牛洞。其狀如牛。唐李翱語賢題詠甚多。李伯時畫黃魯直坐石牛上。魯直因自號山谷道人。仍題詩石上云云。

牧童

騎牛遠遠過前村。吹笛風斜隔隴聞。多少長安名利客。機關用盡不如君。

桐江詩話世傳

山谷七歲作

絕句

疊送香羅淺色衣。著來香氣入書帷。到家慈母驚相問。爲說王孫脫贈時。

趙德麟侯鯖錄。魯直入宮。教余兄弟。伯父五

開府酒餘脫淺色香羅襖衣之。魯直作詩。

周昉美人琴阮圖

周昉富貴女。衣飾新舊兼。髻重髮根急。薄粧無意添。琴阮相與娛。聽絲不停手。敷腴竹馬郎。跨馬要折柳。

墨莊漫錄。龍眠李亮工家藏周昉畫美人琴阮圖。殊有宮禁富貴氣。旁有竹馬小兒。欲折楸前

柳者。亮工官長沙時。山谷謫宜州過而見之。歎愛彌日。大書一詩於黃素上。此詩不見今集。

觀祕閣蘇子美題壁詩

仁祖康四海。本朝盛文章。蘇郎如虎豹。孤嘯翰墨場。風流映海岱。峻鋒不可當。學書窺法窟。當代見崔張。銀鉤刻琬琰。蜚尾迴縑緗。擢登羣玉府。高閣目生光。春風吹曉雨。禁直夢滄浪。人聲市朝遠。簾影花竹涼。秋荷瀟筆硯。怨句挾風霜。不甘老天祿。誠欲升未央。小臣膽如斗。侏儒俸一囊。請提師十萬。奉辭問犬羊。歸鞍飲月支。伏背笞中行。人事喜乖忤。南遷得夜航。此時調玉燭。日行中道黃。柄臣似牛李。傾奪謀未臧。薄酒圍邯鄲。老龜禍枯桑。兼官百郡郎。報賽用歲常。招延青雲士。共醉椒精觴。俗客避白眼。徵歌舞紅裳。謗書動宸極。牢戶繫桁楊。一網收冠蓋。九衢人走藏。庖丁提刀立。滿意無四旁。論罪等饕餮。囚衣禦方良。姑蘇麋鹿曠。風月有書堂。永無滯戒期。山鬼共幽篁。萬戶封侯骨。今成狐兔岡。邇來四十年。我亦校書郎。雄文終膾炙。妙墨見垣牆。高山仰豪氣。崢嶸乃不亡。張侯開詩卷。詞章尙軒昂。草書十餘紙。雨漏古屋廊。

誠知千里馬，不服萬乘箱。遂令駕鼓車，此豈用其長。事往飛鳥過，九原色莽蒼。敢告大鈞手，才難幸扶將。
中吳紀聞

荅王道濟寺丞觀許道寧山水圖

往逢醉許在長安，蠻溪大硯磨松烟。忽呼絹素翻硯水，久不下筆或經年。一日踏門撼門鈕，巾帽敲斜猶索酒。舉杯意氣欲翻盆，倒臥虛樽將八九。醉拈枯筆嘗墨色，勢若山崩不停手。數尺江山萬里遙，滿堂風物冷蕭蕭。山僧歸寺童子後，漁伯欲渡行人招。先君笑指溪上宅，鷓鷯白鷺如相識。許生再拜謝不能，乃是天機非筆力。自陳精力初未衰，八幅生絹作四時。早師李成最得意，什襲自藏人已知。貴人取去棄牆角，流落幾姓今知誰。大梁畫肆閱水墨，四圖宛然當物色。自言早過許史門，常賣一聲偶然得。雨雪涔涔滿寺庭，四圖冷落讓丹青。往來睥睨誰比數，十萬酬之觀者驚。客還次第閱冬夏，坐見歲序寒崢嶸。王丞來觀歎嘖嘖，亦如我昔初見日。新詩雌黃初得實，信知君家有摩詰。我持此圖二十年，眼見綠髮皆華顛。許生縮手入黃泉，衆史弄筆摩青天。君家枯松出老翟，頗似破屏有骨髀。一時所棄願愛惜，不誣方將有人識。

聲畫集，此詩正本有二篇，互有不同，今錄其後篇。

絕句

黃葉委庭觀九州，小蟲催女獻工裘。金錢滿地無人費，百斛明珠惹苒秋。

王直方詩話少游嘗以真字題月團新碾淪花蟹一絕于邢敦夫扇上山谷見之乃于扇背復作小章題此詩皆自所作詩也少游後見之云逼我太甚

題大年小景二絕

水色煙光上下寒。忘機鷗鳥恣飛還。我來頻作江湖夢。對此身疑在故山。
輕鷗白鷺定吾友。翠柏幽篁是可人。海角逢春知幾度。臥游到處總傷神。

茗溪漁隱叢話。余家有大年畫小景二幅。山谷

親書兩絕句其上。今豫章所刻集及他本皆無。

宿錢塘尉廨

平湖繞舍山無盜。官事長閑俸有金。安得終身爲禦寇。不辭兒女作吳音。合璧事類別集。

題東丁水

古人題作東丁水。自古東丁直到今。我爲改名方響洞。要知山水有清音。

老學菴筆記。漢嘉城西北山麓有一石洞。

泉出其間良久一滴清如金石山谷詩云。

贈宗室大年

揮毫不作小池塘。蘆荻江邊落鴈行。雖有珠簾籠翡翠。不忘煙雨罩鴛鴦。

王直方詩話大年喜微行而

善畫小景山谷蓋有所譏也。

山磬

北嶺山磬取次開。清風正用此時來。平生習氣雖料理。愛著幽香未擬回。

茗溪漁隱叢話。山谷云。江南野中有一種小白花。木高數尺。春開極香。野人謂之鄭花。王荆公嘗欲作詩。而陋其名。予請名曰山磬。野人採鄭花以染黃。不借礬而成色。故名山磬。海岸孤絕處。普陀山。譯者以爲小白花。予疑卽此花耳。不然何以觀音老

人端坐

不去耶。

句

春將國豔熏花骨。日借黃金縷水紋。題野寺壁。詩人玉屑。人得交游是風月。天開圖畫卽江山。石林燕語。清鑑風流歸賀八。飛揚跋扈付朱三。茗溪漁隱叢話。

陳師道

師道字無已。一字履常。彭城人。號后山居士。元祐中以蘇軾傳堯俞孫覺薦授徐州教授。紹聖初。歷祕書省正字。扈從南郊。不屑服趙挺之衣。以寒疾卒。有集。

朱文公語錄。黃山谷詩云。閉門覓句陳無已。對客揮毫秦少游。陳無已平時出行。覺有詩思。便急歸擁被臥而思之。呻吟如病者。或累日而後起。真是閉門覓句者也。

詩林廣記。或言后山之詩。非一過可了。近于枯淡。彼其用意直追騷雅。不求合於世俗。亦惟恃有東坡山谷之知也。自此兩公外。政使舉世無領解者。渠亦安暇恤哉。

文獻通考石林葉氏曰世言陳無已每登覽得句卽急歸臥一榻以被蒙首惡聞人聲謂之吟榻家人知之卽貓犬皆逐去嬰兒稚子亦抱寄鄰家徐待詩成乃敢復常

敖陶孫詩評陳后山如九鼎獨嘖

深林孤芳沖寂自妍不求賞識

後村詩話後山樹立甚高其議論不以一字假借人然自言其詩師豫章公或曰黃陳齊名何師之有余曰射較一獐突角一著惟詩亦然后山地位去豫章不遠故能師之

妾薄命爲曹南豐作

主家十二樓。一身當三千。古來妾薄命。事主不盡年。起舞爲主壽。相送南陽阡。忽著主衣裳。爲人作春妍。有聲當徹天。有淚當徹泉。死者恐無知。妾身長自憐。葉落風不起。山空花似紅。捐世不待老。惠妾無其終。一死尙可忍。百歲何當窮。天地豈不寬。妾身自不容。死者如有知。殺身以相從。向來歌舞地。夜雨鳴寒蛩。

詩林廣記謝疊山云元豐間曾鞏修史薦后山有道德有史才乞自布衣召入史館命未下而曾去后山感其知己不願出他人門下故作妾薄命鞏南豐人歐陽公之客后山尊之號曰南豐先生

丞相溫公挽詞

恭默思良弼。詩書正百工。事多違謝傅。天遽奪楊公。一代風流盡。三師禮數崇。若無天下議。美惡併成空。

詩林廣記謝疊山云時哲宗諒陰見上帝賚良弼非偶然也周公位冢宰正百工以詩書治天下與熙豐變法者不同蓋熙豐新法與溫公所志所學皆相反也

百姓歸周老，三年待魯儒。俗方隨日化，身已要人扶。玉几雖來晚，明堂訖授圖。心知死諸葛，終不羨曹蜍。

詩林廣記：黃山谷見此詩，俗方隨日化，身已要人扶之句，嘆曰：陳三直不可及，蓋天不慙遺老，悲盡于此矣。

少學真成已，中年託著書。輟耕扶日月，起廢極吹噓。得志寧論晚，成功不願餘。一爲天下勸，不敢愛吾廬。

詩林廣記：任天社云：輟耕扶日月，起廢極吹噓，言公既執政，士大夫得罪於熙豐者，極力薦引而用之，日月吹噓字雖不對，而事勢氣象實相等，此詩人之妙也。

嘲秦觀

長鋏歸來夜帳空，衡陽回雁耳偏聰。若爲借與東風看，無限珠璣咳唾中。

王直方詩話：少章登第後方娶，後山作此詩時猶未娶，故多戲句。帳空開雁之語，皆戲其獨宿無寐也。

絕句

書當快意讀易盡，客有可人期不來。世事相違每如此，好懷百歲幾回開。

復齋漫錄云：此無已得意詩也。

寄外舅郭大夫

巴蜀通歸使，妻孥得定居。深知報消息，不忍問何如。身健無妨遠，情親未肯疎。功名欺老病，淚盡數行書。

詩人王履趙章泉先生嘗云。學詩者莫不以杜爲師。然能如其師者鮮矣。句或有似之。而篇之全似者絕難得。陳后山寄外舅郭大夫詩。乃全篇之似杜者也。後戴式之亦有思家用陳韻。又全篇之似陳者也。

曾南豐先生挽詞

早乘人閒事。眞從地下遊。江原無起日。江漢有東流。身世從違裏。功言取次休。不應須禮樂。始作後程仇。精爽回長夜。衣冠出廣庭。勳庸留琬琰。形象付丹青。道喪餘篇翰。人亡更典刑。侯芭才一足。白首太元經。

珊瑚鉤詩話。此二詩。后山感南豐之薦引未遂而連亡。故其詞深切。

端硯原注寇十一惠

端溪四山下。龍淵鬱積中。州清淑氣。金聲玉骨石爲容。河江屈流雲作使。滑如女膚色馬肝。探領適遭龍伯睡。轆轤挽出萬人賀。千歲之藏一朝致。書生活計亦酸寒。斷甃半瓦寧求備。似憐陶瓦磨竈煤。輟贈不減前人志。

小放歌行

春風永巷閉娉婷。長使青樓悞得名。不惜卷簾通一顧。怕君著眼未分明。當年不惜嫁娉婷。傅白施朱作後生。說與旁人須早計。隨宜梳洗莫傾城。

詩話總龜山谷云。無已他日作詩極高。古至于此篇。則顯影徘徊。炫燿太甚。

賦宗室士陳高軒過圖

滕王峽。蜨江都馬。一紙千金不當價。異材天縱非力能。畫工不是甘爲下。今代風流數大年。含毫落筆開山川。忽忘朽老壓塵底。卻怪鳧鴻墮目前。邇來八二復秀出。萬里山河才咫尺。眼邊爭得有突兀。復似天地初開闢。明窗寫出高軒過。便逐愈湜聞吟哦。晚知書畫真有益。卻悔歲月來無多。官禁修嚴絕過訪。時於僻寺聊稅鞅。秀潤如行琮璧閒。清明似引星辰上。憂悲愉快百不平。河擘太華東南傾。平生秀句寰區滿。掇拾棄置成丹青。平湖遠岫開精神。陡覺文字生清新。未許二豪今角立。也知旁有衛夫人。

王直方詩話。無已謂余曰。近宗子節使使余作一詩。挂名其閒。得百千以爲女子嫁資。可乎。余曰。詩未成則錢不可緩。詩已成則錢不可來。數日無已卒。士陳贈以百緡。

寄曹州晁大夫

墮絮隨風化作塵。黃樓桃李不成春。只今容有名駒子。困倚闌干一欠伸。以上後山詩集。

菊坡叢話。陳后山此詩自注云。周昉畫美人。有背立欠伸者。最爲妍絕。東坡所賦麗人行也。任天社云。此篇言徐州風物。後山嘗有詞并序云。晁大夫增飾披雲。初欲壓黃樓。而張馬二子。皆當年樽下世。所謂英英盼盼者。盼卒英嫁。而盼之子瑩。頗有家風。而曹妓未有顯者。黃樓不可勝也。作南鄉子歌之曰。風絮落東鄰。點綴繁枝。旋化塵。關鎖玉樓巢燕子。冥冥桃李摧殘不見春。流轉到如今。翡翠生兒。纒作多花樣。腰身官樣立。婷婷困倚闌干。一欠伸。蓋前云。風絮以屬英塵。化以屬盼名駒子。以屬瑩。

瑩母馬

氏也。

句

昔日剜瘡今補肉，百孔千窗容一罅。拆東補西裳作帶，人窮令智短。百巧千窮只短檠，起倒不供聊應俗。經事長一智，稱家豐儉不求餘。卒行好步不兩得，巧手莫爲無麪餅。巧息婦做不得無，懸餅不應遠水救近渴。留渴須遠井，遠水不救近渴。瓶懸裳開終一碎，瓦罐終須井上破。急行寧小緩，急行趕過慢行遲。早作千年調，一生也作千年調。人作千年調，鬼見拍手笑。拙勤終不補，將勤補拙。斧斫仍手摩，大斧斫了手摩。驚雞透籬犬升屋，雞飛狗上屋。割白鷺股何作難，鷺鷥腿上割股。薦賢仍賭命。

雞肋編陳無已詩亦多用一時俚語。如昔日云云而東坡亦有三杯醜飽後一枕黑甜餘皆世俗語。如賭命輒飽猶可解而黑甜後世不知其爲睡矣。如詩之串夷載路書云弔由靈安知非當時之常談也。

潘大臨

大臨字邠老，齊安人。有柯山集。次弟大觀字仲達，亦入江西派。其詩不傳。

後村詩話東坡文潛先後謫黃州，皆與邠老游。其詩自云邠老杜然有空意無實力，余舊讀之，病其深蕪。

潘子真詩話邠老得句法于東坡，頃與洪駒父徐師川泊子友善山谷嘗稱之曰天下異才也。

春日書懷

舟楫凌漳水，風濤接蠡湖。龍媒戒跬步，驪頷脫微軀。樂土供遊戲，深文苦紮拘。胷中雖磊磊，牆外或歌呼。

老去嵇康懶。歸來甯子愚。千鍾眞臭腐。十畝借膏腴。春雨何曾密。園花竟自都。小橋藏細柳。方沼出新蒲。酒熟拈巾漉。經傳帶雨鉏。行盤隨所有。坐客幾時無。日轉槐陰暮。門通鳥跡迂。仰頭看哺鷄。引手亦將雛。撫事益纒繭。勞生戶轉樞。形骸浮大塊。毛髮燎洪爐。世論幾膠柱。人心盡好竿。屠龍非至計。射雉屈良圖。借箸方隆漢。推枿已滅吳。從渠畫麟閣。吾自著潛夫。

荅王立之惠書

歸自江南卽定居。漫勞親友問何如。剛腸肯爲藜羹轉。病骨聊憑竹杖扶。南圃土腴千樹橘。東湖春水百金魚。明年生計應堪說。待倩君侯買異書。以上宋文鑑。

吳熙老所藏風雨圖

我游匡山夏將杪。赤日青天萬山遶。忽然風雨動地來。震氣乘雷離電繞。一川煙靄失東西。萬里乾坤錯昏曉。香爐高峰危欲墮。石門細路人心勦。江翻那聞得計魚。木拔豈有安巢鳥。須臾雲過雨腳收。依舊晴暉著叢篠。羣山歷歷在眼前。恰似憑高日方曉。誰將此景入畫圖。數幅生綃盤礴了。吳丞此畫絕代無。張公此詩古來少。讀詩觀畫興未窮。北窗風涼退自公。使君意消三伏中。未可鞭箠催青銅。熙老在羅田催科不用鞭箠而辦。

贈張聖言畫柯山圖

我昔騎鯨遊九州。上扣天闕望冕旒。羣公侍旁好顏色。將順帝旨成剛柔。抱持日月不自獻。蒙茸塵土歸家工。結茅竹閒今休已。炎暑避舍清飈留。屋頭清溪鳴晝夜。當戶古木蔽馬牛。蒼頭廬兒從高蓋。傳呼不

到門巷幽。兩公忘言兒袖手。驅除睡魔須茶甌。誰傳此意到旁郡。解衣盤礴煩張侯。張侯落筆妙天下。未
隆學士之風流。欵見柯山入畫圖。丹青知君百不憂。黃公不肯直南省。一麾已具東南舟。請君援筆待公
至。畫我迎公竹陰裏。以上聲畫集。

江聞作

白鳥沒飛煙。微風逆上船。江從樊口轉。山自武昌連。日月懸終古。乾坤別逝川。羅浮南斗外。黔府古河邊。
西山連虎穴。赤壁隱龍宮。形勝三分國。波流萬世功。沙明拳宿鷺。天闊退飛鴻。最羨魚竿客。歸船雨打篷。
苔溪漁隱叢話。

浯溪中興頌

公泛浯溪春水船。繫船啼鳥青崖邊。次山作頌今幾年。當時治亂春風前。明皇聰明真晚謬。乾坤付與哥
奴手。骨肉何傷九廟焚。蜀山騎驛不回首。天下寧知再有唐。皇帝紫袍迎上皇。神氣倉皇吾敢惜。兒不終
孝聽五郎。父子幾何不豺虎。君臣寧能責胡虜。南內淒涼誰得知。人閒稱家作端午。平生不識顏真卿。去
年不蒼高將軍。老來讀碑淚霑臆。公詩與碑當並行。不賞邊功寧有計。不殺奏章猶未語。雨淋日炙字未
訛。千秋萬歲所鑒多。浯溪集。

句

八字山頭鴈。武昌江上魚。江口。能改齋漫錄。詩束牛腰藏舊橐。書訛馬尾辨新雉。贈賀方回。老學菴筆記。

滿城風雨近重陽。

梁溪漫志。謝無逸嘗從潘邠老求近作。邠老答曰。秋來景物。件件是佳句。恨爲俗氣所蔽。昨日清臥。聞澗林風雨聲。欣然起題其壁云云。忽催租人至。遂敗意。止此一句奉寄。

謝逸

逸字無逸。臨川人。屢舉不第。以詩文自娛。有溪堂集。

冷齋夜話。無逸詩。老鳳垂頭噤不語。枯木槎牙喚春鳥。貪夫蟻旋磨。冷官魚上竹。山寒石髮瘦。水落溪毛凋。等句。大爲山谷稱賞。曰。晁張流也。

後村詩話。紫微評無逸詩似康樂。幼繫詩似元暉。按康樂一字。百鍊乃出。治元暉尤麗密。無逸輕快有餘。而欠工緻。幼繫差苦。思其合元暉者亦少。然弟兄在政宣閒。科舉之外。有歧路可進身。韓子蒼諸人。或自鬻其技。至貴顯。二謝乃老死布衣。其高節

亦不可及。

亡友潘邠老有滿城風雨近重陽之句。今去重陽四日而風雨大作。遂用邠老之句。廣爲三絕。

滿城風雨近重陽。無柰黃花惱意香。雪浪翻天迷赤壁。令人西望憶潘郎。
滿城風雨近重陽。不見修文地下郎。想得武昌門外柳。垂垂老葉半青黃。
滿城風雨近重陽。安得斯人共一觴。欲問小馮今健否。雲中孤雁不成行。

晚春

蒲芽荇帶繞清池。錦纜牽船水拍隄。好是寒煙疎雨裏。遠峰青處子規啼。

門前楊柳暗沙汀。雨溼東風未放晴。點點落花春事晚。青青芳草暮愁生。

夏日

竹風煙靜午陰涼。飯罷呼童啓北窗。試拂橫牀供晝寢。且容幽夢遶清江。以上合璧事類前集。

寄隱士

先生骨相不封侯。卜居但得林塘幽。家藏玉唾幾千卷。手校韋編三十秋。相知四海孰青眼。高臥一菴今白頭。襄陽耆舊節獨苦。只有龐公不入州。

送董元達

讀書不作儒生酸。躍馬西入金城關。塞垣苦寒風氣惡。歸來面皴鬚眉斑。先皇召見延和殿。議論慷慨天開顏。謗書盈篋不復辯。脫身來看江南山。長江滾滾蛟龍怒。扁舟此去何當還。大梁城裏定相見。玉川破屋應數閒。

豫章別李元中宣德

舊聞諸李隱龍眠。伯時已老元中少。一行作吏各天涯。故人落落疎星曉。西山影裏識君面。碧照暮江眸子瞭。向來聞道渺多歧。只今領略歸元妙。老鳳垂頭噤不語。古木查牙噪春鳥。身在幕府心江湖。左胥右律但坐嘯。第愁一葉釣魚舟。不容堂堂七尺表。我今歸臥靈谷雲。君應紫禁鶯花繞。相思有夢到茅齋。細雨青燈坐林杪。以上宋文鑑。

題玉方之大裘軒

小人拙生事。三冬臥無帳。忍寒東窗底。坐待朝曦上。徐徐晨光熙。稍稍血氣暢。薰然四體和。恍若醉春釀。此法祕勿傳。不易車百輛。君胡得此法。開軒亦東向。蘇公名大裘。意豈在萬丈。但觀名軒心。人人如挾纊。齊東野語。

社日

雨柳垂垂葉。風溪細細紋。清歡惟煮茗。美味祇羹芹。飲不遭田父。歸無遺細君。東臯農事作。舉趾待耕耘。
瀛奎律髓

南湖絕句

在臨川地近魏夫人仙壇

平湖匳鏡靜無塵。地接西壇共一雲。安得御風如列子。更邀明月訪元君。
野情蕭散不便書。老大無心賦子虛。待借南湖雙牒子。綠荷陰裏看游魚。
碧瓦朱甍午影涼。輭風翻袂送秋香。荷花也似知秋近。故斂羞容避夕陽。

擬峴臺

在撫州城東隅守裴某建曾文定公爲記

耿耿抱孤韻。寂寂扃柴扉。束書臥環堵。交游車馬稀。風流佳公子。妙年秉天機。邀予步層雲。目送孤鴻飛。山影漾清流。翠色侵人衣。漁浦晚煙暝。霽霧蒙夕暉。靜言思叔子。悵然憺忘歸。坐有庖丁手。奏刀心術微。萬象含筆端。縑素聊一揮。古來勝達士。欵如朝露晞。吾人各勉力。毋爲鄒湛譏。

廣壽寺

學道護心城。養生戒眉斧。靜知世味薄。老愜野僧語。散步給孤園。邀我會心侶。塵清不眯眼。境靜可冰暑。

蓮社宗遠公。竹溪仰巢父。此道不異世。今人豈媿古。當念貧時交。重勿棄如土。以上撫州府志。

句

閣浮檀水心無染。優鉢曇花體自香。合璧事類後集。

狂隨柳絮有時見。舞入梨花何處尋。江天春晚暖風細。相逐賣花人過橋。

豫章詩話謝無逸作胡蝶詩三

百首人號謝胡蝶有句云云

洪朋

朋字龜父。南昌人。黃山谷之甥。舉進士不第。有清非集。與弟芻駒父、炎玉父、羽鴻父俱有才名。號

四洪。

王直方詩話洪龜父常有詩云。琅玕嚴佛界。山谷改云。琅瑤鳴佛屋。龜父前
後作詩。唯有一朝厭蝸角。萬里騎鷗背。一聯最爲妙絕。山谷亦嘗歎賞此句。

寫韻亭

紫極宮下春江橫。紫極宮中百尺亭。水入方洲界玉局。雲映連山羅翠屏。小楷四聲餘翰墨。主人一粒盡
仙靈。文簫彩鸞不復返。至今神界花冥冥。

紫微詩話作詩

至此殆無遺矣

春風

春風吹桃李，欵然滿中園。羣動不遑息，胡蝶紛飛翻。我亦感茲時，步履繞林閒。顏色豈不好，持久良獨難。置酒休其下，聊復罄餘歡。君看桃與李，成蹊亦無言。

宿范氏水閣

枕水鑿疏櫺，雲扉夜不扃。灘聲連地籟，林影亂天星。人靜魚頻躍，秋高露欲零。何妨呼我友，乘月與揚舲。獨步懷元中。

淨盡西山日，深行城北村。琅璫鳴佛屋，薜荔上僧垣。時雨慰枵腹，夕風清病魂。所思渺江水，誰與共忘言。晚登秋屏閣示杜氏兄弟

病人湯熨暫時停，漫向秋屏閣上行。白日忽隨飛鳥去，青山斷處落霞明。林閒嘒嘒寒蟬急，江上悠悠煙艇橫。富貴功名付公等，嗟予老矣負平生。以上宋文鑑

李夫人偃竹歌

袖中欵忽生絲竹，眼底鮮飈起寒綠。□□誰能寫此真，偃蹇一枝生氣足。夫人故有林下風，歲寒落落此君同。映窗得意偶揮灑，寫出篔簹郭裏千秋之臥龍。夜來風雨吹倒屋，但恐踊躍變化入水渺無蹤。

題胡潛風雨山水圖

胡生好山水，煙雨山更好。鴻雁書遠空，馬牛風塞草。以上聲畫集

廬山

山瀑兩道瀉木葉四時春日暝不知去魚鳥會留人廬山志

洪 芻

芻字駒父紹聖元年進士崇寧中入黨籍靖康中爲諫議大夫汴京失守坐爲金人括財流沙門島卒有老圃集

文獻通考陳氏曰洪氏兄弟四人其母黃魯直之妹不淑早世所爲賦毀璧者也龜父舉進士不第其季弟羽鴻父坐上書元符中入黨籍終其身芻炎皆貴而芻靖康失節貶廢羽詩不傳

劉後村詩話三洪與徐師川皆豫章之甥龜父警句往往前人所未道然早卒惜不多見駒父詩尤工初與龜父游梅仙觀龜父有詩卒章云願爲龍鱗嬰勿學蟬骨蛻是以直節期乃弟矣駒父後居上坡晚節不終不特有愧于舅氏亦有愧于長君玉父南渡後爲少蓬聞師川召有懷駒父詩云欣逢白鶴歸華表更想黃能出羽淵然師川卒不能返駒父子鯨波之外玉父愛兄之道至矣余讀而悲之

蝦蟆

動物類含血蝦蟆獨無之雙目但瞳也一腹亦蟠其龍變或託體魚腹視幽姿罕見三足蟾詎減六眸龜向來奏賈瑞背負輪困芝坐謾皆下吏膠車等兒嬉雖蒙黃金擲荆卿空爾爲或以白玉琢形模妙工倕咄爾百醜質詎辱五鼎脂浪號土底犧雄誇水中雞何足汗帝箸但可充虵飢作意一池鳴和我五字詩

事文類聚後集

上墨工

子墨客卿妙一世。懷玉山中五丈夫。峨眉老仙與推轂。谷量牛馬斗量珠。

田家謠

鳩婦勃磈農荷鋤。身披襤褸頭茅蒲。雨不破塊田坼圖。稊稗青青佳穀枯。大婦確舂頭鬢疎。小婦拾穗行餉姑。四時作苦無袴襦。門前叫嘖官索租。以上合璧事類前集。

闕題二首

槐下棗花纂纂。麥秋葑子離離。不沽十千美酒。難消三百枯基。兩部池蛙當妓。千山飛鳥催沽。引睡直須黃妳。曲肱正要青奴。

雪浪齋日記。此

駒父少作也。

擬峴臺

崇臺面空闊。遠眺真高明。一水來朝宗。彎環抱荒城。連山頗假蹇。卻略倚翠屏。緬懷青溪上。興與峴山并。客從豫章來。及此春服成。公子有好懷。良友及茲登。初筵挹溪光。中觴聞雨聲。翠幄列茂樹。金沙漲回汀。鷗鳥舞不下。溪舟縱復橫。尙恨夜氣斂。不見白月生。信美非吾土。少留空復情。江西通志。

寄題雙井黃稚川雲巢。稚川名公準山谷之弟。

雲巢一上十五里。中有今世巢居子。雞鳴犬吠百餘里。不知天際去此幾。平生深契鳥窠禪。翦茅蓋頭萬事已。宴坐經行飛鳥上。人閒榮辱不到耳。蝸牛兩角竟何爲。鷓鴣一枝端自喜。我有一廛落城市。章服裹

狙聊復爾。武陵未訪桃花源。修江儻問桃花水。會取櫻桃洞前路。藜杖扶衰自此始。南昌府志。

石耳峰

朝踏紅塵暮宿雲。往來車馬漫紛紛。猴溪橋下潺湲水。唯有峰頭石耳聞。廬山志。

金陵作

沙鷗鸞環轉柁牙。一衣帶水遶城斜。飛廉解使馮夷怒。渡口風吹蕎麥花。景定建康志。

句

眼中人物東西盡。肺病京華故倦游。送王立之赴官河內。王直方詩話。關山不隔還家夢。風月猶隨過海身。竄海

鳥作。老學庵筆記。深秋轉覺山形瘦。新雨能添水面肥。雪浪齋日記。

徐俯

俯字師川。洪州分寧人。以父禱死事。授通直郎。紹興初。賜進士出身。累官端明殿學士。簽書樞密院事。權參知政事。有東湖集。

豫章詩話。師川七歲能詩。山谷嘗曰。洪龜父攜師川上藍莊。詩來詞氣甚壯。筆力絕不類年少書生。意其行已讀書皆當老成解事。熟讀數過。爲之喜而不寐。老舅年衰力劣。不足學。師川有意日新之功。當於古人中求之耳。

後村詩話。師川豫章之甥。然自爲一家。不似涇陽。高自標樹。藐視一世。在靖康中。朝列有改名避僞楚諱者。師川名婢曰昌奴。朝士至則呼之。以名節自任。諸人所推下之者。不獨以其詩也。

雪浪齋日記。佳樹冬不凋。橫塘春更

綠。此徐師川詩。頗平淡。無雕鐫氣。

次韻可師題于逢辰畫山水

江漢踰千里。陰晴自一川。故山黃葉下。夢境白鷗前。巫峽常雲雨。香爐舊紫烟。布帆無恙在。遠上泛湖船。

畫虎行爲吉州假守蘇公作

昔日何人畫於菟。君家獨有他家無。宣城老包骨已朽。紛紛俗子尙誰呼。大虎蹲踞小虎戲。目光注射百步外。名畫多聞內府收。人閒豈惜千金費。巉巉巖巖谷中石。老樹穹枝拂秋色。銳頭將軍射不得。卻挂江南使君壁。林閒一嘯四山風。麀驚狐號爲墮空。不向南山隨李廣。只愁東海笑黃公。憶昔余頑少小時。先生教誦荆公詩。祇今耆舊無新語。賴有廬山病可師。

春日登眺遊寶勝諸寺且觀名畫

護法儼神龍。諸天擁梵宮。樓臺春日麗。海岳畫圖雄。浦樹重重綠。園花灼灼紅。微風吹細雨。只在夕陽中。

明皇夜游圖

呂子廣藏畫學博士李生所作

歌吹開元曲。鉛華天寶妝。苑風翠袖冷。宮露赭袍光。閨闈連閭闔。驂駟從驪驪。千門還欲曉。九陌乍聞香。

李賀晚歸圖

近代推名畫。諸君作薦書。皇都開藝學。博士是新除。高柳長安道。亂雲昌谷居。丹青聊置此。僕馬晚歸歟。饒守董尙書。令畫史繪釋迦。出山相及維摩居士。使靈山香火之因不斷。復惠臘藥數種。皆病所欲也。作此寄之。

示病毘邪金粟影。出山五祖金仙相。神妙通靈顧虎頭。白蓮香火空諸妄。臘中發藥補衰朽。扶杖清風看

花柳捷書正用此時來。開顏政爾難忘酒。韓門弟子更誰如。卽今猶有董安于。更畫承明兩學士。與公相對白髭鬚。以上整畫集

陪李泰發登潤州城樓

十年不復上南樓。直爲狂曾作遠遊。滿地江湖春入望。連天章貢水爭流。青雲聊爾居金馬。紫氣還應射斗牛。公是主人身是客。舉觴登望得無愁。

儂古堂詩話。師川此作絕類。

長卿和樊使君登潤州城樓詩。

題顏魯公畫像

公生開元閒。壯及天寶亂。捐軀范陽胡。竟死蔡州叛。其賢似魏證。天下非正觀。四帝數十年。一身逢百難。少時讀書史。此事心已斷。老來鬢髮衰。慨嘆功名晚。嗟哉忠義途。捷去不可緩。初無當年悲。只令後世歎。一朝絕霖雨。南畝常亢旱。小夫計雖得。斯民蓋塗炭。長歌詠君節。千載勇夫慊。敬書子張紳。庶幾古人半。
容齋二筆

春日游湖上

雙飛燕子幾時回。夾岸桃花蘸水開。春雨斷橋人不渡。小舟撐出柳陰來。後村千家詩。

跋韓子蒼代葛亞卿作詩後

夏木陰陰欲放船。黃鸝啼了落花天。十詩盡說人閒事。付與風流葛稚川。

同會戶部諸公尋梅對奕

處處已收南畝稻，閑閑還看北山梅。累觴聊爾酩酊顏，在對局怡然笑口開。埽徑似知佳客至，杖藜唯可數君來。移松種樹鄱陽老，章甫風帆歲一迴。

庭中梅花正開用舊韻貽端伯

羌笛何勞塞北吹，江南何處不寒梅。千林寂寂無人看，獨樹亭亭對客開。偏爲咨嗟唯爾念，是誰移種待君來。縱留一曲安能唱，恰似朝歌墨子迴。以上豫章詩話。

滕王閣

一日追王造，千年與客遊。雲邊梅嶺出，坐上贛江流。日落迴飛鳥，烟深失釣舟。蟬鳴枯柳外，天地晚風秋。南昌府志。

句

一百五日寒食雨，二十四番花信風。歲時廣記。開元天寶閒，袞袞見諸公。不聞張與許，名在臺省中。雙廟。

紫微詩話今時習主簿，還是魯諸生。過張獻之主簿村居。合璧事類後集。

離鸞只說閨中事，舐犢那知母子情。

呂氏童蒙訓。徐師川言作詩立意不可蹈襲前人。因言慈母溪與望夫。

山相對望夫山詩甚多。而慈母溪古今無人題詩。自誦其末兩句云云。

頗知鶴脰緣詩瘦，早棄魚須伴我閑。

困學紀聞徐師川以諫議召程致道在西垣封還除書言與中貴人倡和魚須之句爲人所傳朱文公語錄云師川游廬山遇宦者鄭謀與之詩後村謂徐集不載魚須之篇愚考集中有次韻鄭本然居士云云本然居士豈卽鄭謀歟

詩如雲態度人似柳風流贈張仲宗 詩說雋永

林敏修

敏修字子來敏功弟有無思集

後村詩話二林詩極少曾端伯作高隱小傳云有詩文百二十卷今所存十無一二兄弟皆隱君子不但以詩重

閻立本畫醉道士圖

破除萬事無過酒有客何須計升斗解將富貴等浮雲醉鄉卽是無何有昔人繪事亦有神丹青寫出盡天真尊壘未恥月漸傾更待曉出扶桑暎餐霞服氣浪自苦自厭神仙足官府脫巾解帶衣淋漓眼花錯莫誰賓主君不見炙手可熱唯權門欲觀佳麗爭怒噴何如銜杯樂聖藉地飲安用醉吐丞相茵

文湖州作山水橫軸吳希全家藏其子誠伯求蘇養直賦詩語特奇妙遂用其韻同賦

明窗十日復五日出此湖光與山色前身畫師語不妄文侯乃是金門客乍從雲際辨遠岫爭數喬林誇眼力波漂菰米歲事空水濱枉下南飛鴻欲投曉渡喚舟子急槳已入昏烟中徑思天邊問歸路錯認江鄉舊洲渚能傳萬里在尺素豪奪應防卷寒雨以上聲畫集

張牧之竹溪有序

張牧之隱於竹溪。不喜與世接。客來蔽竹窺之。或謂人佳士。則呼船載之。或自刺船與語。俗子十反不一見。怒罵相踵弗顧也。人或以少漫郎。余獨喜與古人意合。乃作竹溪詩。

幽閑古城陰。結屋清溪曲。溪流湛回映。上有青青竹。漫郎欣得之。綠髮詠空谷。高風及前修。勝趣隨遠矚。惡客徒擾人。立談非我欲。麾去寧汝瞋。真意聊自足。或言不當爾。往往相謗譎。蒼云豈吾私。恐作林泉辱。源流別涇渭。臭味同草木。肯當百事勝。容此一物俗。獨餘嵇阮輩。蕩槩戒臣僕。濁醪澆古胷。日沒還秉燭。僕忝瓜葛後。意氣頗相屬。平生幾兩屐。共老三徑菊。行年事無定。此計諾已宿。徑須買牛衣。兒亦荷書簞。從子竹閒游。溪魚剝寒玉。宋文鑑。

洪 炎

炎字玉父。元祐末登第。南渡後官祕書少監。有西渡集。

西江宗派圖錄。玉父重聽嘗對上曰。世人皆鑿於心。臣則鑿於耳。心則了了。惟上所使。

詠奕

荆璞玉爲子。井文楸作枰。有求唯別墅。不喜得宣城。跼跼飛鳶墮。丁丁伐木聲。破愁逢一笑。無地著虧成。不作丹朱戲。難禁清晝長。敢言白玉局。聊取紫羅囊。角道空傳記。乘除自有方。兒童爭畫紙。謾學老夫狂。
葉少蘊出示鄭先覺閱駿馬圖爲作長歌

丹青得名曹將軍。畫馬已來無復人。諸生韓幹受肉法。絕足亦傳沙苑真。儒林望郎李公麟。曹韓復生能

與鄰心胷可納天西極。紈素頻空冀北羣。鄭生晚識李侯比。自許筆端輕萬里。山川初出大宛城。翰墨猶
露渥。注水汗血噴沙指顧閒。霧鬣風鬣卷中起。戲成十馬皆龍材。前有飛黃後山子。葉公好尙有祖風。苦
愛真龍似畫龍。千金不惜市駿骨。睥睨神物秋豪中。英雄嘗聞妾換馬。意氣欲將詩拔畫。詩工合畫兩崛
奇。谷量馬觀未論價。公詩自是生驂騑。恨公不身親李侯。向來曹韓空白頭。

遷居

從官三十載。故山凡幾歸。昔歸尙有屋。再歸已傾敝。今歸但喬木。竹落荆薪扉。上爲鶴鳥都。下爲雞犬棲。
相彼東西隅。三畝以爲基。積塊與運甃。實窪而培庳。成茲道傍舍。空我橐中資。堂室取卽安。牖戶適所宜。
嘉樹三四株。當窗發華姿。馨花入懷袖。似與遷徙期。我今六十老。豈不知前非。骨相自不媚。況復筋力微。
收此衰病身。與汝長相依。松楸幸在望。鄰曲不見遺。葛巾隨里社。庶以保期頤。以上西渡集

再任祕書少監

再入蘭臺逢舊史。重遊東觀閱新書。家徒四壁今無屋。誰爲君王奏子虛。合璧事類後集

絕句

桃花浪打散花樓。南浦西山送客愁。爲理伊州十二疊。緩歌聲裏看洪州。
西江東畔見江樓。江月江風萬斛愁。試問海潮應念我。爲將雙淚到南州。

菊坡叢話。洪玉父舍人有侍兒曰小九。知書。能爲洪檢閱。洪甚愛之。嘗月夜登滕王

閣。洪賦詩云云。後因兵亂失之。洪悵悵不已。又和前詩云云。已而洪復尋得其人。

汪革

革字信民。自歙徙臨川。紹聖四年。試禮部第一。分教長沙。又爲宿州教授。蔡氏當國。以周王宮教。召不就。復爲楚州教官。卒。有青溪集。

後村詩話。呂滎陽居符離。信民爲教官。從滎陽學。故紫微公尤推尊信民。其詩云。富貴空中華。文章木上癩。要知真實地。唯有華嚴境。蓋呂氏家世。本喜談禪。而紫微與信民皆尙禪學云。

困學紀聞。饒德操。黎介然。汪信民。寓宿州。作詩有略詆及時事者。呂滎陽聞之。作麥熟纒絲等四詩以諷之。自此不復有作。

寄謝無逸

問訊江南謝康樂。溪堂春水想扶疎。高談何日看揮塵。安步從來可當車。但得丹霞訪龐老。何須狗監薦相如。新年更勵於陵節。妻子同鋤五畝蔬。

和呂居仁春日

晏坐饗堂一事無。居官蕭散似相如。偶違濁酒風前約。不見繁英雨後疎。以上紫微詩話。

李 鎔

鎔字希聲。官至祕書丞。有集。

題宗室公震四時景

九江應共五湖連。尺素能開萬里天。山杏野桃零落處。分明寒食曉風前。

繁陰雜樹映汀沙。三伏江天自一家。欲喚扁舟渡雲錦。平鋪明鏡是荷花。
春鉏寂寞繞疎叢。霜後雲生浦澗風。此處年年報秋色。只應衰柳與丹楓。
剪水飛花細舞風。斷蘆洲外水連空。剡溪幾曲知名處。何似今朝眼界中。畫繼

句

散盡平生眼中客。暖風晴日閉門居。送王立之。王直方詩話。

韓駒

駒字子蒼。蜀之仙井監人。政和中。召試。賜進士出身。除祕書省正字。累除中書舍人。兼權直學士院。高宗卽位。知江州。有陵陽集。

後村詩話。子蒼蜀人。學出蘇氏。與豫章不相接。呂公強之入派。子蒼殊不樂。其詩有磨泮。翦截之功。終身改竄不已。有已寫寄人數年。而追取更易一兩字者。故所作少而善。

敖陶孫詩評。韓子蒼如

梨園按樂排比得倫。

和李上舍冬日

北風吹日晝多陰。日暮擁階黃葉深。倦鵲遶枝翻凍影。飛鴻摩月墮孤音。推愁不去如相覓。與老無期稍見侵。顧藉微官少年事。病來那復一分心。

復齋漫錄。子蒼和李上舍冬日詩。日暮擁階黃葉深之句。最爲世所推賞。故李彭商老有建除體贈

子蒼云。滿朝以詩名。何獨遺大雅。平生黃葉句。摸索便知價。蓋是時子蒼自館職。京宰分寧時也。

上元葆真宮作

玉作芙蓉院院明，博山香度小崢嶸。誰言水北無人到，亦有嬾姍勃窣行。

書舊續聞宣和間重華葆真宮曹王南宮也燒燈盛於都下癸卯上元館職約集而蔡老攜家以來珠翠闌溢僮僕雜行諸名士幾遭排斥已而步過池北游人縱觀時少蓬韓駒子蒼咏小詩云

恭賦御畫雙鵲圖

君王妙畫出神機，弱羽爭巢並占時。想見春風鳩鵲觀，一雙飛上萬年枝。舍人簪筆上蓬山，輦路春風從駕還。天上飛來兩烏鵲，爲傳喜色到人間。

墨莊漫錄宣和初賜中書何處御畫雙

鵲韓子蒼時爲校書郎賦二絕云云

戲作冷語

石崖蔽天雪塞空，萬仞陰壑號悲風。纖絳不御當元冬，霜寒墜落冰谿中。斲冰直侵河伯宮，未若冷語清心骨。

劉童子七歲能誦書部使者聞諸朝既至京師會更制不果試其歸也以二小詩送之

七歲瀾翻數萬言，飢鷹引子望騰鶩。時平不用甘羅輩，寂寞提書歸故園。不作西京童子郎，時人已自識黃香。還家更誦五千卷，十八重來詣太常。

題脩師陽關圖

風煙錯漠路崎嶇。倦客羈臣淚滿衿。何事道人常把翫。只應無復去來心。

題楊妃上馬圖

翠華欲幸長生殿。立馬樓前待貴妃。尙覓君王一回顧。金鞍欲上故遲遲。

題湖南清絕圖

故人來從天柱峯。手提石廩與祝融。兩山坡陀幾百里。安得置之行李中。下有瀟湘水清瀉。平沙側岸搖青楓。漁舟已入浦澱宿。客帆日暮猶爭風。我方騎馬大梁下。怪此物象不與常時同。故人謂我乃絹素粉墨妙手。煩良工都將湖南萬古愁。與我頃刻開心胷。詩成畫往默惆悵。老眼復厭京塵紅。

謝泉州連使君寄子魚

驛騎持書自海旁。開籃剩喜子魚香。紅螺紫蛤俱羞避。獨許渠儂近酒觴。

茗溪漁隱叢話。子魚味鹹。正可噉水飯。若

作酒品之物。殊無風味。子蒼之言誤矣。

遜齋閑覽。莆陽通應子魚名著天下。蓋其地有通應侯廟。廟前有港。港中之魚最佳。今人必求其大可容印者。謂之通印子魚。故荆公亦有詩云。長魚俎上通三印。此傳聞之說也。

題李伯時畫背面仕女

睡起昭陽暗淡妝。不知緣底背斜陽。若教轉盼一回首。三十六宮無粉光。

游赤壁示何次仲

時守黃州。

緩尋碧竹白沙遊。更挽藤梢上上頭。豈有危巢尚棲鶴。亦無塵跡但飛鷗。經營二頃將歸去。眷戀羣山爲少留。百日使君何足道。空餘詩句滿江樓。

題李伯時畫太乙真人圖

太乙真人蓮葉舟。脫巾露髮寒颼颼。輕風爲帆浪爲楫。臥看玉宇浮中流。中流蕩漾翠綃舞。穩如龍驤萬斛舉。不是峯頭十丈花。世閒那得葉如許。龍眠畫手老入神。尺素幻出眞天人。恍然坐我水仙府。蒼烟萬頃波粼粼。玉堂學士今劉向。禁直岩曉九天上。不須對此融心神。會植青藜夜相訪。以上陸陽集。

茗溪漁隱叢話。李伯時畫太乙真人臥一大蓮葉中。手執書卷仰讀。蕭蕭有物外思。子蒼有詩題其上云。語意絕妙。眞能咏盡此畫也。

郡齋讀書志。王黼嘗命子蒼詠其家藏太乙真人圖。盛傳一時。

代妓送葛亞卿

劉郎底事去恁恁。花有深情只暫紅。弱質未應貪結子。細思須恨五更風。

優古堂詩話。王建宮詞。樹頭樹底覓殘紅。一片西飛一片東。自是桃花貪結子。錯教人恨五更風。韓子蒼反其意而作詩送葛亞卿云。

絕句

憶將南庫官供酒。共賞西垣敕賜花。白髮思春醒復醉。豈知流落到天涯。

墨莊漫錄。故事西京歲貢牡丹例以一百枝。及南庫酒賜館職。韓子蒼去國後詩云。

贈向巨原

老子真祠地。君來覓紙題。文如士衡俊。年與正平齊。聞說鍾陵郡。官居章水西。涪翁詩律在。佳處可時攜。
容齋三筆。

李

彭

彭字商老。南康軍建昌人。公擇從孫。有日涉園集。

鴨按。王明清揮麈前錄云。李定仲求。不得預蘇子美賽神會。致興大獄。其孫即商老。彭以詩名列江西派中。此李定洪州人。

後村詩話。商老公擇尚書家子弟也。東坡山谷文潛諸公皆與往還。頗博覽強記。然詩體拘狹少變化。

江西宗派圖錄。呂居仁云。商老詩

文富贍宏博。非後生容易可到。

閣立本醉客圖

酒有何好工作病。頗怪此人喜中聖。藏身麴蘖勝富幽。寄愁天上呼不醒。春風吹開玉東西。月墮參橫斟酌之。吐茵脫帽有妙理。眩朱成碧渾忘歸。右相丹青果馳譽。幻藥調成疑笑語。便覺微縮古意生。似開醉眼卿可去。半生憂患復蕭條。甕中肥遁何須邀。一樽桑落對公等。盡解平時藜藿嘲。

唐明皇夜游圖

開元御極垂衣裳。登三咸五陵義皇。白環重譯銀甕出。卜夜遨遊離未央。香車鬪風秦與虢。羅帕覆鞍真乘黃。赭袍錯落綴北斗。步輦優游銜鏤錫。寧王玉笛上霄漢。御路花光爭月光。汝陽羯鼓絹帽穩。打徹參旌低建章。太真霑醉玉敝側。力士傳呼聲渺茫。翠釵挂冠紅粉妝。金貂貰酒白面郎。君臣玩狎樂莫比。清禁喜聞宮漏長。若令姚宋坐廟堂。袖中諫疏神揚揚。萬里橋邊行幸處。後世龜鑑懷苞桑。

魏鍊師四松畫圖

四松在澗壑。歲晚乃更奇。蕭然如黃綺。傲岸不可追。誰將談天口。掉舌聊見移。由來拂東絹。寫此霜雪姿。便有松上雨。催我窗閒詩。翻思斲青冥。採藥堪扶衰。當年丹青手。開闢造化隨。既有圯下約。子行何後期。

徐叔明校書篆筆奇古復作丹青爲予作漢江暮靄扇材極妙力求鄙句作此以贈

曩時徐騎省。篆古逼秦相。後來得仍孫。毫端溟渤壯。能回頓挫姿。丹青生意匠。餘酣寫便面。萬里烟莽蒼。何許捕魚郎。落日蕩雙槳。無勞翦吳淞。安用置疊障。真欲老是閒。塵境孰非妄。憐君俱入妙。簡遠復清曠。定爲造物瞋。覓句聊分謗。以上聲畫集。

題訪戴圖

閑庭秋草積。滿砌蒼苔深。忽向冰紈上。聊窺訪戴心。雪月俱皎皎。風林互森森。縱觀停臚處。猶聞擊汰音。縣志

題呂少馮聽雨堂

碧澗寒侵屋，幽雲夜度牆。貪看山入坐，怪聽雨鳴廊。苦乏陰鏗句，聊登孺子牀。非君無汲引，寄傲學潛郎。

夢訪友生

少年結客長安城，妄喜縱酒同章程。支離老去一茅屋，枕書臥聞長短更。友生相望止百里，寒夜寥閔無微聲。夢中乘興輒見戴，剡溪聊爾扁舟行。覺來遽遽一榻上，不用僮僕爭驩迎。吹燈弄筆欲書寄，窗前白月方亭亭。

阻風雨封家市

往時李成寫驟雨，萬重古意毫端聚。行人深藏鳥不度，便覺非復鵝溪素。龍眠老阮作陽關，北風低草雲埋山。行人客子兩愁絕，未信蒲萄能解顏。兩郎了解人意，似是畫我封家市。戲作新詩排晝睡，忽有野雁鳴烟際。

望西山懷駒父

去歲湖湘賦凜秋，聞君江國大刀頭。百年會面知幾遇，十事欲言還九休。照眼遙岑落懷袖，過眉拄杖落汀洲。莫言青山淡吾慮，誰料卻能生許愁。以上宋文鑑

寄希廣禪師

已透雲庵向上關，熏爐茗椀且開顏。頭顱無意掃殘雪，毳衲從來著壞山。瘦節直疑青嶂立，道心長與白鷗閑。歸來天末一回首，疑在孤峯煙靄間。補續高僧傳

溪友提攜紫蟹肥。形模郭索就羈縻。抱黃斫雪老饕事。看碧成朱露醉時。大嚼故知羞海鏡。嗜甘易誤食彭蜺。欲將磊落輕爾雅。委頓深憐蔡克兒。蟹略

送妙喜禪師往荆南求準公塔銘于張丞相天覺

落絮霏霏攪客心。鳴鳩歷歷喚春陰。未于蓮社添宗炳。先向蘭亭減道林。遠嶠雲屯鍾磬晚。諸天目斷薜蘿深。詩緣病廢苦無思。爲子送將聊一吟。大慧年譜

春日懷秦髯

山雨蕭蕭作快晴。郊園物物近清明。花如解語迎人笑。草不知名隨意生。晚節漸於春事懶。病軀卻怕酒壺傾。睡餘苦憶舊交友。應在日邊聽曉鶯。詩林萬選

翻經臺

五千餘卷在高臺。內史翻時蠟屐來。夢斷池塘人不見。年年春色綠成堆。江西通志

晁冲之

冲之字叔用。濟北人。說之從弟。在羣從中獨不第。授承務郎。紹聖以來。黨禍既作。超然獨往。有具茨集。

喻汝礪序云。咸平景德中。儒學文章之盛。不歸之平棘宋氏。則屬之清豐晁氏。叔用以文莊公爲曾大父。文元公爲高祖。家藏至二萬卷。紹聖初。晁氏羣從多在黨中。叔用于是飄然遺形逝而去之。宅幽阜。蔭茂林。於具茨之下。世之網羅不得而嬰也。劉後村詩話。余讀叔用詩。見其意度宏闊。氣力寬餘。一洗詩人窮餓酸辛之態。其律詩云。不擬伊優陪殿下。相隨于薦過樓前。亂離後。追邇承平事。未有悲哀警策於此句者。

廷珪墨詩

君不見江南墨官有諸奚。老超尙不如廷珪。後來承晏頗秀出。喧然父子名相齊。百年相傳紋破碎。彷彿尙見蛟龍背。電光燭天星斗昏。雨痕倒海風雷晦。卻憶當年清暑殿。黃門侍立才人見。銀鉤灑落桃花箋。牙牀磨試紅絲硯。同時書畫三萬軸。二徐小篆徐熙竹。御題四絕海內傳。祕府毫芒惜如玉。君不見建隆天子開國初。曹公受詔行掃除。王侯舊物人今得。更寫西天貝葉書。

紫微詩話。脫去世俗。

畦畛高秀實深稱之。

追往昔二首示江子之

少年使酒走京華。縱步曾游小小家。看舞霓裳羽衣曲。聽歌玉樹後庭花。門侵楊柳垂珠箔。窗對櫻桃捲碧紗。坐客半驚隨逝水。吾人星散落天涯。
春風踏月過章華。青鳥雙遶阿母家。繫馬柳低當戶葉。迎人桃出隔牆花。鬢深釵暖雲侵臉。臂薄衫寒玉照紗。莫作一生惆悵事。鄰州不在海西涯。

墨莊漫錄。政和間。李師師崔念月二妓。名著一時。晁叔用每會飲。多召侑席。其後十許年。再來京師。二人尙在。而聲名溢於中國。李生者門第尤峻。叔用追往昔作二詩以示江子之靖康中。李生與同輩趙元奴及蔡德吹笛袁絢武震輩例籍其家。李生

流落於浙中。上大夫猶邀之以聽

其狀。然憔悴無復向來之態矣。

謝胡御史寄茶兼簡朱郎中

諫議茶猶寄。郎官迹已疎。斜封三道印。不奉一行書。會遠長安去。終臨顧洛居。大江清見底。爲問客何如。戲李相如攜婦還金鄉

舍人固多奇。奉璧登章臺。君王擊缶罷。將軍負荆來。長卿束髮時。亦復悅名字。一從臨邛遊。心迹了不似。茂陵未得仕。要是才足依。高堂援哀琴。月出載婦歸。文君入成都。乃復媿四壁。晚見負弩來。良悔抱頸泣。以少炭寄江子之

金籍曾通玉虛殿。仙曹擬拜翠微郎。莫嫌薄上溫磨火。猶得濃熏篤耨香。溫磨火事。見李義山詩。以上具奕集。

江端友

端友字子我。陳留人。鄰幾之孫。以元祐黨隱居。封正門外。靖康初。吳敏薦召見。以爲承務郎。賜進士出身。諸王宮教授。上書辯宣仁誣謗。遭黜渡江。寓居桐廬之鷓鴣源。後爲太常少卿。有七里先生自然菴集。

晁以道壽昌縣君劉氏墓誌云。夫人劉原父侍讀家女。嫁爲江鄰幾舍人之子婦。男三人。長端禮。次端友。端本。端友等一日白。夫人曰。幸見聽。敢有言。夫人笑曰。不欲從科舉乎。是吾素已疑之矣。且汝兄力學能文。屈于有司二十年。嘗爲予言。有司徒士之禮薄。而法益苛。媿之終其身。汝等尙少。而能不樂于此乎。汝安之。則吾何有。故端友與弟端本。遂優游于圍城數畝之田。人多高之。

牛酥行

有客有客官長安。牛酥百斤手自煎。倍道奔馳少師府。望塵且欲迎歸軒。守關呼語不必出。已有人居第一先。其多乃復倍於此。台顏顧視初怡然。昨朝所獻雖第二。桶以淳漆麗且堅。今君來遲數又少。青紙封題難勝前。持歸定慚遼東豕。努力明年趁頭市。

能改齋漫錄。宣和初。有鄧姓守西京。以

牛酥百斤遺梁師成。江子我作牛酥行。

韓碑

淮西功業冠吾唐。吏部文章日月光。千載斷碑人膽炙。不知世有段文昌。

庚溪詩話。紹聖元符間。黨禁興。毀東坡上清儲祥宮碑。命蔡京別爲之。正如唐時。仆韓退之平淮西碑。命段文昌改作。後人有詩云。余於儲祥宮碑亦云。後見韓无咎元吉云。是江子我詩。

九日

萬里江河隔。傷心九日來。蓬驚秋日後。菊換故園開。楚欲圖周鼎。湯猶繫夏臺。東籬那一醉。麈爵恥虛罍。

瀛奎律髓

楊符

符字信祖。有詩集。

句

史道官官惡。田家事事賢。劉後村詩話。

謝邁

邁字幼槃。逸從弟。以詩文媲美。時稱二謝。有竹友集。

撫州府志。幼槃妻董氏。賢而知學。幼槃每與客論古事。有所遺忘。妻必能記之。李商老嘗來。語及五代時有沙陀將臥疾。僚佐見其錦衾。曰爛兮。怒曰。我沙陀。安得謂我爲奚。偶忘其姓名。道稚子問之。董氏曰。康福也。

陶淵明寫真圖

淵明歸去潯陽曲。杖藜蒲屨巾一幅。陰陰老樹嘯黃鶯。豔豔東籬粲霜菊。世紛無盡過眼空。生事不豐隨意足。廟廊之姿老蓬蓽。環堵蕭條僅容膝。大兒頑頓懶詩書。小兒嬌癡愛梨栗。老妻日暮荷鋤歸。欣然一笑共蝸室。哦詩未遣愁肝腎。醉裏呼兒供紙筆。時時得句輒寫之。五言平淡用一律。田家酒熟夜打門。頭上自有漉酒巾。老農時問桑麻長。提壺挈榼來相親。一尊徑醉北窗臥。蕭然自謂羲皇人。此公聞道窮亦樂。容貌不枯似丹渥。儒林紛紛隨溷濁。山林高義久寂寞。假令九原今可作。舉公監輿也不惡。

題戴崧石鼎聯句圖

衡山道士熊豹姿。夜過劉生逢說詩。止于座隅初莫識。口不能言心自知。坐中清逸校書郎。新有詩聲誰過之。豈知老子殊不淺。可但逐鬼囚蛟螭。須臾指鼎出佳句。脫略凡韻生新奇。二生得句不敢吐。鳴聲強作秋蟲悲。懍如窘兔避鷹隼。懷如敗將收旌旗。借問舐筆摹者誰。定是槃礴真畫師。退之斯文有妙處。丹青寫盡初無遺。彌明得道如不死。應在衡山深處棲。端能過我挑詩敵。與君周旋吾敢辭。

吳彩鸞寫真圖

天上鳳皇難獨宿。人閒翡翠本雙棲。丹青不與文簫共。誰遣雉東迷雀西。

次韻李成德謝人惠墨牛

君不見八百里誇王氏。駁嘗敕家童瑩蹄角。綺襦紈袴競奢豪。臥疾不安愁禍作。何如傳寶墨牛圖。不飾青黃如素樸。向來奇畫購千金。宜在蘭臺天祿閣。兩牛方鬪未雌雄。或奔而從或小卻。其餘三四亦殊絕。或如虎臥鶴。俛啄。滕王蛺蝶東丹馬。嘉陵山水青田鶴。如將優劣比人才。長文何必慙文若。人言愛畫亦一癖。如彼牛羊何用貌。是家持論果非耶。煩君試爲評其略。

題于逢辰畫

踏徧江南岸。歸來試解衣。誰言物外賞。不與筆端違。石帶蒼苔瘦。風凋折葦稀。令人清興發。欲問釣魚磯。

顏魯公祠堂

上皇御宇無長策。牧羊奴子孤恩澤。銀菟分印屬兒曹。二十餘州齊陷賊。常山死守平原拒。公家兄弟聲名赫。平原白首列班行。忠義凜凜真嚴霜。歷事四朝惟一節。當年舌舐中丞血。豈知丞相面如藍。貌雖夷易心嶮巖。老臣何罪死虎口。到今誰爲祛其銜。臨風志士長悲吒。矧瞻遺像嚴祠下。未能立草迎送詞。一奠椒漿淚盈把。

次劉世基韻

兒時窺豹見一斑。晚學一技千金彈。齋房芝草不並秀。且餐秋菊綴春蘭。無心時共白雲出。忘機日對沙鷗閑。窮人與世各異調。敢望一唱仍三歎。昨來卜居向巖邑。玉川破屋纔數間。朝看爽氣出遠岫。夜聽繞

舍鳴清湍。幾回欲棹酒船去。賀老不見空稽山。

次韻彥光睡起病目

蜨夢游揚臥碧紗。知君不賞玉釵斜。夢回起坐有佳思。亂觸牙籤書五車。黑蠅著眼君勿嗟。學道乃得青蓮華。商略此意當過我。樵青竹裏爲煎茶。

寄汪信民

繫纜符離日。君行殊未歸。寄書問亳社。有夢過江西。不見揮犀柄。頻驚響馬蹄。殷勤具雞黍。多謝德公妻。

戲詠石榴晚開

靡靡江籬只喚愁。眼前何物可忘憂。棟花淨盡綠陰滿。纔見一枝安石榴。

鳴鳩

雲陰解盡卻殘暉。屋上鳴鳩喚婦歸。不見池塘烟雨裏。鴛鴦相並溼紅衣。以上竹友集。

夏倪

倪字均父。蘄州人。英公之孫。宣和中。自府曹左官祈陽監酒。有遠遊堂集。

劉後村詩話。均父集中。如擬陶韋五言。聲壓逼真。律詩用事琢句。超出繩墨。言近旨遠。可以諷味。然疎之諸孫。故其詩云。堂堂文莊公。事業何崢嶸。孟子曰。孝子慈孫。百世不能改。均父欲改之乎。其志亦可悲矣。

江西宗派圖錄。均父文詞富贍。儕輩罕及。嘗以天寒霜露。遊子有所之爲韻。作十詩。留別饒德操。曲盡辛綿之致。赴江守日。張彥寔贈詩云。未覺朝廷疎汲黯。極知州郡要文翁。均父朝夕諷誦之。詩文一集。呂紫微爲之序。

次韻漢陽蔡守題陽關圖

君不見季子敝盡黑貂裘。一生車轍環九州。使之負郭有二頃。未必肯相六國侯。此郎亦復何爲者。浪自出入不肯休。東風夾道羅供帳。倚馬欲行那得上。綠尊翠勺浩縱橫。四座哀歌互酬唱。陰雲漠漠天四垂。行子多著短後衣。金羈滴瀝鳴翠珥。負屨蹶倒從廬兒。漁舟微茫出浦溆。遠山無數迎脩眉。傾曦馱醉出關去。縱有離愁渠得知。長安春色濃如酒。乃向斯時別親友。可憐兒女浪辛苦。奔走功名逮華首。濁醪百榼胷崔嵬。暮色慘慘羈鴻哀。羊腸鳥道天尺五。爾獨胡爲來此哉。水有蛟龍瘳口眼。陸有兕虎潛巖隈。嗟爾游子不顧返。富貴有時終自來。

題宗室永年畫犬圖

公子朝回玉宸裏。戲弄丹青歌扇底。興來貌寫到禮駑。拳尾如搖欲投齒。豐顛闊腋偉骨相。縱逸未饒盧鵠駛。庭除花開春尙寒。屈藏短喙眠朝暾。其一狺狺口若吠。欲前卻立客在門。俗言犬馬最難畫。衆所共識誰面謾。非如鬼物隱幽眇。反覆醜好懸毫端。紛紛衆史坐歎息。筆仗突兀不可扳。乃知心匠本神授。以心運手不作難。我家敗屋依破垣。偷兒踏瓦驚夜眠。四壁雖如長卿第。舊物猶存子敬甃。就君乞取挂牆壁。端能警我窺窬客。

跋聚蟻圖

紛然蟲臂蟻爭環。爭與高人一解顏。不待南柯昏宦畢。始知身寄大槐閒。以上聲畫集。

和山谷游百花洲盤礴范文正公祠下以生存華屋處零落歸山正爲韻賦十詩

神文秉周禮。廟樂奏九成。當時夔一足。不待魯諸生。
嘖嘖鵲噪屋。悵悵蛛網門。我來九頓首。生氣凜如存。
堂堂古遺直。心嚴貌無華。人見不嫵媚。何以娛大家。
樸藪復樸藪。何以棟我屋。風雨莫輕搖。南山無老木。
有酒當自醕。有室莫共處。古今一兀貉。何能坐飛語。
夢回四賢篇。長風吹人醒。嗟哉不我見。淚與秋露零。
百代無幾人。九原何可作。不必溫御史。解令君膽落。
寶元乃多故。公時總戎機。胷中百萬兵。要取橫山歸。
公歸今幾時。遺懿何斑斑。公議要難沒。言波可懷山。
我心不可規。滔滔誰與游。向來秉大雅。今復成一兀。

范文正公集附。

題漢陽郎官湖

太白當年夜郎謫。一尊聊與故人留。南湖乞得郎官號。從此名傳五百秋。
豫章詩話。

句

猶喜平生蟹螯手。尙能半幅寫行書。

風月堂詩話。王立之夏均父俱以宗女夫入仕。均父饒財亦好學。立之晚年中風。以左手作字。均父寄詩云云。

林敏功

敏功字子仁，蘄春人。以春秋鄉薦不第，有高隱集。

尙友錄：子仁年十六，預鄉薦，下第歸。杜門不出者二十年。元符末，詔徵不赴。與弟敏修居比鄰，終老以文字相友善。敏修亦終身不舉進士。世號二林。政和中，林震爲郡首，謂吾宗有隱君子出郊見之，還朝舉其隱德，賜號高隱處士，旌表其門。子仁謝表云：自是雖陪英俊之遊，何敢妄意高尙之事。臥牛衣而待旦，寒如之何。搔鶴髮以興懷，老其將至。

江西宗派圖錄山谷云：林處士詩甚佳，碧落碑無贗本也。

書吳熙老醉杜甫圖

清晨出尋酒家門，蹇驢破帽衣懸鶉。年年碧雞坊下路，野梅官柳慣尋春。酒錢有無俱醉倒，改罷新詩留腹裏。兒童拍手遮路衢，拾遺笑倩旁人扶。百年風雅前無古，沈宋曹劉安足數。後來一字人難補，君莫笑渠作詩苦。

子瞻畫扇

夫子江湖客，毫端託渺茫。巒峰埋暮雨，古樹困天霜。偈側餘僧舍，冥濛失雁行。死生隨化盡，此意獨難忘。

以上聲畫集

春日有懷

風高收雨急。日薄過窗微。梅葉初迎臘。春溪欲染衣。形容今日是。遊衍昔人非。節物關愁緒。歸鴻正北飛。
宋文鑑

絕句

君心恨不走天涯。不比衰翁只戀家。最是橫塘黃葉路。今年無伴折梅花。方是閑居士小乘。

句

嘗憶他年接緒餘。饒三謂德操落拓我迂疎。溪橋幾換風前柳。僧壁今留醉後書。寄夏均父。茗溪漁隱叢話。

王直方

直方字立之。汴人。舍人棫之子。補承奉郎。元祐中。延致名士唱和。號歸叟。有詩話并集。

晁以道王立之墓志銘。立之少樂從諸丈人行遊。無他嗜好。惟晝夜讀書。手自傳錄。非其所好。雖以勞力美官誘致之。莫肯自枉也。常監懷州酒稅。尋易冀州羅官。僅數月。投劾歸。凡十五年。處城隅小園。嘯傲自適。命其園之堂曰賦歸亭。曰頓有一時文士。多爲賦詩。彭城陳無已。卒于京師。立之割田十畝以周其孤。病中取平生書畫古器。散之四方朋友。無遺。

臘梅

紛紛紅紫雖無韻。映帶園林正要渠。誰遣一枝香最勝。故應有客問何如。

茗溪漁隱叢話。直方自記云。山谷初見臘梅。作二絕句。緣此臘梅盛于京師。然交游間亦有不喜之者。余爲解嘲云云。

淮安園

賢王經別墅，深窈近嚴城。花竹四時好，賓朋一座傾。闔閭爭奕罷，擊鉢記詩成。明日朝天去，門扃烏雀驚。

文翰類選

上巳游金明池

游絲墮絮惹行人，酒肆歌樓駐畫輪。鳳管遏回雲冉冉，龍舟衝破浪粼粼。日斜黃繖歸馳道，風約青帘認別津。朝野歡娛真有象，壺中要看四時春。汴京遺蹟志

高荷

荷字子勉，荆南人。自號還還先生。元祐太學生，晚爲童貫客，得蘭州通判以終。有集。

山谷跋云：子勉作詩，以杜子美爲標準，用一事如軍中之令，置一字如關門之鍵，而充之以博學，行之以溫恭，天下士也。

劉後村詩話：子勉親見山谷，經指授，記覽多。

如麥城詩押險韻略無窘態，集中健語層出。

瀛奎律髓：山谷自戎州歸，荷以五言律三十韻贄見，山谷賞之。又和王子章華碑云：威強九鼎懼，喪亂一蠶成。又荷藥詩云：勃興連穀雨，閔位次花王。謁馬中玉云：辨雖豪白馬，讒亦困青蠅。皆可取，而蠶梅絕句尤奇。

賦國香

南溪太史還朝晚，息駕江陵頗從款。綵毫會詠水仙花，可惜國香天不管。將花託意爲羅敷，十七未有十

五餘宋玉門牆迂貴從。藍橋門戶怪貧居。十年目色遙成處。公更不來天上去。已嫁鄰姬窈窕空。傳墨客殷勤句。聞道離鸞別鶴悲。橐砧無賴鬻蛾眉。桃花結子風吹後。平峽行雲夢足時。田郎好事知渠久。酬贈明珠同石友。憔悴猶疑洛浦妃。風流固可章臺柳。寶髻犀梳金鳳翹。尊前初識董嬌饒。來遲杜牧應須恨。愁殺蘇州也合銷。卻把水仙花說似。猛省西家黃學士。乃能知妾妾當時。悔不書空作黃字。王子初聞話此詳。索詩裁與謾淒涼。只今驅豆無方法。徒使田郎號國香。

能改齊漫錄。國香。荆渚田氏侍兒名也。山谷自南溪召爲吏部員外郎。留荆州。乞守當塗。符報所居與此女子爲鄰。山谷偶見之。以爲幽閑姝美。目所未覩。後其家以嫁下里貧民。因賦水仙花寓意云。淤泥解出白蓮藕。囊壤能開黃玉花。可惜國香天不。管。隨緣流落小民家。俾高子勉和之。後數年。山谷卒于嶺表。當時賓客雲散。此女既生二子矣。會荆南歲荒。其夫鬻于田氏家。田氏一日邀子勉置酒。出之。掩袂困悴。無復故態。坐間話當時事。相與感歎。子勉寄京師。會王性之問山谷詩中本意。因道其詳。且爲賦詩云。

見黃太史

萬里南溪郡。黃香得賜環。盛名喧海內。摧翮返雲間。太史資誠峻。郎官選亦慳。朝廷才特起。堂奧援誰扳。一夢追前事。羣公兀後艱。中傷皆死禍。放逐罕生還。別駕之戎熨。僑居傍葦菅。想知諸鳥道。聞說異人寰。揚子家元窘。王維室久繈。鵬來心破碎。猿叫淚潺湲。達觀終難得。羈愁必易刪。衆情相憫惻。靈物自恬閒。迴閣澄秋晚。幽窗聳夜跼。蜀天何處盡。巴月幾回彎。墜履魂空斷。遺弓涕忽漣。石門淒殿楮。銅雀慘宮鬢。

帝統聯仁聖。皇恩感豔頑。網羅疏黨禁。株蔓掃朋姦。點檢金閨彥。凋零玉筍班。尙令宗廟器。遙隔鬼門關。拊髀咨詢及。含香誥命頒。笑談趨赤縣。吟詠落烏蠻。奏記懷東觀。移文領北山。應將九遷待。未補七年閑。士媿千鈞弩。身謀五兩綸。退藏欣望氣。延佇竊窺斑。昌谷詞源窄。浯溪筆力孱。斲輪深類扁。投斧欲隨般。鷓鴣真能伏。龍鱗敢冀攀。不噴無紹介。試遣略承顏。宋文鑑

蠟梅

少鎔蠟淚裝應似。多爇龍涎臭不如。只恐春風有機事。夜來開破幾丸書。菊坡叢話

句

沙輦綠頭相並鴨。水深紅尾自跳魚。雪浪齋日記

呂本中

本中、字居仁、宰相公著曾孫、右丞好問長子、靖康初、官祠部員外郎、紹興中、賜進士出身、歷中書舍人、權直學士院、以劾罷、提舉太平觀、學者稱東萊先生、諡文清、有東萊集、紫微詩話、江西宗派圖。

苕溪漁隱叢話、呂居仁詩清駛可愛、如樹移午影重簾靜、門閉春風十日閑、往事高低半枕夢、故人南北數行書、殘雨入簾收薄暑、破窗留月鏤微明。

敖陶孫詩評、呂居仁如

散聖安禪、自能奇逸。

西江宗派圖錄。居仁嘗序詩社宗派圖。謂詩有活法。若靈均自得。忽然有入。然後惟意所出。萬變不窮。

暮步至江上

客事久輸鸚鵡杯。春愁如接鳳凰臺。樹陰不礙帆影過。雨氣卻隨潮信來。山似故人堪對飲。花如遺恨肯重開。雪籬風榭年年事。辜負韶光取次回。

題孫子紹所藏摩詰渡水羅漢

問渠袈裟欲何往。彷彿徒倚滄波上。至人入水固不濡。何以有此恐怖狀。我知摩詰意未真。欲以筆端調世人。此水此渡俱非實。摩詰亦未嘗下筆。孫郎寶藏今幾年。往來周旋兵火閒。世人險阻更百難。彼渡水者安如山。請君但作如此觀。莫更思惟尋筆端。

還韓城

乍喜全家脫。虛疑匹馬奔。乾坤德盛大。盜賊爾猶存。稻壠秋仍旱。溪流晚自渾。素冠兼白髮。愁絕更誰論。

楊道孚墨竹歌

君不見渭川之陰。臥龍橫千秋。貌取者誰文湖州。十年筆意閉黃壤。只今妙手唯楊侯。楊侯畫竹盡真意。巧奪造化令人愁。滿堂回首看。下筆擾擾雲煙亂。晴日大叢縱橫高入雲。斜風落葉秋紛紛。小叢斂頷病無力。旁水長根走蒼石。門前車馬汗前川。何得陰風動高壁。楊侯嘻笑辭未工。此意不與丹青同。粉黛初無一錢費。酒炙能使千金空。韞材遠寄動盈屋。我知子畫無由窮。剡溪寒藤不難致。須君放手爲雙叢。須

君放手爲雙叢。與我俱隱南山中。

懷雪童犬名。

老來於世漫多悲。夢幻推移且自知。想得開山藏骨處。卻如搖尾乞憐時。送行識我貧無蓋。閑坐思渠悶有詩。從此窮居添寂寞。夜長誰復遶簾帷。以上東萊集。

秦處度與一上人同宿密菴處度爲一畫斷崖枯木

小菴無客亦無氈。遂有高人借榻眠。一夜西風撼枯柳。不知春在石崖邊。

題范才元畫軸後

昔年同過嶺南州。曾見湘江萬里流。妙手可傳詩外意。亂雲寒木更孤舟。以上聲畫集。

王文孺臞菴

伊洛富山水。家有五畝園。花竹遶澗澗。不讓桃花源。清時足眞賞。戶戶開層軒。一朝胡塵暗。故家希復存。莽蒼走萬里。始及吳市門。菴廬據形勝。冰壺貯乾坤。亭榭著仍穩。不見斧鑿痕。主人更超邁。雲夢八九吞。植杖邀我坐。笑語清而溫。坐令車馬客。稍識山林尊。十年老朝市。漸見兩目昏。求田與問舍。姑置不復論。但願從我公。不使世諦渾。吳郡志。

句

忍窮有味知詩進。處事無心覺累輕。病知前路資糧少。老覺平生事業非。能改齋漫錄。

鵝按善權祖可如

壁三僧詩入釋子

宋詩紀事卷三十四

錢唐厲鶚輯
仁和江源勘定

任伯雨

伯雨字德翁。眉山人。舉進士。元符中。除左正言。崇寧初。以黨論。謫儋州。移道州。遇赦。提點明道宮。
紹興初。贈諫議大夫。淳熙中。諡忠敏。

宿西軒

茅簷不動晚風微。獨對爐煙枕半敲。唯有多情沙上月。依然青瑣照人時。

焚香有感

掃地焚香開竹扉。輕煙郁郁閒朝暉。卻思昔日延和殿。對罷曾攜滿袖歸。以上前賢小集拾遺。

獨坐

得喪榮枯事。悠悠過耳風。此身猶是幻。何物不爲空。酒聖心常醉。詩窮語更工。小軒搔首坐。斜日滿窗紅。

瀛奎律髓

句

身投魍魅家何在。澤逮昆蟲罪未除。貶昌化和張才叔贈詩。梁溪漫志。

林積

積、元祐中左中散大夫，知福建路。

題州宅纒閣

濟川須用楫，罔水戒行舟。四海風波路，安眠是勝游。淳熙三山志。

徐大正

大正、字得之，甌寧人。元祐中築室北山下，名閑軒。秦少游爲之記。蘇子瞻爲賦詩，人以北山學士呼之。

題釣臺

光武初從血戰回，故人長短尙論材。中宵若起唐虞興，未必先生戀釣臺。

建寧府志：得之嘗赴者試過釣臺賦詩，東坡見之，遂與定交。

臺賦詩，東坡見之，遂與定交。

邢居實

居實、字惇夫，河南原武人。恕子。早卒，有呻吟集。

合璧事類前集：邢惇夫有文早天。東坡云：敦夫自爲童，所與交皆諸公長者，百不一見。遂與草木共盡。山谷云：謝師復年未二十，文章不類少年，謂方行萬里，出門而車軸折，甚矣。敦夫似吾師復也。且有絕句云：詩到隨州更老成，江山爲助筆縱橫。眼看出壁埋黃壤，何況人閒父子情。敦夫父名恕，字和叔，從伊川先生學。元祐初除御史，後謫隨州。

王直方詩話。惇夫自少便多憔悴感慨之意。其秋懷詩云：高歌感人心，心悲將奈何。襄陽道中云：有意問山神。此生復來否。已而果卒于漢東。

雪浪齋日記。恕子年十四賦明妃引子瞻見而稱之。

由是知名。病羸早夭。王直方編其遺草爲呻吟集。

李伯時畫黃知命騎驢圖爲賦長歌

長安城頭烏欲棲。長安道上行人稀。浮雲卷盡暮天碧。但有明月流清輝。君獨騎驢向何處。頭上倒著白接離。長吟搔首望明月。不學山翁醉似泥。到得城中燈火鬧。小兒拍手攔街笑。道旁觀者那得知。相逢疑是商山皓。龍眠居士畫無比。搖毫弄筆長風起。酒酣閉目望窮途。紙上軒昂無乃似。君不學長安游俠誇。年少臂鷹挾彈章。臺道君不能提攜。長劍取靈武。指揮猛士驅貔虎。胡爲腳踏梁宋塵。終日飄飄無定所。武陵桃源春欲暮。白水青山起煙霧。竹杖芒屨歸去來。頭巾好挂三花樹。

王直方詩話。雙井黃知命。初自江南來。與彭城陳履常俱謁法雲禪師于城南。夜歸。過龍眠李伯時。知命衣白衫。騎驢緣道搖頭而歌。履常負杖挾囊于後。一市大驚。以爲異人。伯時因畫爲圖。敦夫作長歌云云。敦夫時年未二十也。

寄陳履常

十年客京洛。衣袂多黃塵。所交盡才彥。唯子情相親。會合能幾日。歡樂何遽央。春風東北來。飄我西南翔。驪駒已在門。白日行且晚。停觴不能飲。將去更復返。把腕捋髭鬚。悲啼類兒女。人生非鹿豕。安得常羣聚。朝別河上梁。暮涉關山道。匹馬逐飛蓬。離恨如春草。去去日已遠。行行淚橫臉。昨日同袍友。今朝離鄉客。

來時城南陌，始見梅花白。回首漢江頭，黃梅已堪摘。杖策登高城，極目迴千里。落日下青山，但見白雲起。遠望豈當歸，長歌涕如雨。歸心如明月，幽夢過潁汝。抱衾長相思，故人安可見。忽枉數行書，彷彿如對面。紛紛輦轂下，冠蓋爭馳逐。吹噓多賢豪，肯復念幽獨。空齋聽夜雨，深竹聞子規。此情不可道，此心君詎知。

雨後出城馬上作

既雨天氣佳，微雲淡如掃。欲尋煙際鐘，騎馬河邊草。紫椹飽黃鸝，人家夏蠶老。田婦踏纜車，隔籬語音好。嗟我一何愚，讀書浪枯槁。不及此中人，中年客長道。

秋風三疊寄秦少游

秋風夕起兮，白露爲霜。草木憔悴兮，竊獨悲此衆芳。明月皎皎兮，照空房。晝日苦短兮，夜未央。有美一人兮，天一方。欲往從之，路渺茫。登山無車兮，涉水無航。願言思子兮，使我心傷。

秋風淅淅兮，雲冥冥。鷓鴣晝號兮，蟋蟀夜鳴。歲月徂邁兮，忽如流星。少壯幾時兮，老冉冉其相仍。展轉反側兮，從夜徹明。悵獨處此兮，誰適爲情。長歌激烈兮，涕泣交零。願言思子兮，使我心忮。

秋風浩蕩兮，天宇高。羣山逶迤兮，溪谷寂寥。登高而望遠兮，不自聊。駕言適野兮，誰與遊遨。空原無人兮，四顧蕭條。猿狖與伍兮，麋鹿爲曹。浮雲千里兮，歸路遙。願言思子兮，使我心勞。以上宋文鑑

明妃引十四歲作

漢宮有女顏如玉，淺畫愁眉遠山綠。披香殿裏夜吹笙，未央宮中朝理曲。絳紗蒙籠雙蠟燭，簫鼓聲傳春漏促。玉葦三更別院歸，夜深月照黃金屋。莓苔滿院無行迹，總爲君王未相識。天上天仙骨格別，人間畫

工畫不得，嫣然一笑，金與側玉，貌三千斂顏色。羅幃繡戶掩香風，一朝返嫁單于國。金鳳羅衣爲誰縷，長袖弓彎不堪舞。一別昭陽舊院花，淚灑臙脂作紅雨。回頭不見雲間闕，黃河半渡新冰滑。馬蹄已踏遼碣塵，天邊尙挂長門月。黃沙不似長安道，薄暮微雲映衰草。胡兒馬上鳴胡笳，綠鬢紅顏爲君老。西風蕭蕭易水寒，啼痕不斷幾闌干。年年看盡南飛鴈，一去天涯竟不還。少年將軍健如虎，日夕撞鐘槌大鼓。寶刀生澀旌旗卷，漢宮嫁盡嬋娟女。寂寞邊城日將暮，三尺角弓調白羽。安得壯士霍嫫姚，縛取呼韓作編戶。

合璧事類前集

秋晚

目送閑雲盡日愁，寒來著破舊貂裘。憑誰說與西風道，留取黃花點綴秋。後村千家詩句

微意平生在海，塵冠今日爲君彈。寄陳後山 任淵後山詩注

葛敏修

敏修字聖功，廬陵人。從山谷學，登元祐進士，宰確山。元符閒上書，願附黨籍。

南華竹軒

不用山僧供帳迎，世閒無此竹風清。獨拳一手支頤臥，偷眼看雲生未生。

能改齋漫錄山谷南遷還至南華竹軒，令侍史誦詩板戒勿言姓名，久之有一絕云：徐視之曰：果吾學子葛敏修也。

李才甫

才甫莆田人

江西泊舟後作

江水冥冥沙石陰，一舸行盡春已深。
浪花緣蔓曳錦帶，短蘆刺水抽玉簪。
飢魚未沈波面筒，小舫正橫溪
上風。清輝濯盡遠山碧，白鳥飛入蒼煙叢。

山谷外集自注云太和小

舫板上塵土中得此詩

蘇邁

邁字伯達，軾長子，官安化令。

夜坐聯句

清風來無邊，明月翳復吐。坡松聲滿虛空，竹影侵半戶。
邁暗枝有驚鵲，壞壁鳴飢鼠。坡露葉耿高梧，風螢
落空廡。微涼感團扇，古意歌白紵。樂哉今夕遊，獲此陪杖屨。
邁傳家詩律細，已自過宗武。短詩膝上成，聊
以感懷祖。坡蘇文忠公集

句

葉隨流水知何處，牛帶寒鴉過別村。

江鄰雜志：蘇伯達東坡長子，豪邁雖不及其父，而學問語言亦勝他人子也。少年作詩云：先生見之笑曰：此村長官詩。後東坡貶惠州，伯達求潮之安化令，以便饋親，果卒於官。

熟顆無風時自脫，半腮迎日鬪先紅。林檎。東坡志林。

陳復常

復常，潁州教授。

紀雪中事

掠地衝風敵萬人，蔽天密雪幾微塵。漫山塞壑疑無地，投隙穿帷巧致身。映積讀書今已老，閉門高臥不緣貧。遙知更上湖邊寺，一笑潛回萬寶春。

侯鯖錄：元祐六年，汝陰久雪，一日天未明，東坡來召議事，曰：「某一夕不寐，念穎人之饑，欲出百餘石造餅救之。」老妻謂某曰：「子昨來陳見傳欽之言，簽判在陳賑濟有功，何不問其賑濟之法？」某遂相召，余笑謝曰：「已備之矣。」今細民之困，不過食與火耳，義倉之積穀數千石，可以支散以救下民，作院有炭數萬秤，依原價賣之，二事可濟下民，坡曰：「吾事濟矣。」遂草放積穀賑濟奏檄，上臺寺，陳聞之有詩。

蘇過

過字叔黨，軾季子，仕爲權通判，中山府家，潁昌營，湖陰水竹數畝，名曰小斜川，自號斜川居士，有斜川集。

送曼秀詩

三年避地少經過，十日論詩喜琢磨。自欲灰心老南岳，猶能繭足慰東坡。來時野寺無魚鼓，去後閑門有雀羅。從此期師真似月，斷雲時復挂星河。

東坡極賦墨秀來惠州見余余病已絕不作詩兒子過龐能搜句時有可觀此篇殆咄咄逼老人矣特爲書之以滿行囊

賦鼠鬚筆

太倉失陳紅狡兔得餘腐既興丞相歎又發廷尉怒磔肉餒餓貓粉髯雜霜兔插架刀稍健落紙龍蛇驚
物理未易知時來卽所遇穿墉何卑微託此得佳譽蒼溪漁隱叢話

雪

沈沈五侯居碧瓦映華棧獸炭麒麟紅銀瓶黃封揭春風繞幄帳醉面生綺纈賜宴明光宮玉色迷金闕
誰憐華門士破壁穿飛屑車文類聚前集

金陵上吳開府兩絕句

時平無事清吟好衛霍貪功未是奇爭似一篇人臉炙四方傳誦臥龍詩自注開府帥襄陽時嘗游隆中爲諸葛

孔明賦詩有翻覆者俱好之句爲世稱誦故云

廟堂陶鑄人材盡流落江淮老病身又踏槐花隨舉子思量鄧禹是何人式古堂書考

劉發

發元祐中華亭主簿

贈鼓琴文照大師

寶琴何所得所得甚幽微聊借絳桐韻還超智慧機霜風悲玉軫江月入珠徽向此諸緣盡人間孰是非

王雍

雍、文正公旦之姪。元祐中通判濠州。

題三學山

五色琉璃白晝寒。當年佛脚印梅檀。藕絲織出三衣妙。貝葉經傳一偈難。夜看聖燈紅菌苜。曉驚飛石碧琅玕。更聞鸚鵡因緣塔。八十山僧試說看。

方輿勝覽。在蜀金堂縣東北有佛迹。石理堅潤。瑩白如玉。非世間雕琢所能。又有神燈寺。有碧玉佛龕。藕絲袈裟。錦字多心經。貝葉金字涅槃經。寺前榆柏皆隋唐故物。又有飛石。乃自雲頂山飛來。又有鸚鵡塔。乃鸚鵡能念佛。死遂棲于塔。王雍有詩。

高茂華

茂華、字秀實。呂居仁稱其人物高遠。有出塵之姿。入元祐黨籍。

城東寄王越州

五年不出青門道。邂逅尋春此一回。忽憶秦川貴公子。桃花落盡合歸來。許彥周詩話。

句

中途留眼占星聚。一宿披顏覺霧收。和呂居仁。紫微詩話。

周燾

燾、字次元。濂溪先生次子。元祐進士。爲貴池令。官至寶文閣待制。

暑雪軒

崇臺窮石照氣味樂偷閑。南陸朱明馭西闌。白雪山茶甌回舌本。塵尾落談閒。欲綴風煙句。彌高不可攀。
成都文類

遊天竺觀激水

拳石耆婆色兩青。竹龍驅水轉山鳴。夜來不見跳珠碎。疑是簷閒滴雨聲。
咸淳臨安志

王 澧

暑雪軒

望處疑蓬島。天長碧海閑。雲霞收玉宇。煙浪湧銀山。茶入清談裏。風生兩腋閒。詩成似西嶺。高嶮不容攀。
成都文類

田 望

暑雪軒

聖福軒重敞。偶來心地閑。因談丁士冢。知是武擔山。人在冰壺裏。天垂玉壘閒。賡歌白雪句。巴客強追攀。
成都文類

孫 埃

暑雪軒

地僻宜消暑。官卑幸頗閑。虛傳力士擔。始信蜀妃山。嶺雪青霄畔。城煙密樹閒。清談容款接。妙句獨難攀。

周沔

沔、元祐中溧水丞。

句

螢火不知人已去。夜深猶傍竹窗明。題無想寺韓熙載讀書臺。景定建康志。

米芾

芾字元章。吳人。一云襄陽人。以母侍宣仁后。藩邸恩補校書郎。太常博士。出知無爲軍。踰年召爲書畫博士。擢禮部員外郎。大觀二年。罷知淮陽軍。有寶晉英光集。

吳江垂虹亭作

斷雲一片洞庭帆。玉破鱸魚金破柑。好作新詩寄桑苧。垂虹秋色滿東南。

除書學博士初朝謁呈時宰

半生湖海看青山。慣佩笭箠攬巒巔。曉起初馳朱雀路。霜華慙綴紫宸班。百寮卑處瞻丹陛。五色光中望玉顏。浪說書名落人世。非公那解徹天關。

甘露作呈夷曠

欲雨氣不透。庭梧有栖煙。回首望北固。雲藏淨名天。呼童速具輿。凭高覽山川。隱見豈不好。開霽景固全。須臾剛風流。湛湛清露圓。歸塗知有伴。華月上丹淵。

甘露寺井序

甘露寺壁有張僧繇四菩薩。吳道子行腳僧。元符末。一旦爲火所焚。六朝遺物掃地。李衛公祠手植檜。亦焚蕩。寺故重重。金碧參差多景。樓背山面江。爲天下甲觀。五城十二樓。不過也。今所存唯衛公鐵塔。米老庵三間。作詩悼之云。

色改重重構。春歸戶戶嵐。槎浮龍委骨。畫失獸遺眈。神護衛公塔。天留米老庵。柏梁終厭勝。會副越人談。
以上寶晉英光集。

楊誠齋詩。潤州大火。惟存李衛公塔。米元章庵。元章喜題云。有輕薄子。于塔庵二字上添注。爺娘二字。元章見之大罵。蓋元章母嘗乳哺宮中故云。

題嗣穰王畫廬鴈

王名宗。漢字獻甫。安懿王幼子。

偃蹇汀眠鴈。蕭梢風觸蘆。京塵方滿眼。速爲喚花奴。
野趣分弱水。風花翦鑑湖。塵中不作惡。爲有鄴公圖。畫繼。

荅劉巨濟

劉郎收畫早。其卑折枝花。草首徐熙。十年之後始聞道。取吾韓戴爲神奇。邇來白首進道奧。學者信有髓。與皮始知下。襲但遮壁。牛馬便可裏弊帷。峩峩太平老寺主。白紗帽首無冠蕤。武士後立肅大劍。宮女傍侍鬢脩眉。神清眸子知寡欲。齒露唇反法定飢。世人見服似摩詰。不知六朝居士衣。後人忽把亂唐突。梁時筆法了。可知道子見之必再拜。曹劉何物望藩籬。本當第一品。天下卻緣顧筆在。漣滫。畫史。

懷南唐硯山

硯山不復見。哦詩徒歎息。唯有玉蟾蜍。向余頻淚滴。

輟耕錄米元章自記云。右此石是南唐寶石。久為吾齋研山。今被道祖易去。中美舊有詩云云。今每誦其詩。必懷此石。近余亦有詩云云。此石一入渠手。不得再見。每同交友往觀。亦不出示。紹彭公真忍人也。余今筆想成圖。彷彿在目。從此吾齋秀氣尤

不復泯矣。崇寧元年八月望米芾書。余二十年前嘉興吳仲圭為畫圖。錢唐吳孟思書文。後攜至吳興。燬于兵。偶因清暇。默懷往事。漫記于此。

琴詩

澹乎無味中。指下清音發。□□□□□。空山墮涼月。

郭天錫日記云。訪因無礙首座。出觀米老墨跡一冊四幅。此詩歸尋英光集檢之不見。

開先寺觀瀑布

度峽捫青玉。臨深坐綠苔。水從雙劍下。山挾兩龍來。春暖花驚雪。林空石迸雷。塵纓聊此濯。欲去首重回。

廬山紀事

中秋登海岱樓

目窮淮海兩如銀。萬道虹光育蚌珍。天上若無修月戶。桂枝撐損向西輪。清河書畫坊

將之茗溪戲作諸呈友

松竹留因夏。溪山去爲秋。久廢白雪詠。更度采菱謳。縷玉鱸堆案。團金菊滿洲。水宮無限景。載與謝公遊。
郁氏畫題跋記

拜中岳命作

雲水心常結。風塵面久虛。重尋釣鼈客。初入選仙圖。鼠雀眞官耗。龍蛇與衆俱。卻懷閑祿厚。不敢著潛夫。

瑞巖庵清曉

西山月落楚天低。不放紅塵點翠微。鶴唳一聲松露滴。水晶寒溼道人衣。
以上珊瑚網

孔夷

夷字方平。號滢臯先生。元祐中隱士。劉攽韓維之畏友。

贈關淵聖學士

吳越聲飛二十年。緇衣空復歎遺編。紫芝眉宇風塵外。太白文章錦繡前。可是石渠方載筆。未應水國要歸田。他時雪裏相逢處。能記騎驢孟浩然。
萬姓統譜

寄王定國

世路難行肯效尤。蒲桃斗酒換涼州。春風不到仲文樹。野水猶沈夢得舟。珍重故家青玉案。徜徉鄉社翠雲裘。淮南千里鶯花老。月照關山笛裏愁。
高郵州志

李孝先

孝先字玠叔。元祐閒人。爲范忠宣所知。官朝奉郎。

題餘干縣干越亭

吳越猶干地。要衝樹亭危。岸勢憑空。春潭倒影黃昏月。古木喧聲白晝風。鷗鷺慣來窺。燕集雲煙無著議。簾櫳淒涼故國多遷變。獨有溪山在望中。周益公題跋

許覺之

覺之、元祐閒人。

舜井斷碑在隨州。碑字漫滅。惟碑陰有五大夫字。相傳秦時碑。舊在舜子巷草間。今在漢東閣下。

一千二百餘年外。萬古銷磨不可尋。舜子井泉誰記古。隨人閭巷祇如今。隸書字雜科蟲體。氏爵名存樂石陰。登覽時來醒醉眼。也勝俗物在園林。方輿勝覽

劉理

州。理字純父。元祐癸酉守明州。疏月湖積土為十洲。隨景命名。與舒亶倡和。又嘗以戶部郎中守蘇州。

西湖十洲詩

淺深豔冶一枝枝。帶露臨風不自持。水上紅雲真縹緲。多才卻憶退之詩。右花嶼

古渡隋堤千萬縷。年年折盡最長條。誰知煙雨汀洲晚。閑舞東風拂畫橋。右柳汀。延祐四明志。

劉翰

翰字仲偃。崇安人。元祐九年進士。累官資政殿學士。靖康中拜河東北宣撫副使。召入為京城守。

禦使京師陷宰相遣韜使金營金人議立異姓韜自縊死建炎初贈資政殿大學士謚忠顯

紫雲巖

萬疊青山入畫圖最高高處著浮屠薄雲弄月明還暗小雨飛空有卻無山鳥避人疑俗駕老僧好客點雲腴我來一笑忘塵慮倒載歸與日欲晡

建寧府志

曾紆

紆字公袞布之子以蔭補官入元祐黨籍紹興二年除直顯謨閣知衢州自號空青先生有集

孫仲益序云公文章守家法而學詩以母夫人魯

國魏氏爲師句法精麗絕去刀尺有古詩之風

戲作冷語

萬山雲雪陰霾空千林霏霽水搖風凍河徹底連三冬嘉平曉獵嶠函中十二律呂相與宮安得此候疎

煩芻墨莊漫錄

江樾軒書事

臥聽灘聲瀲灩流冷風淒雨似深秋江邊石上烏桕樹一夜水長到梢頭

竹閒嘉樹密扶疎異鄉物色似吾廬清曉開門出負水已有小舟來賣魚

詩人玉屑

宣州水西作

杖藜出郭一水近石磴古路穿松筠萬仞絕壁倚天末百折驚灘當寺門泉聲飛下錦繡谷殿影插入玻

瓌益宣州水西天下勝。閩州城南何足論。方輿勝覽。

寧國道中

渡水穿橋一徑斜。潦收溪足露汀沙。半川雲影前山雨。十里香風晚稻花。異縣悲秋多客思。豐年樂事屬田家。故園正好不歸去。滿眼西風吹鬢華。詩林萬選。

客愁

客愁如繭絲。一攬成萬緒。秋風不可柰。又到庭前樹。秋風自有時。客愁了無期。不如飲美酒。誦我山中詩。前賢小集拾遺。

余爽

爽字荀龍。良胘子。以父任授校書郎。元祐末爲瀛州防禦推官。除名竄封州。崇寧中與兄卞入黨籍。

玉京洞在天台縣北赤城山右。蓋第六洞天。許邁嘗居之。

羽駕歸來洞已扃。洞門深鎖讀殘經。瓊臺一覺仙都夢。不見松根長茯苓。東臨滄海宴羣仙。誤入桃源小洞天。一局殘棋消幾刻。老龍鬚甲已蒼然。半山松柏散天聲。芝蓋當年憩赤城。我是上皇芸閣吏。玉京應有舊題名。天台山志。

畢漸

漸。潛江人。紹聖元年進士第一。官膳部員外郎。出知荆南府。

贈林子山

兒童聞說子山名，將謂先生是古人。海上偶經仙洞府，巖前猶見玉精神。南華久徹逍遙夢，兜率重來自在身。攜得新詩天上去，不教辜負到全閩。

捫蘿新語畢狀元漸使福建日嘗按部過羅源時南華翁林子山致仕居南華洞年已八十餘以詩送之有當年春榜首傳名對御如君有幾人之句畢公和贈多所獎借

李朴

朴字先之，虔州興國人。紹聖元年進士，崇寧中入黨籍。靖康初除著作郎、國子祭酒。高宗即位，除祕書監，未拜而卒。少從伊川遊，人稱章貢先生。有章貢集。

中秋

皓魄當天曉鏡升，雲閑仙籟寂無聲。平分秋色一輪滿，長伴雲衢千里明。狡兔空從弦外落，妖蟄休向眼邊生。靈槎擬約同攜手，更待銀河到底清。後村千家詩

天竺山

天竺崎嶇絕海邊，何人分作贛江禪。鷺山巧壘三峯石，葛隴深疏兩派泉。一醉風光能幾許，十年塵跡尙依然。欲題豹隱還相笑，望斷長空簇暝烟。

遊通天巖

春烟澄霽色，杖策出郊坰。疊嶂浮空翠，孤雲罨斷青。燕銜泥作壘，僧結草爲亭。萬樹山風裏，鐘聲下界聽。

次韻玉巖應詔

天書遠下事徵求。鄉里同推馬少游。世事已非三不可。年華卻是一宜休。豈緣薄祿貽身累。只爲當時分主憂。筇杖芒屨留我伴。佇聞談笑卽封侯。
擲餌求魚計亦難。長鯨搖曳海波寬。狂風有待三秋起。健翮須教萬里搏。直以逸民朝聖主。不隨計吏上春官。庖刀休用援尸祝。巾笥寧封貢禹冠。

憶玉巖

阿閣曾看紫鳳棲。暮年江國擁旌麾。孤雲南北本無定。浮世悲歡那可期。鶴頂丹砂埋藥竈。鴨頭綠水浸春陂。待公踏徧紅塵地。景物歸來似舊時。
秋風燕雀正關關。忽見籬邊菊又斑。寒雁自知霜露重。海鷗長伴水雲閑。百年往事丹心裏。千古聲名直道閒。此意屬公須慷慨。晚雲成雨便歸山。

澈水志林。宋史藝文志。李朴集。

二十卷逸不傳。今輯得詩數首。

乞巧

處處香筵拂綺羅。爲傳神女渡天河。休嫌天上佳期少。已恨人間巧態多。辭舌自應工嫵媚。方心誰更苦鐫磨。
見孫樵柳子厚乞巧文。獨收至拙爲吾事。笑指雙鍼一縷過。瀛奎律髓。

江公望

公望字民表。睦州人。舉進士。建中靖國初。由太常博士拜左司諫。以直龍圖閣出知壽州。入黨籍。編管南安軍。赦還卒。建炎中贈右諫議大夫。

句

春光吳地減。山色上林深。題良岳。

劉後村跋云。江公題良岳句。比之鄧

蕭花石欄詩。彼刻露而此含蓄矣。

趙 暘

暘字义若。其先本杭人。徙鄭州及汴中。紹聖元年進士。累官直龍圖閣。提舉江州太平觀。過江寓信州玉山家焉。

題劉資仁韓幹飲馬圖

韓幹所畫天閑圖。縣官日給三品芻。不嘶不鳴肥如鳧。時時步作康莊衢。飲之曲江戲短蕪。沙輒風輕樂于于。豈知渥洼真龍駒。垂頭戢耳困鹽車。圉人太僕反厥厥。瘦骨硃砢甘爲奴。不須驥首顧長途。局促騎足何時無。聲畫集。

奉和姚仲美臘梅

陽和都未見芳菲。初喜寒苞發故枝。絕色更無朱粉態。真香寧許燕鶯知。凝愁金谷登樓日。斂黛溫泉賜浴時。寫作新聲傳玉笛。誰人持向月中吹。瀛奎律髓。

徐迪

迪繁昌人。紹聖元年進士。

北園和邑宰蔡確韻

簷影蔭游魚。江聲顫匡竹。雲帆天外去。龍刹空中矗。霞明晚渡紅。草暖晴沙綠。澄波見歸鳥。紛囂迷飛鷺。有時雪浪吹。玉馬爭追逐。青霄皓月滿。琉璃瑩顛目。謝傅昔出宰。天葩動驚俗。一讀梁閒詩。清風感佳木。
太平府志。

范冲

冲字元長。祖禹長子。紹聖元年進士。建炎中。官翰林學士。守衢州。坐與趙鼎有連。落職。

贈了空長老

幾回飛錫入紅塵。一任隨緣自在身。琢句不妨明日用。撥琴誰與聽陽春。揚眉瞬目如相委。捧腹狂歌卽是真。湯餅藜羹奉朝夕。自憐擔板小乘人。
衢州府志。

游爛柯山青霞洞天

石梁傑出望南洲。登覽從公破旅愁。碁罷未應消一日。人歸無柰已千秋。塵纓自喜臨流濯。車轄仍逢好事投。莫怪神仙近如許。當年此地絕深幽。
爛柯山洞志。

呂頤浩

頤浩字元直。其先樂陵人。徙齊州。紹聖元年進士。高宗朝。拜少保。尙書左僕射。同中書門下平章。

事罷爲鎮南軍節度使。提舉洞霄宮。卒贈太師。封秦國公。諡忠穆。

次韻張全真參政退老堂

東郊卜築傍溪流。菌菖香中繫小舟。脫去簪紳歸畝。悟來漁釣勝公侯。青雲舊好何妨厚。白雪新詩爲寵留。又指湘潭問行路。一堂風月阻同遊。瀛奎律髓

陳陽

陽字晉之。福州人。紹聖元年舉賢良方正。能直言極諫。科徽宗朝。除太常丞。歷禮部侍郎。顯謨閣待制。提舉洞霄宮。有樂書二十卷。建中靖國初。進禮書。陳祥道用之。其兄也。

缺題

行義當年帝所聞。聲名久矣動簪紳。文場秉筆淵源厚。師席談經業履醇。白髮忽驚蒿里暮。青衫難問若溪春。兩京模範垂芳遠。多少生徒淚滿巾。式古堂書考

吳

升

升字正仲。滁州人。紹聖丁丑中宏詞科。靖康中。官翰林承旨。使金。被留。仕僞楚。建炎後。安置永州。移韶州。有優古堂詩話。

靖康傳信錄。金人欲廢趙氏。立張邦昌。令吳升莫儔傳道。意旨往返數四。京師人謂之捷疾鬼。

擬梅軒

五月霏霏雨不開。若邪溪畔摘楞梅。朱丸忽向靈窗見。疑是雲根越嶺來。
誰家密漬借微酸。小摘曾聞釘玉盤。爭似江南風致在。瓶紅初向綠陰看。

能改齋漫錄。京師中太一宮道士房有棗。結子如楊梅。徽宗車駕臨幸觀之。名曰擬梅。軒越中楊梅最佳。土人謂之楞梅。又北人以梅汁漬棗。益以蜜。名假楊梅。故正仲及之。

葛勝仲

勝仲字魯卿。丹陽人。書思子。紹聖四年進士。元符庚辰中宏詞科。累遷國子司業。終華文閣待制。知湖州。卒。諡文康。有丹陽集。

題觀音院德雲堂

弱水無風到海山。慈容親禮紫梅檀。亭亭寶刹凌雲近。湛湛清池漱玉寒。橘瘦暗飄紅萬顆。竹迷曾蒔綠千竿。藕花不是南朝夢。真有殘香透畫闌。吳郡志。

妙行堂

妙行堂前聳碧鮮。壺中軒外疊巉岏。山門靜對青霄潤。佛殿寬圍碧玉寒。躡屐喜隨談理客。饋漿驚見字民官。開山老衲存遺像。試問何如釋道安。武康縣志。

蔣璿

璿。明州人。紹聖四年進士。

和潘良貴題明州三江亭韻

安仁不放二毛侵，爽氣凌虛玉萬尋。談笑薄施三昧手，登臨誰會五湖心。倦遊方戢冲天翼，高賦難賡擲地金。怪得朝雲飛畫棟，夜來曾聽老龍吟。延祐四明志。

胡直孺

直孺字少汲，奉新人。紹聖四年進士，靖康閒，知南京，爲金所執，不屈，久之得歸。高宗朝，擢龍圖閣直學士，知隆興府，進兵部尙書，有西山老人集。

孫仲益序云：公少工詩，語出驚人，魯直一見，擊節歎賞，他文稱是筆力雄贍，如行雲流水，自然成文。

同官倡和用山字韻

章句飄飄續小山，古風蕭瑟筆追還。海鵬共擊三千里，鐵馬同歸十二閑。功業會看鍾鼎上，聲華已在縉紳閒。他年記憶憐衰老，爲報西川引一班。

桐江詩話：少汲宣和閒在河朔作漕日，同官陳亨伯輩倡和山字韻詩，少汲最後成人皆歎服。昔溪漁隱曰：元豐閒王平甫有海鵬未舉三千里，天馬須歸十二閑之句，甚爲一時所稱道。

鵝按：此詩當屬少汲。

送春

冷酸梅子漸生仁，鶯老花飛跡已陳。一夜南風搖斗柄，明朝煙柳不關春。能改齋漫錄。

春日

風雲吹絮柳飛花。睡起鉤簾日半斜。四海隨人雙燕子。相逢處處作生涯。墨莊漫錄。

贈劉邦直

夢魂南北昧平生。邂逅相逢意已傾。楚國山川千疊遠。隋堤煙雨一帆輕。我無健筆翻三峽。君有長才肅五兵。同是行人更分手。不堪風樹作離聲。

詩人玉屑山谷云。少汲後生中豪士也。讀書作文。殊不塵埃。使之不倦。雖競爽者。未易追也。同是行人更分手。佳句也。邂逅相逢意已傾。已道了劉三十一矣。

胡安國

安國字康侯。建寧崇安人。入太學。以伊川友朱長文及穎川靳裁之爲師。紹聖四年舉進士第三。高宗朝。歷官寶文閣直學士。卒。詔贈四官。謚文定。有武夷集。

舟入荆江東赴建康

長沙渺渺接天浮。萬古朝宗日夜流。洲在尙傳鸚鵡賦。臺高應見鳳凰遊。路經赤壁懷公瑾。水到柴桑憶仲謀。白日幸無雲物蔽。好看澄景對高秋。瀝洛風雅。

嚴陵釣臺

歸隱桐江知幾春。靜看浮世一鷗輕。此心在世原無著。誤說持竿是釣名。釣臺集。

題崔白喧晴圖

黑頭禽笑白頭禽。頭白初因計慮深。棲向柳條尤不穩。從風斜折更關心。式古堂畫考

翁彥國

彥國字端朝。彥約弟。紹聖四年進士。累官至御史中丞。靖康之難。為江淮荆浙制置轉運使。充經制使。領兵入援。貽書切責張邦昌。高宗即位。兼江南東西路經制使。卒。贈少保。

西巖寺

澗行詰曲似乘槎。流水飄裾亂曉霞。紫翠堆中蕭寺隱。隔溪煙樹兩三家。翰墨大全

周仲仁

偶題雪竇和尚親書偈卷

道人詩句從梁得。老筆崢嶸自一家。誰會林閒相見事。莫都錯看亂飄花。紹聖四年 志雅堂雜抄

葛次仲

次仲字亞卿。江陰人。勝仲之兄。兄弟皆為大司成。有集句詩三卷。

崑山慧聚寺集句

全吳臨巨溟。皮日休青山天一隅。李頎靜境林麓好。陸龜蒙勝槩凌方壺。李白泓泓野泉潔。韋應物曖曖烟谷虛。韋應物攀雲造禪局。韋應物躋險築幽居。謝靈運道人刺猛虎。李白復來薤榛蕪。杜甫咄嗟檀施開。杜甫以有此屋廬。韓愈側疊萬古石。李白功就豈斯須。賈島礫礫成廣殿。陸龜蒙鬼工不可圖。皮日休有窮者孟郊。韓愈過此亦躊躇。孟郊賦詩留巖屏。李白詞律響瓊瑤。錢起我訪岑寂境。陸龜蒙幸與高士俱。韋應物時升翠微上。李白涼

閑對紅蕖。韋應物。岸幘偃東齋。韋應物。果藥雜紛敷。韋應物。上方風景清。白居易。華敞綽有餘。白居易。高窗瞰遠
郊。韋應物。萬壑明晴初。齊己。賞愛未能去。韋應物。頽霞照桑榆。宋孝武。老僧道機熟。柳宗元。閑持貝葉書。柳宗元。秉
心識本源。杜甫。高談出有無。李白。茗酌待幽客。李白。頓令煩惱舒。韋應物。儒道雖異門。孟浩然。忘合不爲殊。李白。
抖擻垢穢衣。白居易。惟有牟尼珠。杜甫。餘生願休止。賈島。投策謝歸塗。錢起。崑山雜詠。

宋詩紀事卷三十五

錢唐厲鶚緝
仁和趙信勘定

陳汝錫

汝錫字師予青田人紹聖四年進士浙東安撫使有鶴溪集

暮游石門洞

落帆倚芳洲冷日銜翠壁沙平野步穩不費支筇力邂逅到幽洞雲水已昏夕陰崖上蒼穹杳不見轍迹巖前月色薄細路稍可覓瀑泉號秋聲飛練不計尺僧房得少憩坐久耳方寂河梁謫仙人握手見胸臆囊無一錢看志有萬里適拄頰坐西山琢句愈工績同游得二妙筆陣亦勍敵笑談頗傾坐酬唱屢卽席顧予舌本強咀嚼覺清液林泉信幽奇歲月尤迅亟茲游莫辭頻能著能編屐

句

閑愁莫浪遣留爲痛飲資以上括蒼彙紀

葉夢得

夢得字少蘊吳縣人清臣曾孫紹聖四年進士累官龍圖閣直學士帥杭州高宗朝除尙書右丞江東安撫使兼知建康府行宮留守移知福州提舉洞霄宮居吳興弁山自號石林居士有石林集

送樸歸下山并示偕宗義爲余守西巖者。

自我離山閒。忽已兩改月。飢人不忘食。未坐先已說。家僮挾書至。驚起慰愁絕。推尋到雞犬。問訊窮曲折。此生豈多爲。一整萬慮滅。可能復大錯。更鑄八州鐵。自注江東領八州汝歸馬蹄輕。初不恨觸熱。殷勤報松竹。吾豈成久別。

端居探幽奇。自謂略已徧。昨登西山巔。雄絕昔未見。溪湖莽吞吐。雲物紛百變。乃知十年閑。尙或遺勝踐。巢成輒棄去。我豈秋社燕。自注築南山絕頂亭亭基垂成而來爲吾課童僕。開關盡二面。莫言羊腸險。徑小煩屢

轉。杖藜不用扶。吾脚猶爾健。

次韻再答激仲

生涯久許捕魚郎。鳧雁相追不亂行。但遣陶廬有松逕。不辭楚酒醉椒漿。交情老栢寒方見。妙語靈珠夜有光。回首漸知歸路好。已看梅柳動初陽。

杜堅大夫作南窗求詩爲賦

意得不願多。心閑本長虛。超然適有契。天地良有餘。頗念彭澤老。所懷常宴如。南窗僅幾何。盤薄萬古初。束帶悟已往。世紛便能疎。懸知千載情。共有三閒廬。杜子老不遇。買田賦歸歟。西山鬱攬空。江山繞故墟。衡門閉松菊。亦有琴與書。邂逅一杯酒。安知我非渠。

題晁公耄惠崇溪山

荒林翳宿莽。脫木寒無煙。不知三閒茅。中有幾醉眠。山遠尙見雪。江空欲吞天。歸舟定何許。滄波方渺然。

戲方仁聲四絕句

戲弄扁舟泊宅村。卻尋三徑築茅墩。雲邊此意真難解。賸作新詩與細論。
水檻新開似浣花。傍溪須更作浮槎。祇應屢費王宏酒。時要清樽對落霞。
不惜囊錢信手空。荒田卻擬望年豐。天公可是憐風月。判遣詩人一例窮。

盧橘楊梅已及時。我歸先自在前期。平生不作宣明面。浪媿將軍建鼓旗。

仁聲舊居城東泊宅村。張志和所游也。

今徙西溪。作雲茅庵。因東岡爲小亭。號茅墩。欲傍溪開水檻。久無資。會郡守有饋之酒五十壺。不敢飲。亟易之。乃克成。有田數十畝。常苦下潦。余居石林。與雲茅南北正相望。故四章皆及之。以上建康集。

景修與吾同爲郎。夜宿尙書新省之祠曹廳。步月庭下。爲言往常以九月望夜道錢唐。與詩僧可久。泛西湖。至孤山。已夜分。是歲早寒。月色正中。湖面渺然如鎔銀。傍山松檜參天。露下葉閒。蘼蘼皆有光。微風動湖水。晃漾與林葉相射。可久清癯苦吟。坐中淒然不勝寒。索衣無所有。空米囊覆其背。爲平生得此無幾。吾爲作詩記之。

霜風獵獵將寒威。林下山僧見亦稀。怪得題詩無俗語。十年肝膈湛寒輝。
澄懷錄。

遊南峯寺并序

遊南峯寺。獨登待月嶺而還。長老才上人。示欲作亭嶺上。以待予再至。因以詩贈云。

澤國鍾下流。有山獨西南。標奇借明眼。夙昔多窮探。腹背眩金碧。鐘魚半精藍。支郎放鶴處。妙解無餘談。高木氣未炎。綠陰正清酣。我懶倦登陟。茲行咤猶堪。幽尋雖云初。佳處默已諳。久欲謝塵滓。往同彌勒龕。

平生術九九晚識前三三才也實可人窮年玩煙嵐。胸中有定水萬境潛包含。嚴霜埽頰紫老幹餘榷桶。噉蔗要自佳食茶亦云甘坐斷方丈室天花雨粲粲笑我窘世網何殊老眠蠶我今已解縛真理早自耽。但恐愛山意多求尙成貪願借待月嶺重開石頭庵偃松久傲兀碧琳故澄涵言尋覺庵路更欲從徧參。
吳郡志

送嚴塔侍郎北使

朔風吹雪暗龍荒荷囊驚看玉節郎。楛矢石弩音擊傳地產鑿閭析木照天光。傳車玉帛風塵息盟府山河歲月長。寄語遺民知帝力勉拋鋒鏑事耕桑。

灑奎律髓少蘊以妙年出蔡京之門靖康初守南京當罷廢胡文定公以其才奏謂不當因蔡氏而棄之然石林詩話專主半山而陰抑蘇黃非正論也秦檜之和雖萬世之下知其非是後四句含糊說過無一毫忠義感慨之意則猶是黨蔡尊舒紹述之徒常態也。

劉安上

安上字元禮永嘉人紹聖四年進士歷侍御史給事中除徽猷閣待制出知外郡有給事集

清漣亭泛舟

高樹環清池波平春正綠移舟近南岸倒影見華屋危橋屬脩徑幽思生遠目更登狎鷗亭可以忘寵辱。
憶鷗鷺

鷗鷺知何許南園春水多稻梁隨分有煙雨想無他世上貪毛羽湖邊足網羅池塘棲息穩慎勿厭風波。

和左經臣見過

爲愛端居上郡章里閭何幸得徜徉。買田郭外春耕早。築室湖濱野趣長。且把舊書遮病眼。了無塵事擾中腸。故人訪我留佳句。應笑年來兩鬢蒼。

萬田道中

水闊疑無路。雲深僅有山。兒童划小艇。出沒稻塍閒。

花鬢鎖

下蔡嬉遊地。春風萬杏繁。誰家堪繫馬。青壁竹籬門。花鬢誰名鎖。梅妝自古傳。家家小兒女。滿額點花鈿。

舒州西門

拂雲亭外竹千竿。靜聽清聲夏玉寒。卻憶謝公巖下路。水風涼處戰檀欒。以上給事集。

寇國寶

國寶字荆山。徐州人。從陳無已學。紹聖四年進士。爲吳縣主簿。

後山集有贈國寶絕句云。承家從昔如君少。得士於君孰我先。口擬說詩心已解。世間快馬不須鞭。

題闔門外小寺壁

黃葉西陂水漫流。篷條風急滯扁舟。夕陽暝色來千里。人語鷄聲共一丘。

石林詩話此詩尤佳從蘇
黃門庭中來固自不同

周知微

知微字明老吳興人紹聖四年進士爲晉州縣尉到官不數月不告于州徑來京師人問其故云
我欲求教授至京不得一夕大醉而卒

雙頭白蓮圖

君不學叔隗季隗南歸晉又不學大喬小喬東入吳一種桃根與桃葉若爲化作雙芙渠臨淮政成有餘
暇坐令華屋生瀟灑鷺溪一幅萬里寬移得浙川入圖畫天空水闊江茫茫想見女英與娥皇九疑雲深
蒼梧遠冰姿玉泣不成糝苦心抱恨何時了香骨應甘沒秋草不如回首謝秋風分作尹邢來漢宮若溪
漁隱叢話

浮萍

小靨浮青水拍隄隄邊草色更相宜一番穀雨晚晴後萬點楊花春盡時解與曲池藏寶鑑不教新月妒
蛾眉怪來別岸波光闊知是漁郎艇子移庚溪詩話

題龜山回文在盱眙縣北

迢迢綠樹淮天曉靄靄紅霞海日晴遙望四山雲接水碧峯千點數帆輕方輿勝覽

句

後車鶯燕春聲早。前騎能罷夜氣遒。邊塞上元游宴口號暮天斜去空成字。遠地頻來不寄書。咏雁。以上唐詩話。
疾風甚雨悲游子。峻嶺崇山非故鄉。優古堂詩話。

姚舜明

舜明字廷輝。嵯縣人。紹聖四年進士。除直祕閣。提點兩浙刑獄。高宗朝。充江淮荆浙都督府隨軍。轉運使。權戶部侍郎。進徽猷閣待制。

贈翠微主僧冲邈

僧臘俗年俱老大。儒書佛教舊精勤。姑蘇一萬披緇客。四事無如彼上人。中吳紀聞。

王元甫

元甫紹聖閒居廬山。敕賜高尙處士。蘇東坡過九江。因道士胡洞微求謁之。元甫云。吾不見士大夫十年矣。竟不見。

景陽井

動地隋兵至。君王尙宴安。須知天下窄。不及井中寬。樓外鋒交白。溪邊血染丹。無情是殘月。依舊照闌干。
能改齋漫錄。

黃大臨

大臨字元明。山谷之兄。紹聖中萍鄉令。

後山詩話魯直有癡弟蓄素琴而不御蟲蝨入焉魯直嘲之曰龍池藏壁蝨而未有對魯直之兄大臨且見牀下以溺器畜生魚問知乃其弟也大呼曰我有對矣乃虎子養溪魚也

寅菴詩寄魯直

手把齊民種蒔書。莎衫臺笠事耘鋤。夏栽醉竹餘千箇。春糞辰瓜滿百區。早秔旋舂嘗麩麩。新梁炊熟自樵蘇。日西杖履行山口。招得鄰丁作飲徒。西江詩話

黃叔達

叔達字知命山谷之弟。鶚按黃玉林云名知命字元明誤。

豫章詩話黃知命黜中數詩附山谷集中殊有家法。或云山谷潤色以成弟之名。嘗與陳履常謁法雲禪師夜歸衣白衫騎驢緣道搖頭而歌履常行于後一市驚以爲異人。明日李伯時畫以爲圖邢惇夫作歌。

行次巫山宋楙宗遺騎送折花廚醞

攻許愁城終不開。青州從事斬關來。喚得巫山強項令。折花傾酒對陽臺。

上南陵坡

風澆水宿六千里。蛇退猿啼百八盤。上得坡來總歡喜。摩圍依約見峯巒。

題小猿叫驛

大猿叫罷小猿啼。箐裏行人白晝迷。惡藤牽頭石齧足。嫗牽兒隨淚陸續。我亦下行莫啼哭。以上山谷集附。

劉光

光、紹聖中仙居令。

括蒼洞

古洞藏真不記年。翠崖蒼壁故依然。怪來一夜清無夢。身在仙家第十天。赤城志。

李元膺

元膺、東平人。南京教官。紹聖閒。李孝美作墨譜法式。元膺爲序。蓋此時人也。

十憶詩

憶行

屏帳腰支出洞房。花枝宰地領巾長。翬邊遮定鴛鴦小。只有金蓮步步香。

憶坐

椅上藤花闕面平。繡裙斜綽茜羅輕。踏青姊妹頻來喚。鴛履貪弓不意行。

憶飲

綠蟻頻催未厭多。把羅香輭襯金荷。從教弄酒春衫浣。別有風流上眼波。

憶歌

一串紅牙碎玉敲。碧雲無力駐晴宵。也知唱到關情處。緩按餘聲眼色招。

憶書

纖玉參差象管輕。蜀牋小硯碧窗明。袖紗密掩嗔郎看。學寫鴛鴦字未成。

憶博

小閣爭籌畫燭低。錦茵圍坐玉相敲。嬌羞慣被諸郎戲。袖映春蔥出注遲。

憶翠

漫注橫波無語處。輕攏小板欲歌時。千愁萬恨關心曲。卻使眉尖學別離。

憶笑

從來題目值千金。無事差多始見心。乍向客前猶掩斂。不知已覺鈿窩深。

憶眠

泥嬌成困日初長。暫御輕翫玉簾涼。漠漠帳煙籠玉枕。粉肌生汗白蓮香。

憶妝

宮樣梳兒金縷犀。欽梁水玉刻蛟螭。眉間要點雙心事。不管蕭郎只畫眉。

墨莊漫錄。王全玉作宮體十憶詩。李元膺見之。愛其詞意宛轉。且曰。讀之動人。老狂不能已。聊復效尤。其情致殊妍麗。自非風流才思者不能也。

李 釜

釜字元量。元符三年進士第一。

留題王官谷

司空唐達士。寂寞臥雲岑。擾擾任羣態。休休信此心。泉聲半山急。柳色舊庭深。彷彿登臨處。遺蹤一訪尋。

蒲倅李釜元量解官東還。蒲解巡鹽鄆信子亮。虞鄉酒正周謂德。孺尉孔攬和叔。首山孫鳳聖符。酌錢王官谷。食後至瀑布亭。取水試茶。日暮分首。舊有鄙詩一章。因并題焉。王官谷集。

張勸

勸字閔道。永福人。元符三年進士。歷中書舍人。給事中。御史中丞。述古殿學士。知本州陞辭。除工部尚書。靖康初避去。除名勒停。

山輝堂在福州東山愛同寺。

蕭蕭松竹蔭華屏。更敞虛堂隱翠微。雲露峯巒橫秀色。月低巖壑弄清輝。分開遠碧鳴泉落。點破寒光白鳥飛。還似山陰秋霽後。照人懷抱欲忘歸。淳熙三山志。

安惇

惇字處厚。廣安軍人。上舍釋褐。元符初累官御史中丞。徽宗朝拜同知樞密院。卒。重遊太虛觀。

昔年遊歷訪霓旌。多謝仙師數里迎。今日重來知有意。此身應不爲公卿。

能改齋漫錄。樞密安公諱犯御名。元祐末爲江東漕。因遊廬山太虛觀。未至數里間。有道士紫衣阜巾。領徒七人迎謁。既而不知所在。至觀謁陸靜修仙師遺像。則宛然其人也。元符末庚辰公再到賦詩。

向子諲

子諲字伯恭。臨江人。敏中元孫。欽聖憲肅皇后再從姪。元符初以恩補官。高宗朝歷徽猷閣直學。

士知平江府尋致仕號所居曰薌林。

題王文孺臞菴

仙翁五十鬢猶青。高臥柴門晝亦扃。茅舍已忘鐘鼎夢。蒲輪休過薜蘿亭。陰森門巷先生柳。寂寞江天處士星。晚歲田閒農事了。閑鈔寧戚相牛經。吳郡志。

題薌林

莫問清江與洛陽。山林總是一般香。兩家地占西南勝。可是前人例姓楊。

樓攻媿集云香山得洛陽履道坊楊常侍舊宅薌

林得臨江五柳坊楊遵道光祿別墅有詩云云

題米元暉橫軸

早爲山谷印可。晚陪帝所清閑。筆力休論扛鼎。神功更解移山。向日家居道士。今朝碧落仙鄉。胸次山高水遠。筆端雲起風狂。攻媿集跋。

石 悉

悉字敏若蕪湖人。元符三年進士。宣和元年中辭科。仕止密州教授。有橘林集。

絕句

來時萬縷弄輕黃。去日飛毬滿路傍。我比楊花更飄蕩。楊花只是一春忙。後村詩話。

成都歲暮始微寒。小酌遣興。

革帶頻移紗帽寬。茶鑪欲熟篆香殘。疎梅已報先春信。小雨初成十月寒。身似野僧猶有髮。門如村舍強名官。鼠肝蟲臂元無擇。遇酒猶能罄一歡。詩林萬選

柳絮

苦無筋力太輕柔。何物如今得自由。帶雨飄來成墜雪。卷春歸去作飛毬。全芳備祖

咏雪

鸚鵡杯中未覺貧。寒凝酒面不成鱗。如何飛上參軍鬢。與惱紅樓歌舞人。菊坡叢話

句

鳥聲應爲故人好。梨雪欲將春事空。負郭生涯千畝竹。長年心事四愁詩。千里江山漁笛晚。十年燈火客氈寒。日邊人去雁行斷。江上秋高楓葉寒。天闊鳥雙下山寒人獨歸。

茗溪漁隱叢話。石敏若橋林集。汪彥章龍溪集。今並行於世。二集之詩。相犯甚衆。不可概舉。未知果誰作耶。設或皆彥章作。則橋林集中好詩無多。儻去此。遂空冀北之羣矣。

曾 誠

誠字存之。孝寬子。元符閒祕書監。

獨醒雜志。南豐之曾。曰羣。曰平。曰宰。曰布。曰肇。章貢之曾。曰弼。曰懋。曰班。曰開。曰幾。皆以伯仲取科第。致位通顯。南豐之最著者。子固。子開。而子宣。遂登相位。章貢之最著者。叔夏。天猷。若吉甫。雖晚遇。亦終次對此二族。蓋甲於江南也。京南之曾。白丞相。魯公一傳。而有樞密。孝寬再傳。而爲祕監。誠三傳。而爲今丞相。懷又曾氏之最著也。

與同舍諸公飲王詵都尉家有侍兒輩侍香求詩求字者以煙濃近侍香爲韻

得濃字

俯仰佳人看墨蹤。和研親炷寶熏濃。詩情過筆當千里。妙思凝香欲萬重。山盞洩雲傾白酒。越羅霑露浥黃封。從來粉黛宜燈燭。妙手憑誰寫醉容。

七夕王都尉邀同舍置酒聽瑟琶

寶檻凌雲結綺高。小匳爭巧暮分曹。春蔥細撚龍香撥。秀頸偏明邏逆槽。牛旣寫形呈秬粒。馬軍馳酒送蒲萄。淚珠散作人閒露。最覺更闌潤錦條。

以上墨莊漫錄

田 畫

畫字承君陽翟人。以世父況任爲校書郎。元符間監廣利門。建中靖國初召爲大宗正丞。知淮陽軍卒有集。

蘭亭續考潘枋云鄒正言浩赴貶所其友人告之曰使君官京師。遇寒疾五日不汗死矣。獨嶺海之外能死人哉。友爲誰。田畫是也。

墨莊漫錄許洛兩都士大夫之淵藪。黨論之興。指爲許洛兩黨。崔德符陳叔易皆戊戌生。田承君李方叔皆己亥生。並居潁昌陽翟時號戊己四先生。以爲許黨之魁。故諸公皆坐廢之久。

築長隄

築長隄。白頭荷杵隨者妻。背脅僂僂筋力微。以手置胸路旁啼。老夫七十嫗與齊。五尺應門生兩兒。夜來春雨深一犁。破曉徑去耕南陂。南鄰里正豪且強。白紙大字來呼追。科頭跣足不得稽。要與官長修長隄。

官長亦大賢。能得使者意。正隄駕輶軒。不復問餘事。終當升諸朝。自足富妻子。何惜桑榆年。一爲官長死。
杜牧

弟病兄孤失所依。當時書語最堪悲。豈圖乞得南州後。卻恨尋芳去較遲。以上宋文鑑

邵伯溫

伯溫字子文。康節先生子。以薦入仕。爲西京教授。徽宗朝。入元符。上書邪等。累遷提點成都路刑獄。有河南集。邵氏聞見錄。

李氏席上有感

翻翻繡袖上紅茵。舞姬猶是舊精神。坐中莫怪無歡意。我與將軍是故人。

過庭錄。子文爲陝西宣撫司馬。輿路鈴李君交往甚熟。李家有數侍婢。每遇歌宴。子文必預。後十餘年。而李君已死。值其妻生辰。命子姪宴子文於書舍。遺舊婢出舞。酒酣。子文感愴宿昔。卽席作詩云。諸子得之入呈其母。皆感泣不自勝。乃令謂子文曰。宅中得公佳句。情緒作惡。難復行酒。卽容別日款會。子文不終席而退。良久慨然曰。所謂口乃禍門。

充城口號

山圍翠合水連雲。萬室樓臺照眼明。地勝風淳眞樂國。四川惟說好充城。錦繡萬花谷

姚舜陟

舜陟江陰軍簽判。

題常樂寺五雲臺

虛空本無雲。一氣誰所主。雲空兩無礙。起滅自散聚。吾聞心歸源。空殞亦無所。應知不空者。物感自如雨。君看賢首師。自視本與土。與雲亦奚期。況問色有五。云何坐說法。瑞應乃如許。休疑諸天集。未必衆龍吐。雲空法如是。我說無說故。堂中嫡孫在。客至當問取。至元嘉禾志。

呂希哲

希哲字原明。公著之子。以陰入官。用薦爲崇政殿說書。徽宗朝。歷直祕閣。出知曹州。入黨籍奪職。罷爲宮祠卒。

絕句

水晶宮殿玉花零。點綴宮槐臥素屏。特敕下簾延墨客。不因風雪廢談經。

晁氏客語。原明元祐間侍講。大雪不罷講。

講孟子有感。哲廟一笑。喜爲絕句云云。

絕句

老讀文書興馬闌。須知養病不如閑。竹牀瓦枕虛堂上。臥看江南雨後山。

紫微詩話。公謫居歷陽。閉門。

卻嫌不交人物。有絕句云云。

句

獨抱遺經唐處士，差強人意漢將軍。

呂氏家塾記楊國寶應之。余從姑之子也。少強學力行。元豐中會于都城。余見其貧而不屈。老而益壯。以詩贈之云云。

除卻借書沽酒外，更無一事擾公私。

伊洛淵源錄。滎陽公晚居宿州真揚間。十餘年衣食不給。有至絕糧數日者。公處之宴然。靜坐一室。家事一切不問。不以鬻髮事託州縣。其在和州嘗作詩云云。閑居日讀一爻。徧考古今諸儒之說。默坐沈思。隨事解釋。夜則與子孫評論古今。商榷得失。

久之方罷。

楊道孚

道孚字克一。張文潛之甥。少有才思。爲舅所知。

遺滎陽呂公

兩綠霜紅郭外田。山濃水淡欲寒天。參軍抱病陪眞賞。一檄呼歸亦可憐。

紫微詩話。元符初。滎陽公謫居歷陽。道孚爲州法掾。從公出游。以職事遽歸。遺公詩云云。

李甲

甲字景元。華亭人。善爲填詞小令。有聞于時。畫翎毛有意外之趣。米海岳嘗稱之。

蘇東坡題嘉興景德寺李景元畫竹詩云聞說神仙郭恕先醉中狂筆勢瀾翻百年寥落何人在只有華亭李景元

題畫

誰潑煙雲六尺綃。寒山秋樹晚蕭蕭。十年來往吳淞口。錯認溪南舊板橋。柘上遺詩。

劉定

定字子先。官戶部侍郎。

謝章子厚

故人天上有書來。責我疎愚喚不回。兩處共瞻千里月。十年不寄一枝梅。塵泥自與雲霄隔。鴛馬難追騏驥才。莫謂無心向門下。也曾終夕望三台。

高齋詩話。章子厚與劉子先有場屋之舊。子厚居京口。子先守姑蘇。以新醞洞庭春寄之。其後隔十年。子厚拜相。亦不通問。寄書謂其相忘。遠引之意。子先以詩謝云云。即召爲宰。屬遂遷戶侍。

劉彥祖

彥祖任館職。

句

別後頻芳草。愁邊更落花。

風月堂詩話。晁以道

云此詩酷似劉夢得

張 鑱

送向綜通判桂州

百里常淹展驥材。除書遠自九天來。綠油車上揚旌去。畫鷁舟中疊鼓催。桂嶺花光紛似雪。荔江波色滌如苔。訟庭塵滿無留事。惟伴登臨燕席開。

粵西詩載

申屠炯

寶林寺在越州城中龜山上

欲共高僧話。幽尋入寶林。途分喧寂境。座息是非心。老鶴栖巢穩。靈鰻蟄井深。山中饒勝迹。歲月幾登臨。

越咏

封萬里

題錢知監東臯別業

別墅連城郭。超然遠垢氛。蚌明宵閣見。鶴唳曉堂聞。翠滴塔前露。紅鋪水上雲。悠悠持祿者。應媿不如君。

至元嘉禾志

陳 肅

肅都官員外郎

蔡經宅

巖扉生翠靄。石壁凌朱霞。草木狀多怪。鸞鶴歸如家。誰嫌狡獪心。滿地投丹砂。

麻姑集

張懷

憶吳江

多年襟被玉山岑，鬢雪欺人忽滿簪。
鴛馬雖然貪短豆，野麋終是憶長林。
鱸魚未得乘歸興，鷗鳥惟應信此心。
見說新橋好風景，會須乘月濯煩襟。
吳郡志。

翁緯

緯新會長官

使華亭在莆田城北五里臨溪之西瀑布高可百尺先輩徐賁之別墅

走清奔碧日潺湲，勢與晴江遠接連。
沙草翠微驅馬路，岸花紅溼釣魚船。
煙生遠店收寒雨，風起高梧咽暮蟬。
徐氏舊居人識否，渡南溪下白雲邊。
興化府志。

林子來

歛硯

瑟瑟方池霧縠紋，麝煙初散墨花春。
晴窗靜晝桐陰轉，筆下雲生字入神。
硯箋。

楊標

陰平道

棧道險復險，客懷愁更愁。
萬山俱絕壁，一水不通舟。
陝西通志。

陶應

題寶雞縣

雪樓當月動清寒。渭水梁山鳥外看。聞說德宗曾到此。吟詩不敢倚闌干。方輿勝覽

岑碩

碩字希微。

句

金屋暖猶積。玉關寒更深。雪伯詔肆讒吻。夫差失霸圖。吳山廟極目又芳草。捲簾非故山。旅中春日登樓歷

代吟譜

章造

西樓

高花古柳傍城闌。游目江城次第新。百感中來倍惆悵。滿城煙雨滿城春。吳郡志

胡融

葛洪井在太平縣丹厓山

荒巖有野井。古意豁宜搜。蘇石已摧剝。雲蘿闕清幽。憶昔抱朴翁。煉液棲高丘。丹成已蟬蛻。巖花幾春秋。

台州府志

郭挺

挺字元傑。許昌人。從李方叔學。

挽李方叔

顛顛詞林失俊英，已應精爽在蓬瀛。楷模昔日依元禮，貧病他年累長卿。無復波瀾窺大手，空將日月送虛名。當時穎曲爲耕地，祇有風灘晝夜聲。過庭錄。

程之邵

元符中，知福建路提舉陝西茶馬。

碧光亭 在釣龍臺山

寺壓高臺最上頭，一亭新就得清遊。天連遠岫交相碧，地枕長江分外幽。煙際晴光渾不斷，望中詩思浩難收。公餘幸有賓朋樂，聊把狂篇索唱酬。淳熙三山志。

宋詩紀事卷三十六

張守

守字子固。晉陵人。崇寧元年進士。紹興中。拜參知政事兼樞密院事。以資政殿學士知紹興府。卒。諡文靖。有毘陵集。

汗上小雨復霽

隄沙不起潤如酥。坐看飛雲自卷舒。隴陌人閑牛舐犢。柳陂波淺鷺窺魚。殘花糝徑東風後。碧草黏天暮雨初。分付榮枯蝸兩角。濁醪青杏送春餘。前賢小集拾遺。

蔡佃

佃字耕道。襄之孫。旻之子。崇寧初進士。蔡京當軸。欲羅致門下。竟不能屈。會星異上疏。責監温州稅。後以朝請郎提點兩浙刑獄。

文獻通考直齋陳氏曰。余嘗宦莆。至蔡忠惠襄居。去城三里。荔子號玉堂紅者。正在其處。矮屋欲壓頭。猶是舊物。京下同郡。晚出。欲附名閥。自稱族弟。襄孫佃。唱名第一。京時當國。以族孫引嫌。降第二。佃終身恨之。

豁然閣

錢唐 厲鵠 緝
仁和 孫廷蘭 勘定

長風東南來，濁浪撓清鏡。小軒寂寞人，默視心獨靜。扁舟暫淹泊，思與孤鴻迴。洞庭眼中物，何必更乘興。
頑石謾巉岉，終慚泗濱磬。吳江縣志。

雷轟溱在仙遊縣九鯉湖東

水流石激擬鳴雷，洞裏乾坤別有臺。玉鳥扶風飛復下，瓊花帶雨落還開。鐘聲敲斷白雲裊，樹影盤迴黃鶴來。笑道神仙無處覓，空留丹竈冷莓苔。興化府志。

曾開

開字天遊，贛縣人。準子幾之叔兄。崇寧二年進士。歷官權中書舍人。建炎初，累遷禮部侍郎兼直學士院，忤秦檜，出知徽州。

李伯紀丞相挽詩

先帝收多士，惟公發妙年。清班依日月，讜論薄雲天。終賴高名重，來扶大業全。誰提太史筆，臣主頌俱賢。太上初傳祚，安危俛仰閒。從容回萬乘，指顧復三關。漠北塵沙迴，閩中日月閒。誰知千載後，遺恨在燕山。追數中興相，公居第一人。初期從北狩，寧料久南巡。此日勞明主，他年憶舊臣。東都朝萬國，不復見簪紳。一別睢陽後，風霜十五年。勞生俱老矣，流涕獨潸然。丹鼎秋來就，心燈半夜傳。定應真不死，歸臥白雲邊。

翠溪集附

朱勝非

勝非字藏一，蔡州人。崇寧二年上舍登第。高宗朝，累除尚書右僕射同中書門下平章事，出知湖

州卒諡忠靖。

和同省秋夜省宿

老火未甘退。稚金方力征。炎涼分勝負。頃刻變陰晴。

容齋四筆政和末老蔡以太師魯國公總治三省年已過七十與少宰王黼爭權相傾朱藏一在館閣詩云云兩人門下士互興譖言以爲嘲謗士論指三館爲鬧藍。

天聖寺古檜

雷霆起蟄蚪。天矯勢欲上。忽然化此木。尙作擎雲狀。婆婆枝幹垂。生澀紐結壯。圖經不能記。父老那可訪。晉杉定儕類。蜀柏豈輩行。櫟夢何足神。槐語固已妄。自無斧斤憂。未始疑大匠。湖州府志。

李鞞

鞞字彥淵。富陽人。崇寧二年進士。紹興中除比部郎。秦檜欲以子與鞞女爲婚。鞞卻之。丐外。持憲。閩部奉祠卒。有去曠居士集。

三學院在富陽縣

小檻平臨更爽。孤雲徙倚長閑。飛出偶成霖雨。露來依舊青山。杭州府志。

李彌大

彌大字似矩。號無礙居士。彌遜之兄。崇寧二年進士。高宗朝。歷工部尙書。顯謨閣直學士。遊堯峯院。

雲峯何崑崙。去天餘幾丈。其下蔚華林。幽禪屹相向。我遊先朝暎。海日射巾杖。飛蓋不須持。步步蒼松障。山僧知我來。羅立鳧雁行。提攜兩行人。爲我談實相。一種勿弦琴。三嘆無聲唱。開軒面東南。千里入俯仰。西登妙高臺。更欲恣曠望。土斷澤遶山。煙濤渺雲浪。恐是六鼇連。蓬壺墮莽蒼。又疑鯨入海。偃脊起青嶂。時方老火熾。金石流欲煬。須臾變雲雨。爲作雄風壯。翻手回涼秋。掀舞千林響。誰云免水宮。自是神龍藏。三高如可作。吾欲五湖訪。洗足巨浸心。振衣孤峯上。寄語夸奪流。得飽但相忘。長哦可當歌。踏月下空曠。

游洞庭山并序

昔白樂天爲姑蘇太守。遊洞庭山。題詩翠峯寺。有笙歌畫船之句。紹興壬子。彌大守平江。越月而張片帆來。首訪翠峯。追懷古昔。擬樂天體。聊繼其韻。時異事別。各遂所適之樂爾。

山浮羣玉碧。空沈萬頃光。涵幾許深。梵刹樓臺噓海蜃。洞天日月浴□金。秋林結綠留連賞。春塢藏紅次第吟。擬汎一舟追范蠡。從來世味不關心。以上吳郡志。

唐庚

庚字子西。丹棱人。舉進士。受知張商英。擢提舉京畿常平。商英罷相。貶惠州。會赦北歸。卒。有眉山集。

墨莊漫錄。唐子西在惠州。釀酒二種。其醇和者名養。

生圭。稍列者名齊物論。詩多新意。不沿襲前人語。

文獻通考。雁湖李氏曰。唐子。

西。文采風流。人謂爲小東坡。

內前行

內前車馬撥不開。文德殿下宣麻回。紫微侍郎拜右相。中使押赴文昌臺。旄頭昨夜光照牖。是夕收光如
秃帚。明日化爲甘雨來。官家喚作調元手。周公禮樂未要作。致身姚宋也不惡。鄉來兩公當國年。民間斗
米三四錢。

獨醒雜志。唐子西內前行。爲張天覺作也。天覺自中書侍郎除右僕射。蔡京以少保致仕。四海歡呼。善類
增氣。時慧見而遽沒。旱甚而雨。人皆以爲天覺拜相感召所致。上大書商霖二字以賜。故子西具言之。

文獻通考。直齋陳氏曰。張商英拜相。
子西作內前行。坐貶惠州。歸蜀而卒。

收家書

西州消息到南州。骨肉無他歲有秋。驥子解吟青玉案。木蘭堪戰黑山頭。卽時旅思春冰拆。昨夜燈花黍
穗抽。從此歸田應坐享。故山已爲理菟裘。

除夕

患難思年改。龍鍾惜歲除。關河先壘遠。天地小臣孤。吾道憑溫酒。時情付擁爐。南荒足妖怪。此日謾桃符。
夜坐懷舍弟

無雲仍露坐。有月更江臯。沈陸傷吾道。浮生憶爾曹。扁舟應夏口。此夕數秋毫。不見今三載。當時已二毛。
以上眉山集

次韻強幼安冬日旅舍

殘歲無多日。此身猶旅人。客情安枕少。天色舉杯頻。桂玉黃金盡。風埃白髮新。異鄉梅信遠。誰寄一枝春。

次韻幼安留別韻

白頭重踏軟紅塵。獨立鷓鴣行覺異。倫往事已空。誰敍舊。好詩乍見且嘗新。細思寂寂門羅雀。猶勝纍纍冢
臥麟。力請宮祠知意否。漸謀歸老錦江濱。

強行父唐先生文錄云。行父自錢唐罷官如京師。眉山唐先生同寓于城東景德僧舍。與同郡關注子東日從之遊。退而記其論文之語。得數紙以歸。明年先生得請宮祠歸瀘。道卒于鳳翔。先生嘗次行父詩二首。蓋絕筆于是矣。集者逸之。故併記云。餘

杭強行父

幼安記

秧馬

擬向明時受一塵。著鞭常恐老農先。行藏已問吾家舉。從此馳名四十年。

碧溪詩話。東坡遊武昌。嘗作秧馬歌。唐子西

至羅浮。始識此器。作詩云云。亦巧于用事。

謫羅浮作

說與門前白鷺羣。也須從此斷知聞。諸公有意除鉤黨。甲乙推排恐到君。鶴林玉露

蔡 薺

蕤字文饒。開封人。崇寧五年進士第一。累官翰林學士禮部尚書。房州安置。送宋朝請倅邢州。

布衣初喜得相從。淡薄情懷老更同。春酒杯盤花爛漫。夜堂燈火雪冥濛。家傳辭藻喧時譽。地近鄉枌識土風。早晚漢庭褒一鶚。待看霜翮上秋空。詩林萬選

趙鼎

鼎字元鎮。號得全居士。解州聞喜人。崇寧五年進士。紹興初。累官簽書樞密院事。拜尚書右僕射。同中書門下平章事。安置潮州。移吉陽軍。薨。孝宗朝。賜諡忠簡。贈太傅。配享高宗廟庭。有忠正德文集。

老學菴筆記。趙元鎮丞相。謫朱崖。病亟。自書銘旌云。身騎箕尾歸天上。氣作山河壯本朝。

趨三衢別故人。時車駕幸杭州。

倉父何由習楚風。家山俱在古河東。相逢憔悴干戈後。追數悲歡夢寐中。摻袂又成千里別。放歌空念一尊同。他年儻有加澹字。試問漁舟鶴笠翁。咸淳臨安志

雨夜不寐

西風吹雨夜瀟瀟。冷燼殘香共寂寥。要作秋江篷底睡。正宜窗外有芭蕉。梅磻詩話

梅執禮

執禮字勝和婺州浦江人崇寧五年進士歷戶部尚書死靖康之難高宗朝贈資政殿學士

句

有令可干難閉戶無人堪訪嬾移舟天之未喪斯文也吾亦何爲不豫哉

庚溪詩話和勝未冠時家貧親老無以爲養大雪中以詩謁邑

宰云云邑令延之令訓其子弟方應舉未捷有詩自遣云云

成無玷

無玷字士懋武康人崇寧五年進士宣和初官餘杭丞建炎中知鄂州鞅鞅李堇圍急無玷堅守晨起巡城霜滑墜足而卒

洞霄宮

我欲觀太華一笑凌險阻滅跡恨未果衰容遽如許東南豈不佳泉石闕靈府未訪潛川源且尋天目乳一峯拔地起離立誰敢侮千年絕附麗萬壑失媚嫵有如人中傑羞與絳灌伍翠箬藏丹藥一作砂石洞飛白鼠遊人倦登涉異境何由睹振衣凌絕頂雲外聽天語仙人儻予迎從此遂輕舉洞霄詩集

廖剛

剛字用中南劍州順昌人崇寧五年進士紹興中歷官御史中丞工部尚書以徽猷閣直學士提舉亳州明道宮卒有高峯集

題楊子光雙溪閣

倚天華棟俯長洲。渺渺雙溪一鑑秋。匹馬問津迷去客。新帆分港競歸舟。花飄兩洞紅交浪。影落三山翠合流。清夜鳴榔何處曲。冷光平泛玉簾鉤。

代祖父次韻酬羅君寶見贈

蕭條門巷陋於顏。老去青春僅得閑。心畫傳家無計策。手談留客漫機關。靜思往事千年上。俯歎勞生一夢閒。多謝光臨無別意。爲聞流水與高山。

題南墩鋪雨中聞猿聲素所未識復渡二峻嶺蓋亦覩見因紀行役之勞云

見說龍巖路。猿啼今始聞。深林埋宿霧。高嶺出層雲。天去頭三尺。崖垂足二分。只愁雙目眩。敢恃一杯醺。捫歷泥增滑。瘡痛日向曛。長安九軌道。誰識此閒情。

題洛宮

畫橋紅去卷蛾眉。臺榭遺蹤草樹迷。獨有天然無限意。一池春水浴鳧鷖。蔓草春深綠更齊。玉鞭何處選芳菲。舊時錦繡叢中蝶。卻傍疎籬野菜飛。

衛州試院次韻盛當時官長寵示絕句

洗眼貪看幼婦詞。玉人空遣暗相思。憑誰爲報歸期近。趁得桃花爛漫時。

題蔡州柳莊鋪

雲垂曠野路漫漫。策策秋聲作暮寒。已分故園天樣遠。不知何處是長安。以上高峯集

吳 侗

侗字公度烏程人崇寧五年進士試禮部第一仕至敕令所刪定官出爲寧海推官宿大滌山

解驂投宿到蓬壺骨冷魂清夢寐無可怪春禽曉啼月又催行李出凡途

洞霄詩集

龔 況

況字濬之程子崇寧五年進士終祠部員外郎左朝議大夫自號起隱子有起隱集

詠劉伶

逃名以酒轉名高醉裏張髯買二豪日月已爲吾戶牖何妨東海作醇醪

九日

自古誰無九日詩詩成須道菊花枝直饒無菊何妨醉野蓼村葵總是題

游天峯寺

杖藜青踏半山雲不見此山知幾春異時人物凋零盡只有青山似故人

送唐太監

東門相別又相逢轉覺衰頽一老翁子約重來我方去滿庭黃葉正秋風

句

貪山借船賞嗜酒典琴沽閑多卷滿新成句懶極牀堆未答書客疎閑吠犬庖匱割啼雞得句怕

難續避人長轉多山色秋難老池光夜不昏

以上中吳紀聞

史徽

徽字洵美。鹽官人。崇寧五年進士。累官右司郎中。高宗即位。起為司農少卿。建炎三年。扈駕江口。遇害。贈觀文殿修撰。

大觀閒題南京道河亭

穀雨初晴綠漲溝。落花流水共浮浮。東風莫掃榆錢去。為買殘春更少留。陶朱新錄。

李光

光字泰發。上虞人。崇寧五年進士。累官司勳員外郎。欽宗擢右司諫。高宗朝。進吏部尚書。除參知政事。因爭和議。安置瓊州。移昌化軍卒。追復資政殿學士。謚莊簡。

千巖亭

家山好處尋難徧。日日當門只臥龍。欲盡南山巖壑勝。須來亭上少從容。

老學菴筆記。李莊簡奉祠還里。先君築小亭曰千巖。盡見南山。公來必終日。嘗賦詩云云。言及時事。憤切輿歎。謂秦相曰。成陽一日舉酒屬先君曰。某行且遠。謫矣。成陽尤忌者。某與趙元鎮耳。趙既過嶠。某何可免。青鞵布履。即日行至。後十餘日。果有藤

州之命

哭子

脫屣塵寰委蛻蟬。眞形渺渺駕非煙。丹臺路杳無歸日。白玉樓成不待年。宴坐我方依古佛。空行汝去作

飛仙恩深父子情難割。淚滴千行到九泉。

實退錄李莊簡之子孟博苦學有文紹興五年進士第三人及第隨父南遷卒于瓊州先是數月孟博夢至一所海山空闊樓觀特起雲霄間有軒榜曰空明先世諸父環坐其中指一席曰留以待汝遂寤臨終靈氣起于寢冠服宛然自雲中冉冉升舉瓊人悉見之莊簡

有詩悼之云云

越州雙雁道中

晚潮落盡水涓涓。柳老秧齊過禁煙。十里人家雞犬靜。竹扉斜掩護蠶眠。

詩人玉屑

戲贈伴送使臣

日日孤村對落暉。蠻煙深處忍分離。追攀重見蔡明遠。贖罪難逢郭子儀。南渡每憂鳶共墮。北轅應許雁相隨。馬蹄慣踏關山路。他日看來又送誰。

詩人玉屑公在政府與秦檜議論不合爲中司所擊送藤州安置差密院使臣送之公戲贈詩云云

題廣德州三峯樓

一川花柳擁雕闌。濃綠浮空四面山。便欲攜家來此住。不將名姓落人閒。

方輿勝覽莊簡日記云上虞李秦定提兵平宣城寇回登此留宿紹興壬子季春五日題

智林寺在常熟縣李墓村

扁舟來訪小叢林。花木通幽院落深。旋拂胡牀成午夢。閑持貝葉動秋吟。竹聲瑟瑟生虛籟。山意義義入素琴。更喜老綱能會事。手攜爐鉢自相尋。蘇州府志。

輓李忠定綱

忠言直節動華夷。冑爲投閑便息機。南國忽聞梁木折。中原猶望袞衣歸。平生學術唯心得。晚節功名與願違。老病無因執袞鞞。朔風空有淚霑衣。邵武府志。

李邴

邴字漢老。濟州任城人。昭玘猶子。崇寧五年進士。累官翰林學士。紹興初。拜參知政事。資政殿學士。寓泉州卒。諡文敏。有雲龕草堂集。

揮塵錄。漢老少日作漢宮春詞。膾炙人口。所謂問玉堂何似茅舍疎籬者是也。政和閒。自王胥丁憂歸山東。服終。造朝。舉國無與談者。方偃偃無計。時王黼爲首相。忽遣人招至東閣。開宴。出其家姬十數人。酒半。唱是詞。侑觴。大醉而歸。數日。遂有館閣之命。

小學紺珠。南渡三詞人。李邴。汪藻。樓鑰也。

詠梅

綿霜歷雪忿開遲。風笛無情抵死吹。鼎寶未成心尙苦。不甘桃李傍疎籬。

能改齋漫錄。李漢老建炎末。自簽書樞

密遷知院。二三月而罷。爲梅詩以託意。

銅雀硯

魏宮歌舞久成塵，重見陶家幾世孫。
銅雀不鳴唯解渴，管城何罪遽遭髡。

硯箋云：徐鉉得銅雀瓦，注水試墨即滲。
鉉笑曰：豈銅雀之渴乎？漢老詩蓋因此。

九日

木落霜洲溪水清，登臨滿目是飄零。
黃花有意憐幽獨，白酒無聊漫醉醒。闕五六二句。
牢愁錯倚西風立，楚些巴淪不可聽。合璧事類前集。

宮詞

舞袖何年絡臂鞦，蛛絲網斷玉搔頭。
羊車一去空餘竹，紈扇相看不到秋。宋藝圃集。

謁池上人

數脊招提四面山，羨師終日掩柴關。
憑闌人語風煙上，乞食僧來紫翠閒。
萬木深藏雲泱莽，一溪空鎖月彎環。
十年不踏門前路，只遣松風送我還。清源文獻。

琴泉軒次韻

但怪朱絲韻枯木，那知古澗墜寒泉。
鳥啼靜夜應傳譜，風入寒松擬續弦。
妙體難尋斤斲處，高吟寧墮膝橫邊。
飲光到此如欣舞，笑倒雲門逸格禪。南安縣志。

寶林寺

青燈映獨宿。世事忽如遺。一榻寒無夢。高齋靜見詩。長空消海氣。遠壑淡幽姿。欲問無生意。高人不可期。

雪軒在葦山戒珠寺

四山環繞翠岩甍。想見凌晨雪未消。四萬八千修月手。不知何處琢瓊瑤。以上紹興府志。

方惟深

惟深字子通。莆田人。家長洲。崇寧五年特奏名。授興化軍助教。有方祕校集。

中興紀聞。子通最長于詩。凡有所作。王荆公讀之必稱善。謂深得唐人句法。子通遊王氏之門。初無迎合意。後隱城東故廬。與樂圃先生皆爲一時所高。每部使者及守帥下車。必卽其廬而見之。前後上章論薦者甚衆。竟絕祿仕意。僧仲殊贈詩有依舊

淒涼無長物。只餘松檜養秋風之句。可以見其清。

高矣。年八十三卒。無子。一女適樂圃先生之子發。

以詩集呈荆公侑以詩

年來身計欲何爲。跌宕無成一軸詩。嬾把行藏問詹尹。願將生死遇秦醫。丹青效虎留心拙。斤匠良工入手遲。此日知音堪屬意。枯桐正在半焦時。

訪人不遇題壁

何年突兀庭前石。昔日何人種松柏。乘興閑來就榻眠。一枕春風君莫惜。城西今古陽山色。城中誰有千年宅。往來何必見主人。主人自是亭中客。

謁荆公不遇

春江渺渺抱橋流。煙草茸茸一片愁。吹盡柳花人不見。春旗催日下城頭。

中吳紀聞。此詩荆公親書。

方冊閒。因誤載臨川集。

和五日郡守開宴會九老于廣化寺韻

使君瀟灑上賓閑。金地無人晝閉關。風靜簫聲來世外。日長仙境在人閒。詩成郢客爭揮翰。曲罷吳姬一破顏。此節東南無此會。高名千古曩湖山。以上中吳紀聞。

程公闢留客開元寺飲二首

晝錦新坊路稍西。興來攜客就僧扉。尊前倒玉清無比。筆下鏗金妙欲飛。籃輦直須乘月去。榜歌時聽採菱歸。流傳白雪吳城滿。頓覺炎歎一夕微。

仙老論文小往還。多才令尹獨能攀。攜觴步入千花界。借榻清臨一水閒。笑語不驚沙鳥去。襟懷猶道野僧閑。城中此地無人愛。坐對西南見好山。

劍池

雲崖倚天開。蒼淵下澄澈。世傳靈劍飛。山石千丈裂。神蹤去不返。今作蛟龍穴。是非莽難詰。歲久多異說。惟當清夜來。靜賞潭上月。

千人石

生公天人師。講法花雨墮。當時聽法衆。并入千人坐。山祇常護持。山鳥不敢斃。野人心茫然。傲蕩多酒過。

醉來不甯歸石上看雲臥。以上吳郡志。

和周楚望紅梅用韻

清香皓質世稱奇。試作輕紅更自宜。紫府與丹來換骨。春風吹酒上凝脂。直教臘雪無藏處。只恐朝雲有去時。溪上野桃何足種。秦人應獨未相知。

瀛奎律髓云。曾裘父艇齋詩話。以此爲徐師川十三歲詩。見知東坡。蓋妄也。慶元中。陳剛刊板。已著爲子通矣。

舟下建溪

客航收浦月黃昏。野店無燈欲閉門。倒出岸沙楓半死。繫舟猶有去年痕。

莆陽文獻。此詩荆公愛之。嘗書坐右。後人誤入荆公集中。

王 案

案。字輔道。一字道輔。韶子。登第。官校書郎。翰林學士。兵部侍郎。宣和中。以左道爲林靈素所陷。棄市。

同劉元靜遊嵩山峻極中院作

爛紅一點出浮漚。夜坐嵩峯頂上頭。笑對僧窗談祖德。當年七十四回遊。

風月堂詩話。洛陽劉伯壽築室嵩山下。每登高頂。回則于峻極中院。援筆記歲月。捐館之年。題云。予今年若干歲。登頂凡七十四次矣。精力雖疲。而心猶未足也。王輔道學士與其孫宣義。即元靜遊嵩。至中院。作一絕句示之。

浪花

一江秋水浸寒空。漁笛無端弄晚風。萬里波心誰折得。夕陽影裏碎殘紅。

夷堅志。曹道冲傳詩京都。隨所命題。即就羣不逞欲苦之。乃求浪花詩絕句。仍以紅字爲韻。曹謝曰。非吾所能爲。唯南薰門外。菊坡王輔道學士能之耳。不逞曰。我固知其名久矣。但彼在館閣。吾儕小人。豈容輒詣。曹曰。試齋佳紙筆。往拜求之。必可得。于是相率修謁。下拜有請。王欣然捉筆一揮而成。讀者歎服。

汪藻

藻字彥章。德興人。崇寧中第進士。高宗朝累除中書舍人。兼直學士院。擢給事中。遷兵部侍郎。兼侍講。拜翰林學士。出知外郡。奪職居永州卒。有浮溪集。

寓簡。秦熈狀元及第。汪彥章以啓賀會之。有云。三年而奉詔策。固南宮進士之所同。一舉而首儒科。蓋東閣郎君之未有。本欲屬對之工。而熈父子怒以爲輕已。彥章自此得罪。羈置湖湘。

孫觀汪公墓誌云。公以大手筆稱天下。金華勸講。石室袖書。典册施之朝廷。樂歌薦之郊廟。鴻文碩學。暴耀一世。而詩律高妙。興寄深遠。亦非近世詩人所能。

桃源行

祖龍門外神傳壁。方士猶言仙可得。東行欲與羨門親。咫尺蓬萊滄海隔。那知平地有青雲。只屬尋常避世人。關中日月空萬古。花下山川長一身。中原別後無消息。聞說胡塵因感昔。誰教晉鼎判東西。卻媿秦城限南北。人間萬事愈堪憐。此地當時亦偶然。何事區區漢天子。種桃辛苦求長年。

庚溪詩話語意新妙。王廉詰韓退

之劉禹錫王介甫諸人所未道。

避地西亭野步

今日幸無雨。天空出遙岑。行行不知疲。遂至春江潯。汲路轉籬落。人家在桑陰。平時漲清波。隴麥如人深。溝畎戲鳧鷖。新蒲映浮沈。我生本樵漁。對此諸初心。風物豈不好。悲來自能任。胡塵暗中原。四海如鷺禽。黃屋狩萬里。兩宮隔晨昏。龍移螻螳窺。月晦蟾蜍侵。宇宙有顛覆。茲遊豈嘔歎。銷憂賴濁醪。太息誰能料。過臨平。

一別九霄路。風煙長滿衣。已成身老大。無復世輕肥。天闊鳥雙下。山寒人獨歸。曉來何處雨。春水滿巖扉。睡起涼生岸。鉤簾坐小窗。麥風能起柁。梅雨不鳴江。往事心常折。歸塗影自雙。依然蒲柳地。人老故先降。以上浮溪集。

春日

一春略無十日晴。處處浮雲將雨行。野田春水碧于鏡。人影渡傍鷗不驚。桃花嫣然出籬笑。似開未開最有情。茅茨煙暝客衣溼。破夢午雞啼一聲。

遊宦紀聞此篇一山爲詩社

諸公所稱蓋公幼年作也

題張資政汝川圖

澹巖書堂

昔人曾此結精廬。故老猶傳井臼餘。今代子房來卜築。要看圯上一編書。

多寶院

每尋疎磬訪支郎。苔竹交陰杖屨旁。絲履氎巾聊取用。風流不減贊公房。

金石臺

花光連接兩臺春。中有眠雲跂石人。莫使鞭笞鸞鳳去。時來重現宰官身。

懷賢菴

履綦行處日蒼苔。輦輓深藏月一開。已辦此身同法喜。不應臨感更難裁。

題江南春曉圖

忽從林杪見朝暉。釋嶠孤雲半欲飛。何惜扁舟并畫我。要從海際望春歸。

題大年小景

忽驚坐上江天渺。半幅鵝溪寫霜曉。風低黃蘆潮欲到。平沙無人喧宿鳥。向來著眼應萬里。開卷尺餘那盡了。須知王孫寄筆力。平日氣吞雲夢小。故將點綴調兒輩。不待淋漓翻墨沼。滕王蛺蝶往誰並。曹霸驂

驅今已少。坐令好事費百金。窗几短屏橫軸繞。君家此本傳幾世。羈客見之先絕倒。江頭歷歷舊行處。好在漁磯落寒潦。浮家汎宅歸去來。還看飛鴻臥林杪。以上聲畫集

題止戈堂

此老胸中百萬兵。暫勞試手沸狼羣。山頭不復望廷尉。柱後何須用惠文。解帶爲城聊戲劇。賣刀買犢便耕耘。三山勝處開華屋。人載人傳舊史名。千里閩山驛騎飛。天書趣解海邊圍。異軍方逐蒼頭起。元帥徐將白羽揮。翻就饒歌春舉酒。收還烽火夜開扉。向來萬事關兵氣。都作風光坐上歸。

桐江詩話。程進道紹興初帥閩中。殄滅諸寇。以武庫爲止戈堂。一時諸公題詠甚多。汪彥章二詩爲絕唱。

士人買妾既而疾以詩戲之

但知瓊樹鬪清新。不道三彭接有神。處仲未聞開閣事。維摩空對問禪人。封侯燕頰何妨瘦。伐性蛾眉卻怕顰。從此空花掃除盡。定須嚼蠟向橫陳。陶朱新錄

賦琴高魚

百川萃南州。水族何磊砢。其閒琴高魚。初未列楚些。豈堪陪蕤鮮。裁用當肴果。士人私自珍。千里事封裹。遂令四方傳。唯嚼亦云頗。俗云琴高生。控鯉宛溪左。靈蹤散如煙。遺鬣尙餘顆。向來騎鯨人。逸駕嘗慕我。不應當時遊。反用此么麼。得無效齊諧。怪者記之過。彭越小如錢。蹤跡由漢禍。越王載王餘。變化更微瑣。

因知天地間人莫窮物夥區區于其中臆決蓋不可僞真吾何知且用慰頤朶

寶退錄涇縣東北二十里有琴溪俗傳琴高隱所溪中有一種小魚他處所無俗謂琴高投藥滓所化號琴高魚歲二月來集漁者網取漬鹽曝之州縣須索以克苞苴其來久矣前輩多形之賦詠汪浮溪此詩本集不載

郊丘書事

琅輿深出未央門十里圍壇氣象尊珪璧三千周典備貔貅百萬漢兵屯青城浮靄連霜動黃道微風帶日溫不用靈光符聖武從來精祲答乾坤前賢小集拾遺

隆祐太后挽詞

慶源由魏國奉祀及宣仁盛德儀中壺私恩絕外親長秋期不老厚夜忽無晨來歲柔桑綠誰臨繭館春朔漠遐征後南州倣擾時人心憂社稷天意屬簾帷擁佑千齡主圖回萬世基中興能事畢條與帝鄉期合璧事類前集

秀水閑居錄元祐末哲宗方擇后京師里巷作打毬戲以一擊入窠者爲勝謂之孟入于是孟在女應入宮之選至紹聖間禁掖道緝有匠者姓孟獻樣兩大蝴蝶相對掩以緝帶曰孟家蟬民間競服之未幾后廢處瑤華宮號華陽教主玉清妙靜仙師議者皆以爲蟬者禪也出家之兆也靖康中京師失守皇族近屬皆詣虜營以后廢歲久無預時事不復取虜既退邦昌請后入居延福宮今上踐阼迎后至睢陽上尊號曰隆祐皇太后建炎三年車駕至餘杭有苗劉之變后復垂簾以平內難紹興元年崩于會稽上諡號曰昭慈獻烈後更諡曰昭慈聖獻至是前議乃驗焉孟入者兩復入也蟬者禪御兩地垂簾之應也大統中絕而復續天位暫傾而復正者后之力可謂異人矣

宿焦山方丈

明發理煙艇。歡言濟遙岑。盤渦沸風雨。稍辨鐘磬音。行行並疎柳。迎客多幽禽。扶輿上桀嶠。始見江湖深。臺殿明海色。嵌空憶龍吟。修廊延客步。妙香慰人心。遐眺未云極。千巖忽秋陰。孤月欲生嶺。諸天悉浮金。茲遊信奇絕。況接支道林。夜語不知旦。虛窗對橫參。人閒驚毫末。物外雄窺臨。稽首悟真理。微生安所任。蒼崖有奇字。霜乾約重尋。京口三山志。

句

人閒何事非戲劇。鶴有乘軒蛙給廩。水經注引晉中州記。惠帝爲太子。令曰。若官蝦蟇可給廩。困學紀聞。

王雲

雲字子飛。澤州人。舉進士。嘗使高麗。撰雞林志以進。擢祕書郎。靖康中。以資政殿學士副康王使金。次磁州。爲百姓所殺。

程卓使金錄。磁州驛有顯應崔府君廟。高宗爲王尙書雲。迫以使金。磁人擊裂王雲。高宗欲退。無馬可乘。神人扶馬載之南渡河。今立祠西湖。

贈大仰齊禪師

大仰古名刹。師居二紀中。本無一法說。須信萬緣空。體與太虛合。心將諸祖同。唐來三百載。不墜釋迦風。袁州府志。

句

爲憐綠葉四時在，不可朱闌一日無。此君軒。錦繡萬花谷。

徐文

文、高郵人。

題雪竇和尚親書偈卷

老子休去歇去，遺墨今傳古傳。相見本來面目，不離當處湛然。崇寧癸未高郵徐文。志雅堂雜抄。

宋詩紀事卷三十七

錢唐 厲鶚 緝

歙 汪日煥 勘定

曾 幾

幾字吉甫。贛縣人。徙河南。以兄弼恤恩。授將仕郎。試吏部優等。賜上舍出身。歷校書郎。高宗朝。歷江西浙西提刑。與秦檜不合去位。僑寓上饒。居茶山寺。自號茶山居士。檜死。召爲秘書少監。權禮部侍郎。提舉玉隆觀。致仕卒。諡文清。有集。

詩人玉屑。唐人詩喜以兩句道一事。茶山詩中多用此體。如又從江北路。重到竹西亭。苦無二日雨。那復一年秋。似知重九日。故放兩三花。次第繙經集。教兒理在亡。又得新詩句。如聞警歎音。如何萬家縣。不見一枝梅。此格亦甚省力也。又云。陸放翁詩。本于茶山。故趙仲白題曾文清公詩集云。清于月出初三夜。澹似湯烹第一泉。咄咄逼人門弟子。劍南已見一燈傳。謂放翁也。然茶山之學。亦出于韓子蒼。三家句律大概相似。至放翁則加豪突。

汪彥章內翰除守臨川。以詩賀之。

臨川內史詔除誰里巷。傳聞報客知。金馬門深曾草制。水精宮冷近題詩。行看畫傘旌旗入。定把書麟筆札隨。若訪毘耶舊居士。無人問疾鬢成絲。

三衢道中

梅子黃時日日晴。小溪泛盡卻山行。綠陰不減來時路。添得黃鸝四五聲。以上前賢小集拾遺。

題訪戴圖

小艇相從本不期。剡中雪月並明時。不因興盡回船去。那得山陰一段奇。貧退錄。

茶山

似病元非病。求閑方得閑。殘僧六七輩。敗屋兩三閒。野外無供給。城中斷往還。同行木上坐。相與住茶山。清波雜志。

謝路憲送蟹

從來歎賞內黃侯。風味尊前第一流。祇合蹒跚赴湯鼎。不須辛苦上糟丘。

娛書堂詩話。

內黃侯甚新。

雪中登王正中書閣

對雪誰堪語。登樓似欲仙。人家修月戶。丈室散花天。峯疊鉤簾外。江橫隱几前。寒深落雁渚。清集釣魚船。解病從摩詰。消愁得仲宣。展書明細字。烹茗溼疎煙。月好還同夢。詩成已下弦。明年儻相憶。爲一到關邊。瀛奎律髓。

諸人見和返魂梅再次韻

蠟炬高花半欲摧。斑斑小雨學黃梅。有時燕寢香中坐。如夢前村雪裏開。披拂故令攜袖滿。橫斜便欲暎

窗來重簾幽戶深深閉。亦恐風飄不得回。

瀛奎律髓製香者合諸香令氣味如梅花號之曰返魂梅詩中數句善形容前村雪裏橫斜映窗等語挽而歸之于所聞之香既雅潔又標致

壬戌歲除作明朝六十歲矣。

禪榻蕭然丈室空。薰銷火冷閉門中。光陰大似燭見跋。問學祇如船逆風。一歲臨分驚老大。五更相守笑兒童。休言四十明朝過。看取霜髯六十翁。

瀛奎律髓此紹興

十二年壬戌也

遊張公洞

張公洞府未著脚。向人浪說遊荆溪。欲看直上翠羽蓋。不惜扶下青雲梯。勁風翻動土囊口。暗水流出桃花蹊。卻將深處問兒輩。一夕飛夢窮攀躋。

發宜興

老境垂垂六十年。又將家上鐵頭船。客留陽羨祇三月。歸去玉溪無一錢。觀水觀山都廢食。聽風聽雨不妨眠。從今布韞青鞵夢。不到張公卽善權。

宜興邵智卿天遠堂

目極雲沙靜渺然。邵卿風月過年年。雁行滅沒山橫晚。漁艇空濛水接天。南國棠陰春寂寂。東風瓜蔓日

綿綿問君許作鄰翁否。陽羨溪邊卽買田。以上咸淳毘陵志。

聞李泰發參政得旨自便將歸以詩迓之。

苦遭前政墮危機。二十餘年詠式微。天上謫仙皆欲殺。海濱大老竟來歸。故園松菊猶存否。舊日人民果是非。最小郎君今弱冠。別時聞道不勝衣。菊坡叢話。

送倉部呂治先守齊安倉部名大器字治先茶山之壻是生東萊先生成公者。

齊安剖竹要循良。分付吾家坦腹郎。賸有江山連赤壁。終稀獄訟到黃堂。鈴齋晝永宜深念。邊瑣秋高合過防。此地元之遺烈在。風流容易鬢毛蒼。曹氏歷代詩選。

程堂

堂字公明。眉山人。舉進士。爲駕部郎中。善畫墨竹。

題成都笮橋觀音院自畫竹

無姓無名逼夜來。院僧根問苦相猜。攜燈笑指屏閒竹。記得當年手自栽。畫繼。

翟汝文

汝文字公巽。丹陽人。舉進士。累官浙東安撫使。紹興初。拜翰林學士。參知政事。卒。門人私諡忠惠先生。有集。

焦山

水輪依風負坤輿。百川東流同灌輸。掀巾之陂莽吞受。沃焦之山初不濡。雲根終久插江湖。狂瀾滔天隨

卷舒空神迴標避突兀。海門排霄巖相扶。僧居蠓山迷向背。佛宇蜃氣成吹嘘。我游元冬崖壑枯。洪濤濺雨吹裳裾。風來駕潮愁海若。溟漲跋浪翻鯨魚。虞淵咸池相蕩滂。月阿日窟漂方隅。此身浮漚一綠聚。四大溼相彌空虛。鍼鋒懸持妙喜住。蝨睫坐睨焦螟居。山中老禪眼於菟。香飯造化分彫胡。重淵垂涎舞蛟首。方丈宴寢凝熏爐。夜寒月黑照濁水。乞取壞衲摩尼珠。京口三山志。

句

青女霜如失。黃人日故遲。

困學紀聞符瑞圖。日二黃人守。

者外國人來降。翟公巽云云。

張擴

擴字彥實。一字子微。鄱陽人。崇寧中進士。南渡歷中書舍人。有東窗集。

約兄楚材西湖觀梅次韻

天上新驂寶輅回。看花仍趁雪英開。折歸忍負金蕉葉。笑插新臨玉鏡臺。女堞未須翻角調。錦囊先喜助詩材。少蓬自是調羹手。葉底應尋好句來。

揮塵餘話彥實知廣德軍秩滿造朝除著作郎其兄楚材爲祕書少監彥實約觀梅西湖楚材有詩彥實次韻云云時楚材再婚故及玉鏡臺事秦會之見之大穆賞曰旦夕當以文字官相處遷擢左史再遷而掌外制。

戲成二毫筆絕句

包羞曾借虎皮蒙。筆陣仍推兔作鋒。未用吹毛強分別。卽今同受管城封。

揮塵餘話。楊元仲與彥實並居西掖。代言多彥實與之潤色。偶成一
壺筆絕句。原仲以爲謂己。愬之會之。詠言路彈之。彥實罷爲宮祠。

送顧景繁暫歸浙西

牆頭飛花如雪委。牆根老柳絲垂地。春正濃時君不留。山路曉風鳴馬箠。濤江入眼浪千尺。想見吳儂問行李。田園久荒漫檢校。親舊相逢半悲喜。行朝諸公訪人材。故人新賜尙書履。袖中有策則可陳。君亦因行聊爾耳。

贈顧景繁

顧侯風味更嚴苦。家貧闕辦三韭菹。龜腸撐突五千卷。底用會粹箋蟲魚。虎頭文字逼前輩。袞袞顛蒙分尺素。天閑老驥日千里。何用鹽車追蹇步。以上中吳紀聞。

詠曾微言端硯

君家文房珍。尤者一一數。端溪從誰得。不得歲月古。中窪削天成。外鑿餘雷斧。向來荏葦中。險作百碎補。硯箋

蔡居厚

居厚字寬夫。熙寧御史延熙子。第進士。大觀初。拜右正言。累官徽猷閣待制。有詩話。句

先生萬古名何用，博士三年穴不治。爲太學博士和人韻。梅磻詩話。

宋 肇

肇字楹宗，巫山令，與蘇黃游。

杜鵑

暖雲無定半陰晴，茅屋紙窗深復明。喬木參天竹千莖，巴山欲曉風露清。杜鵑飛鳴遶江城，魚腹四月江水生。林花落盡空含情，灩東灩西朝暮聲。全蜀藝文志。

三峽堂

林巒十里上巉巖，飛檻初憑縹緲閒。夔子風煙依白帝，夜郎耕稼接烏蠻。砌橫亂石遙臨澗，門對高峯近帶山。咫尺驚湍吁莫測，每來登此念鄉關。

白帝城

江雨霏霏白帝城，秋草未枯春草生。古來獸壘如雲橫，萬里瞿塘斷人行。至今三峽路嶢嶢，時清不見更屯兵。荒涼廢堞沒春耕，但見牛羊日西平。以上四川總志。

宋 京

京成都人，崇寧進士。

琴臺蜀事補亡

君不見成都郭西有琴臺，長卿遺跡埋黃埃。千年免爲狐兔窟，化作佛廟空崔嵬。黃鬚老人猶記得，昔時

荒破樵蘇入。鉏犂畏淺牛脚勻。古甕耕開數逾十。乃知昔人用意深。甕下取聲元爲琴。人琴不見甕已掘。唯有烏雀來悲吟。一朝風流隨手盡。況復千年何所訊。安得雄辭弔汝魂。寂寞秋蕪耿寒燐。

武擔

君不見蜀王妃子墓突兀。成都城。中若山積。墓頭寒鏡澀無光。妒月欺煙化爲石。鴻荒無根憑野史。直謂山妖化妃子。臨終未免懷首丘。運土山中葬于此。山名武擔錦江邊。用是得名千萬年。如今佛閣倚空翠。老木盤鬱摩蒼天。晴雲入穴西山出。捲簾坐見嵐光滴。安得文如汲冢書。免使後人疑往昔。以上成都文類

徐通

通。閩人。崇寧中特奏名。仕至朝官。知廣德軍。

瓊林宴罷作

白髮青衫晚得官。瓊林宴罷酒腸寬。平康過盡無人問。留得宮花醒後看。

墨莊漫錄。崇寧二年。徐爲特奏名魁。時已老矣。赴開喜。賜宴于瓊林苑。歸騎過平康。同年所簪花。多爲羣倡所求。唯通至寓。花乃獨存。因戲題一絕。

蔣存仁

存仁。崇寧間青田人。

題八角亭。在青田縣南。陳安撫汝錫建。

由來祇說四簷亭。今日先生八角成。最喜瀟瀟春夜雨。一簷分作兩簷聲。括蒼彙紀。

葛繁

繁、丹徒人。興祖子。號鶴林居士。崇寧閒臨穎主簿。守鎮江。

題雪竇和尚親書偈後

眞機昔振雲門路。祖席今多雪竇孫。傳到慧林花果盛。須知葉落總歸根。志雅堂雜鈔

王叡

叡、號靈穀子。崇寧閒人。

解昭君怨

莫怨工人醜畫身。莫嫌明主遣和親。當時不作闕氏去。祇是宮中一舞人。侯鯖錄

柳交

交、字成叔。崇寧丙戌爲袁州別駕。

題洪陽洞在袁州分宜縣

洞口春歸草木長。洞中流水薜蘿香。眞仙鶴馭今何處。應共白雲朝帝鄉。游名山記

侯彭老

立春

朝來煮菜往鞭牛。已覺江邊雪意休。習習東風收雨脚。暄暄曉日綻雲頭。尊前未放梅花老。鬢上先看柳帶柔。及取春花時一醉。莫教沈瘦更清秋。合璧事類前集

李夷行

夷行字炳大。崇寧間都水丞。出爲泗州守。入元祐黨籍。

題獨樂園見山臺臺側盡栽花卉

□□□□□□□□紛紛紅紫簇虛簷。山光不肯饒春色。故向花開出數尖。過庭錄。

潘良正

遊洞霄宮

石壇風冷露華凝。羣玉崢嶸簇畫屏。水赤久傳丹作井。山高時借翠爲庭。鶴迎仙馭迷三島。雲入洞天朝百靈。回首武陵歸去路。碧桃零落晚峯青。洞霄詩集。

江贊

贊字叔圭。崇安人。初舉八行。游上庠。學士蘇德輿薦其賢。召不赴。政和中。太史奏少微星見。朝命舉遺逸。三聘不起。賜號少微先生。有通鑑節要行于世。

和邑宰韻

一室蕭然傍水灣。應知窮達不相關。釣魚溪遠黃沙路。種粟原通白馬山。何事偶逢天子詔。疎才寧望齋夫綸。瑤篇總媿非吾事。自信巢由別有班。崇安縣志。

鄧春卿

春卿字榮伯。長汀人。崇寧間。詔舉遺逸八行。皆不就。

絕句

在陋媿無顏。子志過廬難稱魏公心。望塵不敢希潘岳。雲滿山頭雪滿簷。

萬姓統譜。鄧春卿卜築南山之阿。太

守章清訪之。謝不能肅。有詩云。

周彥質

彥質崇寧閒直祕閣。權發遣江東南路轉運副使。有宮詞。

宮詞

太一元宵駕幸初。喧闐絲管擁鑾輿。主家夾道金車駐。步障徐開奏起居。
文思主吏籍通閨。逐節供須各品題。知是禁園挑菜日。雕牀十扛進金篦。
翠弁仙衣下玉廊。修真宮女夜焚香。舒徐有月隨蓮步。綽約無人見靚妝。
名園蹴鞠稱春遊。近密宣呈技最優。當殿不教身背向。側巾飛出足跟毬。
端午茸花蔕彩鸞。高標寶鑑鏤金盤。不宜夏景銷酥腕。似覺新來百索寬。
資善諸王就傅初。常宣步輦按觀書。六宮準擬經由處。一一排門候起居。
十家宮詞。

陳虛中

虛中崇寧閒守臨川。

魏壇觀

夫人在兮若冰雪。夫人去兮仙跡滅。可怕如今學道人。羅裾帶上同心結。

復齋漫錄。臨川距城南一里。有觀曰魏壇。蓋魏夫人經遊之地。具諸顏魯公碑。以故諸女真嗣續不絕。然而守戒者鮮矣。陳守虛中云云。

陳恬

恬字叔易。堯叟裔孫。居陽翟澗上村。無仕宦意。崇觀閒。朝廷召之。郡守勸駕。不得已而起。建炎初。召赴行在。直祕閣。有澗上丈人集。

過庭錄。隸州陳恬叔易。以才名稱鄉里。自號澗上丈人。里人之子。從叔易學文。而好刷飾頭面。舉止妖嬈。目爲澗上丈母。

郡齋讀書志。陳恬與鮮于綽。崔鷗。齊名。號陽城三士。又與晁以道同。卜隱居于嵩山。大觀中。召赴闕。除校書郎。以道寄詩戲之曰。處士何人爲作牙。盡攜猿鶴到京華。故山巖壑應惆悵。六六峯前祇一家。

寄晁以道求嵩山長松

松上花兮松下根。食之年貌與松鄰。君今既是松閒客。采送衰翁亦可人。珊瑚鉤詩話。

題畫扇

萬里稻梁高興。誰將出入君懷。已訝天邊月上。更疑蘋末風來。聲畫集。

子規

暮春春已晚。不見子規飛。莫是無歸處。山禽不勸歸。後村千家詩。

謝葛汝州寧卿遺公庫酒肉薪米

不是故人供祿米。初非縣令給豬肝。養賢禮厚隆三簋。拜賜恩深豔一簋。韻語陽秋。

江暉

暉字彥明。永新人。喜作詩。事母極孝。崇觀閒。吉守以八行薦。不報。自號轅陽居士。

句

鬪草事空猶昨日。惜花心在又明年。獨醒雜志。

周子雍

子雍。汝陰人。學詩于陳無已。

句

風生閭闔春來早。月到蓬萊夜未中。

容齋四筆。大觀初。京師元夕張燈。時再復遼郡。徽宗賦詩賜羣臣云。午夜笙歌連海嶠。春風燈火過遼中。開封尹宋喬年不能詩。走介求援于其客周子雍。得句云云。爲時輩所稱。

曰。路按者。舊續聞作趙。

缺之子雍未知孰是。

王寘

寘字季達。泉州人。大觀初遊太學。時蔡京當國。寘與同舍生陳朝老上書攻之。坐遷。自訟齋十餘

年宣和中以特奏名補官。

絕句

耕田博飯未爲辱，爲米折腰真可憐。高臥北窗風颯至，更于何處覓神仙。泉州府志。

王安中

安中，字履道，陽曲人。第進士。政和中，自大名主簿累擢中書舍人、翰林學士承旨，出鎮燕山府。召除檢校太保、大名府尹兼北京留守、司公事。靖康初，貶象州，有初寮集。

周平園序：公年二十有七，遂某曾大父詩云：不論與汝小一月，政自容君數百人。專用吾宗公瑾伯仁事，精切渾成不類少作。

宣和七年十二月二十一日，就睿謨殿張燈，預賞元宵曲燕應制。井序

臣比蒙聖恩，召赴禁殿曲宴。其日垂拱奏事退，俟于睿謨外次。花巾絲履，進自東序。促武再拜，陛卽坐。席女樂數千，陳于殿庭南端。袍帶鮮澤，行綴嚴政。酒行歌啓，音節清亮。樂作舞入，聲度閑美。俱出于禁坊法部之右。于時臘雪新霽，風日妍暖。已作春意，御榻之前有寶檻，植千葉桃花。陛下指示羣臣曰：杪冬隆寒，花已盛開。于是皆頓首曰：陛下神聖，能回造化。草木實被生成之賜，乃先時呈瑞，以悅聖情。日旣中仄，甫畢初筵。有旨許登景龍樓，由穆清廉外閣道以東，升望良嶽。松竹蒼然，南視琳宮。雲煙絢爛，其北則清江長橋，宛若物外。都人百萬，遨遊樓下，歡聲四起。尤足以見太平豐盛之象。羣臣頌歎久之。旣久，復詔觀于穆清，遂侍宴于平成。萬炬層出，彌望不極。如星挂空，而光彩動搖于海雲濤波之上。戶

牖屏柱。茶牀燎爐。皆五色琉璃。綴以夜光火齊。照耀璀璨。從官環繞。則又都合宮。蕭臺崇樓傑閣。森羅布濩。臣心目震駭。莫有能測其機械制作之妙。已而陪從天步。至會寧殿。瓊鋪珠箔。合沓炳煥。其所陳則虞敦夏鼎。商盤紀甗。龍文夔首。雲雷科斗。真若遂古三代之物。陛下既于黼坐。親取寶器。酌酒臨勸。命宮婢奏細樂于前。玉食嘉果。南珍海錯。手自分賜。載色載笑。雍容無閒。羣臣飲德。莫不需醉。夜分乃散。歸路觀者如堵。他日稱謝。陛下申諭一二輔臣。俾作詩以記。而臣安中預焉。臣猥以凡才。蒙陛下親擢備位政府。未曾閱月。有此非常之遇。形容頌實。雖無詔旨。猶當自效。惟是鈞天帝所。昔人夢寐。或有形開而悟。想像莫及。而臣今者。身歷邃嚴。目擊奇勝。顧嘗以文字誤被聖獎。且面命之。其榮至矣。序見清波雜志。

上帝通明闕。神霄廣愛天。九光環日月。五色麗雲煙。紫氣開三極。瓊瑤列萬仙。希夷塵境斷。髣髴玉經傳。妙道逢昌運。眞王撫契賢。龜圖規大壯。龍位正純乾。穹昊親無閒。皇居掇自然。剛風同變化。祥氣共陶甄。層觀星潢上。重闈斗柄邊。摩空七雉峻。冠嶠六龍連。夢想何曾到。階升信有緣。听朝初放仗。密宴忽聞宣。清禁來鳴佩。脩廊入並肩。獸鋪金牛闔。鸞陣繡微褰。霽景留庭砌。雷文繪栢樞。宮簾波錦漾。殿榜字金填。花擁巍巍座。香浮秩秩筵。嵩呼稱萬億。詔奏侍三千。華歲推堯歷。元璣候舜璿。冰霜知臘後。梅柳認春前。造化應呈巧。芳菲已鬪妍。樛枝彫檻小。多葉露桃鮮。錯落飛杯舛。鏘洋雜管弦。承雲歌歷歷。回雪舞翩翩。黼幄祥氛合。銅壺永漏延。鎬京方置醴。義馭自停鞭。乃聖情深渥。諸臣意更虔。宗藩親魯衛。相苦拱闕顛。側弁恩光浹。中觴詔蹕旋。寶薰攜滿袖。御果得加籩。要賞嬉遊盛。俄追步武遙。騰身複道表。送日夾城曠。

仰揖蒼龍象。旁臨艮嶽巔。謳歌紛廣陌。簫鼓樂豐年。赫奕攢輕幟。珍奇集市鄜。博盧多袒跣。飲肆競踟躕。
蕃衍開朱邸。崔嵬照彩椽。橋虹灣蠹蠹。江練泮濺濺。擊柝周廬晚。張燈別院先。餘霞搖綺暈。列宿舍珠躔。
浩蕩三山島。棱層十丈蓮。再趨天北極。卻立榻東偏。既用家人禮。仍占聖製篇。兕觥從酩酊。蟾魄待嬋娟。
轉眄隨親指。環觀得縱穿。曲屏江浪蹙。巨柱赤蚪纏。光透垂枝井。晶銜帶壁錢。蕭臺千級峻。重屋八窗全。
就席花墜市。行樽紫袖揎。交輝方燦燦。起立復闐闐。邃宇會寧過。中宵勝賞專。鋪陳尤有韻。清雅不相沿。
戶箔明珠串。欄釭水碧捲。規模商虜鑄。款識魯壺鐫。秦曲移箏柱。唐妝儼鬢蟬。窄襟珠綴領。高朵翠爲鈿。
喜氣排寒沍。輕颺洗靜便。層琳藉璣組。方鼎炷龍涎。瑪瑙供盤大。玻璃琢瑣圓。暖金傾小榼。屑玉釀新泉。
帝子天才異。英姿棗蓀聯。頻看揮斗筥。端是吸鯨川。推食俱均逮。攘餐及墜捐。海螯初破殼。江柱乍離淵。
寧數披緜雀。休論縮項鱸。南珍誇釘餛。北饌厭烹煎。賜橋懷賴卵。醅顏酬寶船。言歸荷慈惠。末節笑拘攣。
放鑰嚴扃啓。籠紗逸足牽。冰輪挂銀漢。夜色映華韉。人識重熙象。功參獨斷權。五辰今不忒。六氣永無愆。
天紀承三古。時雍變八埏。比閭增版籍。疆場罷戈鋌。文軌包夷夏。弦歌徧幅員。恢儒榮藻薦。作士極魚鳶。
慶冑貽謀顯。多男景福緜。迓衡常穆穆。遵路益平平。亭障今踰隴。耕耘久際燕。信通鵬海漲。威竄犬戎羶。
東擬封雲岱。西將款澗瀍。琳科宣藥笈。玉府下雲駟。帝籍勤初播。宮蠶長自眠。繭絲登六寢。稔米秀中田。
廟鶴垂昭格。壇光監吉蠲。靈芝滋菌蠢。甘醴湧潺湲。合教虬風革。頒經衆疾痊。雨隨親禱降。河避上流遷。
執契皇猷洽。披圖福物駢。太和輸橐籥。妙用絕蹄筌。此際君臣悅。應先簡冊編。雅稱魚罩罩。頌述鼓咽咽。
詎比千齡遇。猶聞四始箋。羈臣起韋布。陋質媿鶩鉛。驟俾陪機政。由來出眷憐。恩方拜綸綍。報未效塵涓。

密席叨臨勸。凡蹤第曲拳。雖無三峽水。曾步八花甄。滃望知難稱。才慳合勉旃。鈞天思盡賦。賸續白雲牋。
揮塵後錄。

宋史本傳。徽宗嘗宴睿謨殿。命安中賦詩百韻。以紀其事。詩成賞歎不已。令大書于殿屏。凡侍臣皆以副本賜之。

立春帖子

彤霞霽霧繞觚棱。樓雪融銀滴半層。別曉擬開延福宴。夾城先試景龍燈。皇帝閣。
玉燕翩翩入鬢雲。花風初掠縷金裙。神霄宮裏驂鸞侶。來侍長生大帝君。妃嬪閣。二首政和七年進。

幼老春秋。王安中以文章有時名。交結蔡攸。攸善之。引入禁中。太上賜燕。飲半酣。是時鄭妃有寵。猶未正中宮。上出之。鄭氏簪玉花。上有雙飛玉燕。攸謂安中曰。豈可無詩。安中卽作詩進之。太上天喜。

藥笈琅函受祕文。清虛道合玉晨君。瑤臺夜靜朝眞久。金屋春寒閱籙勤。皇后閣。
曠曠曉日上金鋪。的皪春冰泮玉壺。繡戶綠窻塵不到。凝酥點就輞川圖。妃嬪閣。二首重和二年進。

墨莊漫錄云。不唯才思

清麗。皆紀當時事也。

題王維畫嘉陵江山圖

江山已暗大同殿。絲管猶喧凝碧池。別寫嘉陵三百里。右丞心事與誰知。

過庭錄。明皇幸蜀。過嘉陵。愛其江山。命吳道子

圖于大同殿壁。王維復畫小簇。履道詩云云。

王摩詰釣魚圖

我本江湖人。市朝豈無心。偶然墮世網。如鳥思長林。交親豈不多。之子德我深。賜沐有餘閑。一馬如相尋。茅亭容膝耳。九衢可窺臨。挂壁出古圖。驚笑靡自任。筆墨羸可識。佳處疑非今。佳哉王摩詰。風味我所欽。自狀釣車圖。葦閒相挈音。有如漢陂遊。一杜挾兩岑。坐令黃塵中。思落清江潯。秦子詩思古。清新閒雄沈。示我五字句。月杵鳴秋砧。回杯勸摩詰。對畫手自斟。我賞子高趣。子聆我微忱。譬如影與形。妙在同一陰。我時坐其旁。清風溢幽衿。歸來步長廊。缺月戶半侵。丹鳥已過草。齒頰猶哦吟。煩公有聲畫。相我無弦琴。

次秦夷行觀老杜畫像韻

寒拆天吳圖。飢糴太倉粟。拾遺官在朝。何異老林麓。英風想廉蘭。妙手傳顧陸。蒙茸頭傾冠。駸駸鏡脫足。熊兒與阿段。左右相扶逐。生平經綸具。悵望青蒲伏。窮塗付麴蘖。放意謝羈束。草堂幸無事。君騎時見辱。清吟動香罌。逸豔驚魚目。顧茲神明意。豈易丹青卜。當時腰長鏡。憔悴十指禿。聲名乾坤破。生事歲月促。但聞列仙臞。豈見肉食墨。企予攀逸駕。短步羞匍匐。不能師廣袖。乃爾好奇服。嗜詩得雋永。徐味自當肉。不知寢公貴。顧謂何郎俗。窮通等夢幻。思慮自振觸。苦吟祇效尤。呼醜進蟻綠。

祁陽成逸畫浯溪圖相示爲作長句

少文閱世老不出。自畫雲山滿牆壁。澄懷觀道追所歷。坐覺琴聲隱金石。我亦七年湖外客。夢中猶汎湘江碧。浯溪之圖喜新得。身臥嶺南心嶺北。憶嘗留語溪邊僧。異時人讀唐中興。說與此乃秦典刑。三句入韻之罟銘。今欲復作誰可令。似有元結無真卿。風煙慘淡萬古情。不如且尋畫隱成。以上聲畫集

象州上元

二年白玉堂揮翰供帖子。風生起草臺。墨點澄心紙。三年文昌省。拜賜近尺咫。紅蓼盼御盤。金幡曷宮葉。晚爲日南客。環堵隱烏几。朝來聞擊鼓。土牛出城市。幽懷不自閑。欲逐春事起。安得五畝園。種蔬引江水。
清波雜志

句

後人誰促漁陽戰。舊守猶遷象郡來。
初到象州 中興遺史

馮熙載

熙載字彥爲。衢州西安人。大觀元年進士。宣和間。由尙書左丞遷中書侍郎。出知亳州。提舉洞霄宮。卒。諡文節。

宣和七年十二月二十一日。就睿謨殿張燈。預賞元宵曲燕應制。

化工欲放陽春到。先教元冥戮衰草。凝冰封地萬木僵。誰向雪中探天巧。璿璣星回斗指寅。羣芳未知時已春。人心蕩漾趁佳節。燈夕獨冠年華新。昇平萬里同文軌。井邑相連通四裔。蘭膏競吐夜烘春。和叔回車避義轡。巍巍九禁倚天開。溫風更覺先春來。試燈不用雨花俗。迎陽爲卻寒崔嵬。宣和初載元冬尾。瑞白纔消塵不起。穆清先賞屬欽鄰。錦繡雲龍頒宴喜。初聞傳詔開睿謨。步障幾里承金鋪。調音度曲三千女。正似廣樂陳清都。遏雲妙唱韓娥侶。回雪飛花稱獨步。千春蟠木效紅英。獻壽當筵豈金母。上林晚色煙靄輕。景龍遊人歡笑聲。霞裾月佩擁仙仗。翠鳳挾輦趨平成。銅華金掌散晶彩。翠碧重重蒨珠璣。先從

前殿望脩廊。日出綺霞紅滿海。神光通透雲母屏。驪龍出舞波濤驚。煌煌黼座承天命。座下錯落如明星。湯前玉案着核旅。獸炭銀爐夜初鼓。憲天重屋訝雲屯。崇道簫臺疑唇吐。前楹火柱回萬牛。蘭卿壁碎光色浮。周圍照耀眼界徹。冰壺漾月生珠流。點點金錢盡銜壁。豹髓騰輝粲銀礫。絲篔人籟有機緘。皦繹清音傳屋壁。須臾隨蹕登會寧。如驂鸞鶴遊紫清。彩蟾倒影上浮空。纖雲不點惟光明。四壁垂簾玉非玉。銀缸吐豔相連屬。擘楣橫帶碧玻璃。一朵翠雲承日穀。萬光閃爍爭吐吞。燭龍銜耀輝西崑。又如電母神鞭馳。金蛇著壁不可捫。端信奇工通造化。豈比胡人能幻假。丹青漫數顧虎頭。盤礴解衣未容寫。此時帝御鈞天臺。紫垣兩兩明三台。尙方飲器萬金寶。古玉未足誇雲雷。帝傍侍女雲華品。玉立仙標及時韻。四音促柱泛箏簫。應有翔鸞落千仞。龍瓶瀉酒如流泉。御廚絡繹紛珍鮮。榻邊爭欲供天笑。快倒頗類虹吸川。厭厭夜飲方歡洽。玉漏頻催鼓三疊。金門初下醉歸時。正見冰輪上城堞。微臣去歲陪清班。惡詩誤辱重瞳觀。小才易窮真鼠技。再賦愈覺相如慳。詩話總龜

王漢

漢太常博士知潮州。

題湖山立石

如碑卓水濱。磊落未名聞。薛駁瓊姿出。蝸行篆字分。器渾猶抱璞。勢迴已凌雲。幸免隨金鍛。寧憂與玉焚。螭形徒岌岌。鳥跡欠云云。若使昌黎見。應攜逐鱗文。潮中雜記

宋詩紀事卷三十八

錢唐 厲鶚 緝

欽 汪玉樞 勘定

毛友

友初名友龍，字達可，三衢人。大觀元年進士，政和間由翰林學士禮部尚書出守鄉郡，有爛柯集。
寄顯之太尉使燕山

三年淮海靜妖氛，老上龍庭又勒勳。塞外爭看真太尉，行閒猶識舊將軍。塵清漠北烽煙斷，風落山前號令聞。預想歸時如定遠，爭持白玉上青雲。合璧事類前集

盧襄

襄，三衢人，舊名天驥，字駿元，徽宗朝避天字，改名襄，字贊元。大觀元年進士，政和六年以朝散郎出爲浙東提刑，捕盜入剡，靖康閒拜吏部侍郎，推冊張邦昌，建炎初安置衡州。

庚溪詩話贊元詩篇極多，向嘗得其數十首，皆清拔可喜，後因兵火失之。尙記其贈鼓琴者曰：試將鍾子山水意，一洗退之冰炭腸，恨失其全篇。

遊南巖山

不著烏紗只岸巾，尋山還得愛山人。半空飛雨侵衣潤，入座晴嵐照眼新。風過松杉猶蘊藉，雪消巖壑更

精神。何時亦把任公釣。坐釣日東橫海鱗。

剡溪

愁呵龜手冷搖鞭。乘興來登訪戴船。解事篙師小鳴櫓。恐驚寒雁入晴天。

隱天閣

在嵊縣下鹿苑寺

欲結愛山人。共了尋山債。未有買山錢。愁聞有山賣。
小雨溼春風。倦雲遮落日。不若叫風來。吹雲放山出。
一眼吞萬山。寸心貯千里。何日上歸舟。教人問春水。
殘雪領春來。疎鐘驚夢去。尙憶去年愁。孤舟繫江樹。

瑞香花

入夢生香酒力微。不須金鴨裊孤馡。爲嫌淡白非真色。故著仙家紫道衣。

登玉虹亭

在下鹿苑寺

飢甕愁糶號窮冬。層巒秀壁撐晴空。閑拖老藤借餘力。來看霜巖飛怒虹。
小奚催呼老款段。淪鼎篝火烹團龍。餘甘入口齒頰爽。兩腋便欲生清風。悠然千里隨眼界。金篦刮膜開雙瞳。
乃知足力不到處。別有天。地生壺中。國恩欲報已華髮。征車未去先晨鐘。玉川乘雲紫皇家。謫仙騎鯨河伯宮。
聊追二子歸禹穴。碧空轉首山重重。

遊定林寺

寒旌隱隱入花村。小雨初收水帶昏。不憚山城尋寺去。只將詩思與僧論。菱侵水步深藏艇。柳暗人家半掩門。莫厭禪居蕭冷甚。此來一爲訪溪蓀。

上鹿苑寺

鷲峯遊屐少。我獨往多時。僧護翻經石。猿攀嘯月枝。地寒春到晚。山遠夢歸遲。尚被浮雲誤。吾心信白癡。
以上刻錄。

途中書懷寄奉化知縣

自戴淵明漉酒巾。食鮭甘作庾郎貧。雖無殘菊簪華髮。賴有青山似故人。幾處鷓鴣牛背雨。經年衣犯馬蹄塵。待攜神武朝衫去。還我煙溪漱石身。乾道四明圖經。

春興

雪花初著鴛鴦瓦。疊嶂疎林入圖畫。春工不作兩樣心。盡遣根芽赴陶冶。我昔年少曾買春。著盡榆錢不多價。春應索價來覓人。客氣今猶不相下。待領春風歸去家。家山卻有療愁花。鄰公大段作春計。小圃栽花今數世。但憎赤脚婢惱人。要逐丫鬟同拾翠。合璧事類前集。

窗外梅花

已消殘雪豆稽灰。斜壓疎籬一半開。雖我故園無分看。問渠春色幾時來。冷香漸欲熏詩夢。落葉猶能韻砌臺。定復水邊多屐齒。試令長鬢視蒼苔。

瀛奎律髓詩見

曾慥百家選

醅醢花九言

天將花王國豔殿春色。醅醢洗妝素頰相追陪。絕勝濃英綴枝不韻李。堪友橫斜照水攙先梅。瑤池董雙
成浴香肌露。竹林嵇叔夜醉玉山頽。風流何事不入錦囊句。清和天氣直挽青陽回。詩話補遺

桐君祠作招仙詞

桐君歸來兮。仙馭遠遊將何之。寧不欲朝玉京兮。升紫微。戴日月之冠兮。披紫霞之衣。佩蒼精之龍兮。餐
玉田之芝。友王喬與蕭史兮。儼霓旌玉佩而葳蕤。何如歸來。猿鶴慘兮。怨空山。澗壑寂兮。松桂閑。胡不拂
袖煙幌兮。開雲關。藉芳草兮。歌幽蘭。庶乎遊山之人可以往還。

招隱

有玉人兮山之隅。騎蒼龍兮歌步虛。薜荔衣兮女羅裾。餐瓊藥兮披玉書。朝玉皇兮遊上都。擗麟脯兮邀
麻姑。胡不捨此而來兮。吾與俱。以上宋藝圃集

宇文虛中

虛中字叔通。益州廣都人。大觀二年進士。建炎初。以資政殿學士充祈請使。留金爲翰林學士。紹
興中。謀劫金主事泄。全家皆死。淳熙初。贈開府儀同三司。諡肅愍。

在金日作三首

滿腹詩書漫古今。頻年流落易傷心。南冠終日囚軍府。北雁何時到上林。開口摧頽空抱朴。脅肩奔走尙腰金。莫邪利劍今安在。不斬姦邪恨最深。
遙夜沈沈滿幙霜。有時歸夢到家鄉。傳聞已築西河館。自許能肥北海羊。回首兩朝俱草莽。馳心萬里絕農桑。人生一死渾閑事。裂背穿胸不汝忘。
不堪垂老尙蹉跎。有口無辭可奈何。強食小兒猶解事。學妝嬌女最憐他。故衾媿見霑秋雨。短褐寧忘拆海波。倚杖循環如可待。未愁來日苦無多。

北窗炙輿云。宇文虛中在金作三詩。所謂人生一死渾閑事云云。豈李陵所謂欲一效范蠡曹沫之事。後虛中仕金爲國師。遂得其柄。令南北講和。大母獲歸。往往皆其力也。近傳明年八月間。果欲行范蠡曹沫事。欲挾淵聖以歸。前五日爲人告變。虛中覺有警。急發兵直至金主帳下。金主幾不能脫。遂爲所擒。嗚呼痛哉。實紹興乙丑也。審如是。始不負太學讀書耳。

吳敏

敏字元中。真州人。大觀二年。辟雍私試首選。擢浙東學事司幹官。蔡京薦充館職。欽宗卽位。知樞密院事。拜少宰。謫涪州安置。紹興初。復爲廣西宣撫使卒。

三朝北盟會編。吳敏儀真人。妙齡秀發。政和初。上庠試書義有聲。蔡京愛其丰韻粹美。欲以女妻之。元中辭焉。釋褐授浙東學事司幹官。除館職。擢記注。西掖時年二十七。玉立鸞鷲行中。一時歆豔。敏有侍兒曰遠山。美姿色。通文理。敏每爲文。使供筆硯之役。一日有訪敏者。敏方據案運筆。遠山者方磨墨拂紙。時服其風流如此。

題山光寺壁上墨竹

綠髮青衫舊竹君。墨卿揮拂更清新。斷枝活葉風蕭瑟。想見凌雲百尺身。盤畫集。

句

醉中擲筆金鑾殿。睡起鳴笳鐵壘城。贈王達可自翰苑出知鎮江。書齋續聞。先生古人風。文字祖西漢。不令萬
錢食。亦合五花判。贈吳正仲。茗溪漁隱叢話。

李邦彥

邦彥字士美。懷州人。大觀二年釋褐第一。宣和中。累遷尚書左丞。拜少宰。靖康初。特進太宰門下
侍郎兼神霄宮使。建炎初。責溇州安置。

三朝北盟會編。邦彥性俊爽。喜聞閭鄙猥事。自號爲李浪子。每以市井鄙俚之語。綴成小詞。
喧傳里巷。邦彥嘗自言。賞盡天下花。踢盡天下毬。作盡天下官。都人亦呼之爲浪子宰相。

黃陵廟

蒼梧杳靄迷遐躅。晚雲愁入修眉綠。薰風不動五弦空。清血斑斑在山竹。長沙府志。

劉才邵

才邵字美中。廬陵人。大觀二年上舍釋褐。宣和閒。仕至尚書。有櫛溪居士集。

紀夢

北風吹雲肅天宇。薰帳寒生月當戶。頽然就枕睡思濃。夢魂悠悠迷處所。仙君勝士肯見臨。促席從容款

陪語。自言本事清靈君。學佛求仙兩無阻。雲輶白日降瑤空。天衣飄飄袖輕舉。方諸宮深雲海闊。金碧禪房隔煙雨。與君初有香火緣。聊復東來相勞苦。方遊崑閩還無期。君住世閒須善爲。塵勞足厭何足厭。等是實相夫何疑。前身似是塵外人。端爲世緣縻此身。重聞妙語發深省。若更離塵佛亦塵。方平羽節何時來。道宮佛殿隨塵埃。未須苦說揚塵事。東海波聲政似雷。

獨醒雜志。劉尙書美中嘗夜夢與一方士談禪。往復辨論宗乘中事甚詳。因問之曰。仙家亦談佛耶。方士曰。仙佛雖二理豈有二哉。美中旣寤頗異其事。遂紀以詩。詩中皆其閒問答之語。

夜度娘歌

菱花爛爛垂鸞結。嬾學宮妝勻膩雪。風吹涼鬢影蕭蕭。一抹疎雲對斜月。詩話補遺。

賈安宅

安宅字居仁。烏程人。收之從孫。大觀三年進士第一。累遷戶部侍郎。建炎初爲給事中。

茗溪

廣茗山下有深源。發此清流去不渾。直抵太湖三百里。滔滔分入海天門。湖州府志。

王珩

珩字彥楚。鄞人。說之子。大觀三年進士。官宗正少卿。

夢中作

杖屨步斜暉。煙村景物宜。溪深水馬健。霜重橘奴肥。春罷雞爭黍。人行犬吠籬。可憐田舍子。理亂不曾知。

四溪叢話

和潘良貴題明州三江亭韻

潘郎未覺鬢毛侵。佳致乘閑得得尋。古岸渺茫分遠渡。飛甍虛敞快人心。融樽想見頻頽玉。季諾由來雅勝金。野老固慚東閣客。何妨同作醉翁吟。延祐四明志

倪濤

濤字巨濟。永嘉人。徙居廣德軍。大觀三年進士。歷左司員外郎。貶監朝城縣酒稅。有玉谿集。

偶訪吉甫畫三蠅壁閒。吉甫有詩次韻。

何人刻蠅猴。老眼覷荆棘。不如丹青手。快意風雨疾。我窮坐詩豪。九鼎扛筆力。偶然一點污。著紙生羽翼。千言走蚍蜉。寧爲寸紙逼。還當寫君詩。什襲同藏篋。畫繼

次韻毛達可給事秋懷念歸

結茅遠人村。破屋水半扉。涼葉墮清響。空山轉斜暉。微官臥江漢。素心久依依。十年天涯秋。搖落幾芳菲。馬蹄歲月去。夢蝶東南飛。平生丘壑志。有言輒乖違。不如孤征鴻。春風自知歸。宋文鑑

七夕

玉殿凭肩共語時。風清月墜有誰知。梧桐秋雨三山遠。始信生前有別離。錦繡萬花谷

章夏

夏字彥明。寧國人。大觀三年進士。歷潭州通判。有湘潭集。

夕陽洞

暖憑磴蘚坐。蔭覓喬松倚。一詣雲屋深。援鶴頗相喜。霜髯白紛紛。謂我作黃綺。

碧雲洞

褰裳踏寒流。路險仰復偃。崖根乳積雪。石脈泉溜雨。融結知何年。人閒閱今古。以上寧國府志。

余安行

安行字勉仲。德興人。累舉不第。以經學稱。有石月老人集。

龍游舟中遇立冬

大觀戊子。同應求至京口。予赴試南京。

挂帆朝發龍游浦。天寒正下瀟瀟雨。聞道人閒今日冬。連檣處處歡相語。我今與汝共孤舟。寂寞舟中任水流。人生自適乃爲樂。莫把閑腸生寸愁。古今歲時雜詠。

張正己

上元口號

繡車簫鼓動香街。鐵鎖龜城度曉開。仙鳳傳香留蜀國。夜龍銜燭上蓬萊。月如流水隨天遠。人似天桃出洞來。無限風光追不盡。只驚信馬到瑤臺。古今歲時雜詠。

白子儀

暑伏偶書呈端祖抑之

歲時三伏每相乘。雨汗居人困不勝。況是五弦均長養。何須六幕苦炎蒸。中乾願沃仙盤露。上賜堪加凌

室冰安得天風吹煩溽釋然羣動返清澄古今歲時雜詠

楊齊

寒食野外

寒食人家事踏青偶驅羸馬出郊坰禽聲喚雨嬌相詫天色和春困不醒芳草碧來絲作毯好花紅處錦爲屏回頭盡角江城晚人倚鞦韆月半庭古今歲時雜詠

孫觀

觀字仲益晉陵人大觀三年進士政和四年中詞科高宗朝仕至戶部尙書提舉鴻慶宮有鴻慶集

韻語陽秋東坡歸宜典道由無錫洛社嘗至孫仲益家時仲益年在髫髻坡曰孺子習何藝孫曰學屬對坡曰衡門稚子瑤瑤器孫應聲曰翰苑仙人錦繡腸坡撫其背曰真瑤瑤器也異日不凡

呂本中痛定錄前此上在青城齋宮無聊何稟奏宜賦詩以遣興乃以孫觀汪藻應制上詩用時字韻觀詩曰噫臍有媿平燕日嘗膽無忘在莒時藻詩曰處帳夢回驚日處都城心切望雲時有以此達帥曾因據此爲名遂遲留車駕

楓橋三絕

白首重來一夢中青山不改舊時容烏啼月落橋邊寺鼓枕猶聞半夜鐘
翠木蒼藤一兩家門依老柳抱溪斜古城流水參差是不見吳都舊日花
三年瘴海臥炎宵夢隔青楓一水遙萬里歸來悲故物銅駝埋沒草齊腰

宜春臺

聞說宜春好，層臺試一登。隴泉悲瑟瑟，松雪見層層。孤絕煙中寺，微茫樹下僧。詩工傳寫妙，不數畫師能。

棲霞洞

飛仙巢三山，弱水環四溟。誰知黃茅嶺，自有白玉京。獨曳一枝筇，梯空上青冥。蟾飛墮八桂，石隕化七星。幽幽炬火然，異狀不可名。垂天紫雲蓋，插地翠羽屏。已無俗士駕，尙有遷客經。敢言居夷陋，妙絕冠平生。

龍隱巖

跳波觸石喧，古木抱崖擁。老蛟厭泥蟠，一笑作潭洞。孤峯起巖崖，哀壑浩呼洶。腥風噤醜淫，凍雨落毛毳。凜凜白晝寒，瘴髮立盡聳。旱氣曛日黃，縮爪但陰拱。悠然四大海，斂此一毛孔。安得化爲霖，薰葉有光寵。

以上鴻慶集

題洞庭山觀音院德雲堂

千丈銀山屹嵩華，浪湧雲屯天一罅。榜舟夜並龍窟窟，杖藜曉入雞豚社。處處人家橘柚垂，竹籬茅屋青黃亞。牛羊出沒怪石走，蛟龍起伏蒼藤挂。樓殿青紅隱半山，兩腋清風策高駕。飢鼠窺燈燈佛帳，寒華鯨吼粥僧趺下。世味久諳真嚼蠟，老境得閑如噉蔗。山靈知我欲歸耕，一夜築垣應繞舍。

吳郡志

胡舜陟

舜陟字汝明，自號三山老人，績溪人。大觀三年進士，高宗朝歷官徽猷閣待制，廣西經略使，封績溪伯。忤秦檜死於獄，有集。

泛歛溪用老杜詩青惜峯巒過爲韻

港淨千尋碧。峯回兩岸青。鷺飛煙漠漠。猿嘯雨冥冥。雞犬聞聲地。雲霞蔽隱扃。桃源疑此是。時復問漁舡。溪山美有餘。自古神仙宅。建室隱宣平。題詩來李白。至今負薪人。聞是餐霞客。不向此尋真。飄蓬端可惜。萬山回合處。蔥鬱釣臺峯。道義高千古。簞瓢敵萬鍾。羊裘甘寂寞。鳳闕宥從容。勿謂狂奴態。清風激懦庸。草水紛紛落。江山正薄寒。雲藏桐子宅。波急沈郎灘。回首家林遠。多愁革帶寬。青楓知客恨。塗血點林巒。觀山如走馬。倏忽千尋過。水從雲際來。舟疑天上坐。羈旅援失羣。往復蟻旋磨。五韻寫中腸。悲詞成楚些。

蒼溪漁隱叢話。先君平日尤喜作詩。手校老杜集。所正舛誤甚多。句法暮年深得其意味。

秉燭賞梅花

蠟煙青繞雪培堆。神女疑乘香霧來。綽約仙姿明醉眼。橫斜疎影入尊罍。

題秋香亭

騷人足奇思。香草比君子。況此霜下傑。清芬絕蘭茝。氣稟金行秀。德備黃中美。古來鶴髮翁。餐英飲其水。但恐蓬蒿傷。課童加料理。

蒼溪漁隱叢話。菊以黃爲正。此朱遜之之語。東坡印可作詩贈之。有識真似淵明之句。余頃歲居泗上。假館官舍。

小圃中有一亭。勝曰秋香。環植以黃菊。別無他物。必好事者。原東坡之意而作之也。先君題詩云云。附錄于此。

含桃紅紫鶯聲老。宿麥青黃燕子飛。蒼溪漁隱叢話

左譽

譽字與言。天台人。大觀三年進士。仕終湖州通判。

玉照新志。左與言。天台名士也。錢唐幕府。樂籍有名姝張穰者。色藝妙天下。君頗顧之。如盈盈秋水。淡淡春山。及帷雲翦水。滴粉搓酥。皆爲穰作。當時都人有曉風殘月柳三變。滴粉搓酥。左與言之對。似擾之後。穰委身于立勳大將家。易姓章。疏封大國。紹興中。覓官行闕。暇日訪西湖。兩山閒。忽逢車輿甚盛。中視一麗人。襄簾顧君而翠曰。如今若把菱花照。猶恐相逢是夢中。視之乃穰也。君醒然悟入。卽拂衣東渡。一意空門。

洞霄宮

青山九鎖溪迴縈。擎天一柱何崢嶸。上同天目暎寥廓。下開大滌通滄溟。晉唐人物久寂寞。天台石室蒼苔生。虛皇臺高步虛冷。仙科玉音神所聽。自憐學道二十年。此心久與青山盟。謁來奉祠此山下。媿無妙句如丹青。木公金母吾未識。且待松根生茯苓。洞霄詩集

晏敦復

敦復字景初。殊曾孫。大觀三年進士。高宗朝。累官權吏部尙書兼江淮等路經制使。以寶文閣學士出知衢州。提舉亳州明道宮。封臨淄侯。卒。

題梵隱院方丈梅在定海縣

亞檻傾簷一古梅。幾番有意喚春回。吹香自許仙人下。照影還容高士來。月射寒光侵闌戶。風搖翠色鎖

階苔遊蜂野蝶休相顧。本性由來不染埃。寧波府志。

沈汝諧

汝諧，杭州人。大觀三年進士官金部。

臨平山

山勢分明飲水駝。孤峯西轉鬱嵯峨。不須探問山童藥。且揖朝來爽氣多。咸淳臨安志。

李彌遜

彌遜，字似之，連江人。居吳縣。大觀三年進士。高宗朝，試中書舍人，再試戶部侍郎，以爭和議忤秦檜，乞歸田。隱連江西山，有筠溪集。

樓大防序云：公以力闢和議，歸隱西山，凡十

六年，不復有仕宦意。詠詩自娛，筆力愈偉。

宿觀妙堂遇雨，既度復回，一日竟遊九曲而行。賦詩二首。堂在武夷山沖佑觀。

人閒何地寄衰翁。偶到神仙一葦中。可是仙居謝逋客。船頭無處避剛風。
授口回舟未忍移。淨坊聽雨坐題詩。餘齡儻有尋真路。試與披雲問鳳兒。

朱子跋云：觀妙堂東楹李公侍郎遺墨，語意清婉，字畫端勁，至其下輒諷玩不能去。然歲久剝裂，又適當供帳處，後十數年當不復可讀矣。別爲模刻授道士，使置壁閒。庶幾來者得以想見前輩風度。李公諱某，時以力抵和議，出守臨漳云。慶元乙卯

正月新安朱

某謹奉書

次韻仲輔山中之作

崖陰坐清暝。目爲山光注。妙意不可名。悠然與心晤。疎泉石中鳴。落葉衣上住。冷風起虛籟。還向無中去。三生聽鐘魚。偶失來時步。佛屋倚秋風。團團兩桂樹。卻疑此境中。曾是經行處。

同天隱少章遊嵩山懷元明

秦公我輩士。早踏翰墨場。萬言若投石。十年猶枯囊。苦欲泛江海。有親在高堂。牢落京華春。門無一壺漿。長鞭策瘦馬。送我古道傍。憐我值險艱。赤心寫摧傷。鏗鏘五字句。勢與鵬鸞翔。感此坐矯首。星星鬢成蒼。西風小搖落。雨洗煙嵐光。嶂晚露孤秀。野陰棲暗芳。更攜鮑謝流。履盡千巖霜。搜奇得幽深。訪古到森茫。月落潭影空。清吟殊未央。緬懷紫芝宇。百憂繞迴腸。三歎已哺食。十起中夜牀。雲埋長安日。魂夢不敢曠。茂苑富山水。結廬余所嘗。我欲放船下。卜鄰俯滄浪。耦耕種秫田。共掃三徑荒。頭白青山裏。長歌樂歲觴。

題趙幹江行初雪圖

瓜步西頭水拍天。白鷗波上寄長年。箇中認得江南手。十里黃蘆雪打船。

自大寧泛舟還涇川

岸梢濃染一溪青。山影歸舟落葉輕。欲學漁郎颺綸手。雨蓑月笛了平生。以上均溪集。

李元亮

元亮字光祿。建昌人。山房公擇尙書族子。大觀中以牋啓爲蔡薳所賞。登貢士科。

句

人閑知晝永。花落見春深。朝雨未休還暮雨。臘寒纔過又春寒。容齋三筆。

趙企

企字循道。大觀閒。宰績溪。重和初台州倅。

高齋詩話。趙企循道以長短句得名。所爲詩亦工。恨不多見。嘗記其警句云。愁從竹葉杯中去。老向菱花鏡裏來。幾夜已生蝴蝶夢。三生辜負鷓鴣斑。青銅不覽一兩日。白髮已添三四莖。

君漢漁隱叢話。循道宰予桑梓之邦。因此傳錄得循道詩多。大率體格全學白樂天。故句語皆平易。如青燈影冷基三戰。紅火爐溫酒一杯。千山來不斷。一水去無窮。餘不及此者亦多。

顯孝南山寺

昔日西來眼界明。隔溪遙見梵王城。旌旗夾道蔽山影。笳鼓入林聞谷聲。青鳥向人疑有意。白雲迎客亦多情。夕陽臨水共歸去。明日紛紛塵事生。赤城志。

汎舟晚出北關

汎舟官塘靜。人歸一葉閒。影疎行處柳。青遠望中山。道在身從老。詩窮意覺閑。到家秋斂足。有謂掩柴關。
秋日汎西湖

湖光山色共爭秋。一點塵埃無覓處。沈沈水底見青天。畫舸直疑天上去。以上咸淳臨安志。

王震

震開封人。定國之姪。大觀閒。知蔡州。

雪

未送餘寒歸嶰谷。先傳春信到花叢。侵凌竹色回新綠。點注梅梢破小紅。後村千家詩。

鄭滋

滋大觀中臨晉縣主簿。

遊王官谷

大厦將顛仆。一木安能支。唐室既頽齧。有才何所施。表聖隱王官。出處適其宜。藩鎮方跋扈。擁兵相雝雌。尾大不可掉。綱紀日陵夷。雖云務姑息。要求無定期。當此誰爲援。欲進速禍基。優遊向泉石。琴酒聊自資。休休復莫莫。終永忘所規。著史以見志。迂闊從人嗤。風馭去不返。幽谷空遺祠。名與前峯高。挺挺爲表儀。潔與飛瀑並。濁流應忸怩。方今重完節。褻封來非遲。發揚在守土。抗章無媿辭。庶幾慰精爽。光輝于盛時。
大觀初家府簿。臨晉嘗留詩於祠堂。意以表聖之高名清節。暴白于世。而風采爲可仰也。謹摹諸石。庶永來觀。政和戊戌八月望。男從事郎虞鄉縣令師甫題。王官谷集。

莫儔

儔字壽朋。湖州人。政和二年進士第一。靖康初爲翰林學士。使金。留仕僞楚。建炎初竄全州。

遊破山興福寺

久聞勝地有蓮宮。乘興來遊仗瘦筇。庭老樛枝翠瓔珞。池生並蒂玉芙蓉。飛仙何意來題柱。開澗當年想鬪龍。歸騎迴看樓閣處。雲深隱隱度疎鐘。蘇州府志。

譚知柔

知柔字勝仲金壇人政和二年進士通判邵州終祕書少監有華陽居士集

晚醉口占

晚醉扶筇過竹村數家殘雪擁籬根風前有恨梅千點沙上無人月一痕

者溪流隱叢話此即吳可晚春

詩易其題改詩中三四字而已

絕句

漫言無處覓歸田江北江南水拍天抖擻十年塵土夢秋風吹上釣魚船同上

初夏

麥隴風來翠浪浮霏微小雨似深秋野亭終日卷簾坐清樾對啼黃栗留事文類聚前集

趙野

野開封人政和二年進士歷中書舍人翰林學士拜尚書左丞靖康初爲門下侍郎責邵州安置建炎初復起知密州盜賊充斥野棄城去軍校杜彥作亂追歸殺之

句

複道密通繁衍宅諸王誰似鄆王賢宣和春帖子 清波雜志

辛亥膺

次膺字起季萊州人政和二年進士南渡寓家浮梁孝宗朝累官同知樞密院事資政殿學士提舉洞霄宮

題使宅眉壽堂

多病相如欲倦遊四年紆綬到三州君恩乞與歸巖壑何啻將軍得罷休

淳熙三山志

翁彥約

彥約字行簡崇安人政和二年進士累遷太常博士提舉河北西路學事除知高郵軍

毛竹洞

毛竹連雲路欲迷洞門深鎖落花遲曾孫幾度春風老未了仙人一局碁

建寧府志

羅汝楫

汝楫字彥濟歙縣人政和二年進士高宗朝仕至吏部尙書龍圖閣學士封新安郡開國侯卒贈

少師有東山藁

謁蘇仙祠

絳節回白馬青書收赤龍仙人在何許煙霞鎖晴峯荒祠冠其嶺千古凜靈蹤粉堵塵網懸石凹苔錢重我來款遺像再拜虔且恭檀煙洩雲白茗粥浮新濃世事非所期真遊誓相從雲輅幾時來微風韻寒松

郴州文志

李綱

綱字伯紀。邵武人。政和二年進士。靖康初。歷尚書右丞。高宗卽位。累官尚書左僕射兼門下侍郎。落職鄂州居住。紹興中。除觀文殿學士。湖廣宣撫使。知潭州。卒。贈少師。孝宗朝。賜諡忠定。有梁溪集。

張南仲置酒心淵堂值雨

自別西湖日。置懷卻因謫宦得重來。雲深不見孤山寺。風急難乘搖碧齋。未放幽情窮水石。且將離恨汎樽壘。勝遊須徧山南北。何日晴天爲一開。

登鍾山謁寶公塔

寶公真至人。烏爪金色身。杖攜刀尺拂。語隱齊梁陳。我登鍾山頂。白塔高嶙峋。再拜禮雙足。聊結香火因。恭被詔書褒。贈陳公少陽忠義。痛感有作。

哀痛綸音灑帝章。賜金贈秩喜非常。無心聖主如天地。著意奸臣極虎狼。忠血他年應化碧。英魂今日已生光。先生憤懣誠昭雪。九死南遷豈自傷。平昔初無半面交。危言幾辨蓋寬饒。幽冥我已慚良友。忠憤誰能念本朝。故國遙看雲杳杳。新阡何處草蕭蕭。撫孤未遂山濤志。誰繼離騷賦大招。

晞眞館詩并序

余今夏夢乘舟亂石閒。四顧峯巒奇秀。有如玉色者。覺頗異之。及謫官劔浦。道武夷山。小舟泝流。水落石出。徧覽勝概。至晞眞館。雪作巖石皆白。恍如舊遊。然後信出處之分定。而斯遊之清絕。已先兆于夢。

寐雖欲不到，不可得也。作小詩以紀其事。

清夢先曾到武夷，玉峯積雪倍幽奇。小舟遊罷尋歸路，恰似儵然夢覺時。

奉寄呂丞相元直

出擁凋戈入袞衣，江城重詠我公歸。手扶日月還黃道，足履星辰上紫微。已集羣英熙帝載，好施長策復邦畿。海濱病叟無他望，側耳天聲暢國威。以上梁溪集

李正民

正民，字方叔，揚州人。定之孫。政和二年進士。高宗朝，歷官中書舍人、徽猷閣待制、流寓海鹽。

海月亭

新亭注目了無邊，脫屣塵寰思杳然。萬頃秋濤翻浩淼，一輪明月對虛圓。光生雲漢疑無地，望斷蓬萊別有天。赤水棗花君莫問，新詩賡唱似朱弦。嘉興府志

胡松年

松年，字茂老，海州懷仁人。政和二年上舍釋褐，累遷中書舍人。高宗朝，拜吏部尚書、權參知政事，提舉洞霄宮。

題觀音院德雲堂并序

余罷自平江，謀居霅川。過洞庭西山，暫寓觀音院德雲堂。坐揖湖山勝概，亦足以少洗簿書役矣。數年兵火之禍，何所不至。獨此地清涼安穩，豈非林屋洞天、金庭玉柱爲神仙窟宅，有物常護持耶？余願挂

冠終老此閒也。

小舟乘風飛鳥過。萬頃雲濤縱掀簸。此行要是快平生。無數青山笑迎我。山根隱約見人家。槿籬茅屋埋煙霞。宛似秦人種桃處。川原遠近紛香葩。杖藜逕踏華山去。試問蓮開今河許。路迷絕壑陰松筠。身到半山聽魚鼓。道人爲我開雲堂。是中境界渾清涼。幽磬時和野鳥語。飛泉暗瀉巖花香。文書照眼本吾事。雁鷺著行收人意。造物似憐塵世翳。挈置湖山煩一洗。何人夜呼隱去來。向來得喪真山崖。金庭玉柱永不改。人間劫火空飛灰。吳郡志。

汪思溫

思溫字汝直。鄞人。政和二年。以太學上舍中乙科。歷官知臨安府。直顯謨閣。以壽終。

和潘良貴題明州三江亭韻

危亭聳觀與雲侵。勝概何勞杖履尋。回合江山真有意。去來鷗鷺本無心。歡聲洋溢均千里。好句清新抵萬金。四海正須經濟手。豈容長對白頭吟。延祐四明志。

楊景

政和二年三月廿四日。鄜延帥府大閱。卽席呈獻帥座賈公凱歌。十首存三。

旌旗風暖颺春暉。的皪寒光照鐵衣。壯士銜枚聽傳令。邊鴻敢傍陣雲飛。奏罷清笳聽凱歌。行營細柳拂彫戈。征人盡道從軍樂。城上黃雲喜氣多。天兵十萬擁貔貅。紫塞年年大有秋。不是頡羌求款附。爲君唾手取靈州。吳禮部詩話。

陳公輔

公輔字國佐臨海人政和三年上舍及第高宗朝官至禮部侍郎出知處州轉徽猷閣待制提舉江州太平觀

李伯紀丞相挽詩

豪傑不世出爲時斯閒生有心安社稷無計避功名憂國唯知重謀身祇覺輕徒令青史上永永著英聲

梁溪集附

廣慈院

來時膏雨迷新野去日薰風吹舊林寄語主人休惜別白雲南北本無心

台州府志

陳與義

與義字去非洛人一云汝州葉縣人登政和三年上舍甲科紹興中歷中書舍人拜翰林學士知制誥尋參知政事提舉洞霄宮有簡齋集

茗溪漁隱叢話陳去非詩平淡有工如疎疎一簾雨淡淡滿枝花官裏簿書何日了樓頭風雨見秋來客子光陰詩卷裏杏花消息雨聲中

鶴林玉露自陳黃之後詩人無逾陳簡齋其詩絳簡古而發穠纖遭值靖康之亂崎嶇流落感時恨別頗有一飯不忘君之意如涼風又落南宮木老雁孤鳴漢北州乾坤萬事集雙鬢臣子一謫今年天翻地覆傷春色齒豁頭童視聖時近得會稽消息不稍傳荆渚路岐寬東南鬼火成何事終藉胡銓作諍臣龍沙此日西風冷誰折黃花壽兩宮皆可味也

劉後村詩話。元祐後詩人迭起。一種則波瀾富而句律疎。一種則殺煉精而情性遠。要之不出蘇黃二體而已。及簡齋出。始以老杜爲師。墨梅之類。尙是少作。建炎以後。避地湖嶠。行路萬里。詩益奇壯。元日云。後飲屠蘇驚已老。長乘舴艋竟安歸。除夕云。多事鬢毛隨節換。盡情燈火向人明。岳陽樓云。登臨吳蜀橫分地。徙倚湖山欲暮時。又云。乾坤萬事集雙鬢。臣子一譎今五年。聞德音云。自古安危關政事。隨時憂喜到樵漁。五言云。泊舟華容縣。湖水終夜明。凄然不能寐。左右菰蒲聲。窮途事多遼。勝處心亦驚。三更螢火鬧。萬里天河橫。腐儒憂平世。況復值甲兵。終焉無寸策。白髮滿頭生。造次不忘憂。愛以簡嚴掃繁縟。以雄渾代尖巧。第其品格當在諸家之上。

題唐希雅畫寒江圖

江頭雲黃天醞雪。樹枝慘慘凍欲折。耐寒野鴨不知歸。猶向沙邊弄羽衣。黃茅終日不自力。影亂弱藻相因依。唯有蒼石如臥虎。不受陰晴與寒暑。舟中過客莫敢侮。閑伴長江了今古。

爲陳介然題持約畫

層層水落白灘生。萬里征鴻小作程。日暮微風過荷葉。陂南陂北聽秋聲。

夏日借五同舍集葆真宮池上避暑。取綠陰生畫靜分韻賦詩。得靜字。

清池不受暑。幽討起子病。長安車轍邊。有此萬荷柄。是身唯可嬾。共寄無盡興。魚遊水底涼。鳥語林閒靜。談餘日亭午。樹影一時正。清風不負客。意重百金贈。聊將兩鬢蓬。起照千丈鏡。微波喜搖人。小立待其定。梁王今何許。柳色幾衰盛。人生行樂耳。詩律已其贖。邂逅一尊酒。他年五君詠。重期踏月來。夜半嘯煙艇。

容齋四筆。自崇寧以來。時相不許。士大夫讀史作詩。何清源至于修。入令式。政和後。稍復爲之。而陳去非遂以墨梅絕句。擢真館閣。其葆真避暑詩。詩成出示坐上。皆詫爲擅場。朱新仲時親見之。云京師無人不傳寫也。

墨梅

粲粲江南萬玉妃。別來幾度見春歸。相逢京洛渾依舊。唯恨緇塵染素衣。
含章簷下春風面。造化功成秋兔毫。意足不求顏色似。前身相馬九方臯。

茗溪漁隱叢話徽廟召對稱

賞此句自此知名仕宦淺顯

秋夜

中庭淡月照三更。白露洗空河漢明。莫遣西風吹葉落。只愁無處著秋聲。
以上簡齋集

山居

耿耿虛堂一榻秋。人閒高枕幾王侯。亂雲未放曉山出。片月不隨溪水流。
檢校一身渾是懶。平章千古得無愁。湘波見說清人骨。恨不移家阿那州。

雨過

水堂長日靜鷗沙。便覺京塵隔鬢華。夢裏不知涼是雨。卷簾微溼在荷花。

長干行

妾家長干里。春慵晏未起。花香襲夢回。略略事梳洗。妝臺罷闕鏡。盛色照江水。
郎帆十幅輕。渾不聞櫓聲。曲岸轉掀篷。一見兮目成。羞聞媒致辭。心許郎深情。一牀兩年少。
相看悔不早。酒懽娛臧闖。園嬉索鬪草。含笑盟春風。同心以偕老。郎行有程期。
郎知妾未知。鷓首生羽翼。蛾眉無光輝。寄來紙上字。不盡心中事。

問徧相逢人。不如自見真。心苦淚更苦。滴爛閨中土。寄語里中兒。莫作商人婦。

九日家中

風雨吳江冷。雲天故國賒。扶頭呼白酒。揩眼認黃花。客夢蜚聲歇。邊心雁字斜。明年又何處。高樹莫啼鴉。
以上珊瑚網。

李乘

乘字德載。政和中。崑山令。

題慧聚寺次孟郊張祐韻

千山貯雲房。瓶鉢安空牀。野籟有真響。天葩無世香。巢鶴羽翎老。睡僧眉宇光。此外足憂喜。勞勞榮辱場。
一寺皆樓殿。雖雄向此吞。雲霞終日影。檜柏幾年根。檻俯水煙國。磬傳雞犬村。倚窗翻貝葉。宴寂屬空門。
崑山雜詠。

洪興祖

興祖字慶善。丹陽人。登政和上舍第。高宗朝召試。授祕書省正字。歷官提點江東刑獄。知真州。饒州。秦檜當國。以怨望編管昭州卒。

宋史儒林傳。興祖徙知饒州。初夢持六刀。覺曰。三刀爲益。今倍之。其饒乎。已而果然。

拂雲亭在真州東園

黃雲收盡綠針齊。江北江南水拍隄。野老扶攜相告語。兒童今始識鋤犁。依真縣志。

謝彥

彥字子美。官稱宣句龍圖。

留題驪山

自媿塵容去復來。驪山頂上看崔嵬。誰人得向長安道。曾浴蓮湯十二回。政和丙申三月十八日。驪山刻石。

黃伯思

伯思字長容。自號雲林子。邵武人。履孫。大觀中。官祕書省祕書郎。政和中卒。有東觀餘論。

題河南王氏所藏子敬帖

君家大令書盈紙。筆勢翩翩趣多媚。雖云杳拖如少年。豈至拘攣同餓隸。會稽七子五知名。此公風概尤超詣。太極璇題猶重書。謂不書太極殿榜。一時凜凜標英氣。半袖精穢衆爭求。數幅新葺世猶貴。當時親遇得已難。況復傳今僅千歲。龍珠歸浦劍還津。此帖君藏真得地。才披尺許目增明。鸞跂鴻驚欲飛逝。硬黃響揚若傳吾。完碧摹刊願垂世。東觀餘論。

杜子民

望瀛亭

擁傳來觀海。危亭一振衣。雲晴千怪出。浸大百川歸。日月遭吞吐。乾坤入範圍。羣鷗不須避。禪寂久忘機。

蓬萊閣詩集

宋詩紀事卷二十九

錢唐 厲 鷄 緝
海寧 陳晉錫 勘定

姚孝錫

孝錫字仲純，豐縣人。政和四年登第，調代州兵曹，有雞肋集。

齊東野語：金人寇雁門，州將恒怯議降。孝錫竟投牀大斲，不與其議。既得脫去，遂往五臺，薄移疾不仕。因家焉。治生積粟，至數萬石。遇饑歲，盡出以賑貧乏。所居正據五臺之勝，亭榭數十，座花竹百畝。中歲盡以家事付諸子，日與賓朋放浪山水詩酒間。

自號

醉軒。

題滕茂實祠

本期蘇鄭共揚鑣，不意芝蘭失後凋。遺老祇今猶涕淚，後生無復識風標。西陲雁度霜前塞，滹水樵爭日暮橋。追想平生英偉魄，凌雲一笑豈能招。齊東野語。

睡起

生涯甘分寄耕桑，山色圍門水遶牆。困病久懲耽酒癖，愛閑猶有和詩忙。簷冰滴砌春猶冷，野馬浮川日漸長。舊事老年多記憶，故園歸夢正悠揚。

次韻王無競見寄

客懷重倚仲宣樓。白草黃雲塞上秋。山色不隨塵世改。水聲還抱故城流。隙中畏景那堪玩。鏡裏衰顏祇自羞。多媿詩人苦相憶。遠傳佳句弔清愁。

次韻秋興

老畏年光速。愁添旅夢多。西風著梧竹。歸思入煙波。夜永憑詩遣。顏衰得酒和。故溪千樹柳。誰復曬漁蓑。

題柳溪別墅

雨霽風和不動塵。柳邊攜酒賞青春。頻來溪鳥渾相識。渡水穿花不避人。

次李平子登臺有感韻

落日孤雲帶遠岡。戍樓煙瘴舊邊場。疲民卒歲方懷土。遠客憑高自憶鄉。漢使一朝延四皓。秦詩千古弔三良。行藏此意無人解。聊借青山送酒觴。以上中州集。

句

岸漲魚吹沫。山空石轉雷。谷虛生地籟。境寂散天香。節物後先南北異。人情冷煖古今同。久客交情諳冷煖。衰年病骨識陰晴。元晏暮年常抱病。子山終日苦思歸。食貧豈復甘秦炙。客病空懷奏楚音。以上齊東野語。

張綱

綱字彥正。丹陽人。政和四年上舍釋褐第一。高宗朝累官權吏部尚書參知政事。以資政殿學士

知婺州。致仕卒。謚文定。改賜章簡。有華陽集。

聞官軍掩殺城中羣寇。次傳道韻。

未復錢唐郡。先收鐵甕城。妖星隨月落。殺氣逐參橫。已築鯨鯢觀。重新鼓角聲。大江應好在。流恨幾時平。

寄宿隱靜東軒。軒外竹引飛泉落池中。隔窗聞之。如秋雨瀉簷聲。

踏殘西日寄僧房。一炷爐熏秋夜長。誰作響泉喧客枕。夢回敲聽雨淋浪。

老夫辭榮里居。行年八十。酒閒漫成拙句。述意而已。不以示外也。

莫笑樽前白髮翁。曾騎竹馬戲元豐。年彌八秩癡頑在。身荷三朝寵眷隆。綠野敢將前哲比。香山幸有老人同。興來尙欲尋幽去。收拾殘春杖履中。以上華陽集

粹、粹
粹政和中豐城令。

題梅仙觀

書投北闕言無用。吏隱南昌寄此閒。身陟九霄歸紫府。名垂千古寄青山。夜壇星斗誰瞻仰。曉殿雲煙自往還。幾疊高峯人罕到。分明真境異塵寰。梅仙事實

胡景裕

景裕字好問。湘潭進士。

錢范子。范公稱之父

當年邂逅帝王畿。歲月侵尋若電飛。學士榮除青瑣闥。故人老著白麻衣。尊前且鬪閑身健。眼底休論往事非。第恐鋒車促嚴召。片帆明發不輕違。范公稱過庭錄。

何 卓

卓字文縝。仙井監人。政和五年進士第一。歷官尚書右僕射兼中書侍郎。死靖康之難。建炎初。贈觀文殿大學士。

上庠錄。政和丙申殿試。何卓爲狀元。潘良貴次之。皆年少有丰貌。而第三郭孝友頗古怪。唱名日。呵出御街。觀者皆曰。狀元真何郎。榜眼真潘郎。第三人真郭郎也。

曰。按政和五年。

丙申應作乙未。

在金營題詩

念念通前劫。依依返舊魂。人生會有死。遺恨滿乾坤。三朝北盟會編。

潘良貴

良貴字子賤。一字義榮。金華人。政和初。上舍釋褐。建炎初。爲左司諫。紹興中。除中書舍人。出知明州。提舉明道宮歸。李光得罪。以通書坐降。三官卒。有默成居士集。

夜坐聞竹聲示姪

室明窗有燈。夜暗天無月。趺坐依蒲團。竹聲助清絕。初疑小雨至。蕭蕭俄復歇。忽然變軒昂。風濤散巖穴。

聽久耳根靜。萬慮皆瑩徹。塵凡不待掃。境妙心自潔。奇哉不二門。欲倩維摩說。

雪中偶成

飛花看六出。俄向臘中來。解驗人情喜。始知天意回。夜闌窗愈白。曉凍日難開。麥熟何時節。飢民正可哀。

贈方仁聲

學道悠悠未見功。敢云凡質有仙風。他年一鉢江湖去。先向苕溪訪葛洪。以上默成居士集。

陳光祿挽詩

醜虜登城日。中華將士奔。人皆趨北闕。君獨死南門。祕計無人用。英聲有史存。秋原悲淚落。桂酒與招魂。

庚溪詩話。先君光祿。靖康間。爲京城守禦司屬官。嘗以守禦策獻于朝。議者沮之。京城失守。督將士與虜戰。遂以身殉國。潘待制子賤爲挽詩云。吳師道敬鄉錄。陳慶宵子象。金華人。父德固。死靖康之難。子象以任子中。調科仕。至兵部侍郎。著庚溪詩話。

題三江亭守明州日作

假守衰顏病日侵。湖山雖好倦追尋。登城忽覩三江水。快我平生萬里心。聊築小亭怡父老。敢承佳句粲珠金。春濤正待諸君賞。更拂詩牌看醉吟。延祐四明志。

沈與求

與求字必先。德清人。政和五年進士。高宗朝。累官吏部尚書。翰林學士。兼侍讀。除參知政事。知樞密院。卒。贈左銀青光祿大夫。諡忠敏。有龜溪集。

錢唐賦水母

疾風吹雨回江城。鰓牙嘔呀潮欲平。客居喜無人事撻。相與環坐臨前楹。眼中水怪狀若名。出沒沙觜如浮罌。復如緇笠絕兩纓。渾沌七竅俱未形。塊然背負羣蝦行。嗟其巧以怪自呈。凝目雙視相將迎。老漁旁睨笑發聲。曰此水母官何驚。江流如奔絕滄瀛。潮汐往來月爲程。藏納衆污無滿盈。浮埃塵滓瀾九清。結成此物宜昏盲。使蝦導迷作雙睛。乃能接引蚌與蝗。亦猶巨蛭二體併。離則無目爲光精。江天八月霜葉鳴。罟師得蝦供水征。水母棄擲羅縱橫。試令收拾輸庖丁。絳攀收涎體紆縈。飛刀縷切武火烹。花磁釘餽粲白英。不殊冰盤堆水晶。稻醯齋寒芼香橙。入齒已復能解醒。遣漁止矣忽復評。嗟哉此性愚不更。定矜故態招三彭。且摩枵腹甘藜羹。

秋日閑居

茅屋秋風斗破除。蕭騷渾似浣溪居。青山侍坐從吾好。黃帽籠頭與俗殊。賴有園官能送菜。可無溪友解留魚。從今輒莫慚枵腹。一飽須煩插架書。以上龜溪集。

夜書山驛

天寒夜向闌。月出山更靜。風露搖青空。萬象光耿耿。啼螢泣幽草。賓鴻度前嶺。歸來坐孤窗。松竹舞清影。前賢小集拾遺。

臞菴爲王文孺作

地控三州界。池開十丈蓮。桑麻無杜曲。松菊有斜川。別浦歸帆遠。他山晚照妍。江湖春水闊。容與白鷗前。

洪皓

皓字光弼，鄱陽人。政和五年進士。建炎三年，假禮部尚書，使金不屈，被留十五年。始還，除徽猷閣直學士，尋謫英州，徙袁州，卒。復官，謚忠宣。有鄱陽集。

名臣言行續錄：永祐陵崩于五國城，公即燕山開泰寺爲文以薦曰：千歲厭世，莫遂乘雲之仙；四海遏音，同深喪考之戚。況故宮爲禾黍，改館徒饋于秦牢；新廟游衣冠，招魂但歌于楚些。雖置河東之賦，莫止江南之哀；遺民失望而痛心，孤臣久繫唯歎。血伏願盛德之祀，傳百世以彌昌；在天之靈，繼三后而不朽；故臣讀之，無不流涕。

石碣大義滅親

惡吁及厚，篤忠純。大義無私，遂滅親。後代姦邪，殘骨肉。屢援斯語，陷良臣。賈退錄。

劉無極

無極字晞顏，丹徒人。政和五年進士，終尚書郎。

漾花池

一池春水綠如苔，水上新紅取次開。閑倚東風看魚樂，動搖花片卻驚猜。墨莊漫錄。

秦檜

檜字會之，江寧人。政和五年進士，中詞科。靖康中，除御史中丞。從二帝北遷。高宗建炎初，撻懶縱

使來歸。拜禮部尚書。紹興中。拜右僕射。同中書門下平章事。累加太師。益國公。死。贈申王諡忠獻。開禧初。追奪王爵。改諡繆醜。

寶退錄。紹興間。禁中呼秦太師爲太平翁。見放翁詩注。

題范文正公書伯夷頌後

高賢邈已遠。凜凜生氣存。韓范不時有。此心誰與論。

鐵網珊瑚。長樂郭陸跋云。片紙三百年。承平碩輔姓字。皦皦如日月。見之東甌盤辟。若檜。若似道。亦蟲其閒。使人指畫唾罵。然則士不以夷齊自淑。其不爲文正公罪人者幾希。

葉廷珪

廷珪字嗣忠。崇安人。政和五年進士。知德興縣。中興召爲太常寺丞。與秦檜不合。出知泉州。篤學。淳雅。名重當時。葉顥。陳俊卿。黃祖舜。鄭丙。皆出其門。有海錄碎事。

末利

露華洗出通身白。沈水熏成換骨香。近說根苗移上苑。休慚系出本南荒。全芳備祖。

采采

采。字景文。崇安人。政和五年進士。調歸州教授。

貽里中舊遊

偶控星槎到日邊。幾回歸夢入閩川。鄉關阻絕三千里。江海馳驅四十年。白髮應憎梅共放。青衫漫與草爭鮮。相逢準約春風裏。梨嶺雲深叫杜鵑。崇安縣志

郭印

印、成都人。政和中進士。

遊大隋山

我聞大隋名。夢寐猶記錄。得檄天彭道。喜氣和可掬。出城六十里。崎嶇轉江曲。山門忽斗上。危步依筇竹。崩石帶煙雲。異草羅澗谷。寂鳥下窺人。纍猿時挂木。路窮纔見寺。金碧煥雙目。祖師古定光。燈冷無人續。開公生異世。大事如付囑。僧言山長陰。朝暮雲容蹙。茲辰爲我晴。疊岫堆濃綠。虛閣倚秋風。一洗塵土俗。舉手揖丹景。橫身跨白鹿。十年勞問訊。親到心始足。坐久燭漸微。借榻雲閒宿。山寒寐不成。窗外泉鳴玉。全蜀藝文志

下巖寺

雲安欣及境。小利爲徘徊。殿閣隨巖轉。軒窗向水開。僧雖持鉢去。客自艤舟來。欲往無留計。幽懷亦暢哉。四川總志

傅崧卿

崧卿、字子駿。山陰人。墨卿從父弟。政和五年進士。高宗朝。累官中書舍人。給事中。卒。有樵風溪堂集。

題趙宗萬跋鼈傳後

鶴書東召竟牢辭。一去騎鯨世莫追。會有丹青遺像在。誰將配食季真祠。

會稽續志。趙宗萬字仲困。山陰人。築室郡之照水坊。畜一鶴號丹沙。引以爲侶。祥符中。詔舉遺逸。郡守以宗萬薦。尋被召。乃曰。吾老矣。不足任事。獻跋鼈傳以自見。朝廷賜以羽服。崧卿爲賦詩云。

王珉

珉字中玉。大名人。懿敏公素之後。政和五年。上舍出身。紹興間。歷臺諫。從官。寓家三衢。

還靖師草履

跣足山行踐綠蕪。道人應念我崎嶇。還將達磨西歸履。暫作王喬羽化鳧。爲愛輕鬆宜踏石。更憐瀟灑勝聯珠。還君舊物君收取。認得拖泥帶水無。前賢小集拾遺。

何大圭

大圭字晉之。廣德人。政和八年。嘉王榜進士。仕爲祕書省著作郎。

偶然作

茅屋松窗小隱家。茶煙漠漠水斜斜。簷閒乳燕未成語。庭下石榴爭放花。賴有詩書銷白日。倦隨車馬走黃沙。林泉舊約好徑去。風雨滿江垂釣車。庚溪詩話。

薛明龜

明龜字彥益。鄞人。政和八年進士。官權工部郎。知興國軍奉祠。與汪思溫輩結社林下。稱四明五

老。

和潘良貴題明州三江亭韻

爽氣寒光四壁侵，青山千仞水千尋。遠觀吾里瀛洲路，悵望誰人魏闕心。春到已多鳴玉佩，酒酣應有解貂金。紫微太守經營巧，消得時賢次第吟。延祐四明志。

鄭 穀

穀字致剛，建安人。政和八年進士，授安陸府教授。高宗卽位，擢監察御史，拜御史中丞，累遷端明殿學士，同簽書樞密院事，卒諡忠穆。

杜鵑詩

杜鵑飛飛無定棲，寄巢生子百鳥依。園林花老晝夜啼，安得百鳥挾以歸。

建炎復辟記：建炎已酉，苗劉之變，端明殿學士同簽書樞密事鄭穀奏苗傅劉正彥等悖逆肆虐，擅行殺戮，朝廷近日差除，多出二人之意，兼聞以簽書樞密院召呂頤浩以禮部尙書召張浚，又分張浚之兵以五百人歸陝，及浚不受命，浚不肯分所部兵，遂謫浚以散官居郴州，擢俊以節度知鳳翔，皆出傅等姦謀，使外無強兵謀臣，內生變亂，事不可緩，遂一章乞留呂頤浩知金陵，一章言張浚不當謫而求有膽氣謹密可共事之人，得奉議郎謝懋，令爲客旅，徒步如平江，見張浚等，具言城中之事，令嚴兵備，大張聲勢，持重緩進，使其自遁，無致城中之變，驚動三宮，撰杜鵑詩四句，親寫令攜去，執呈諸人，以爲信驗。

梅壠詩話：建炎閒，苗傅劉正彥作亂，是時中丞鄭穀密遣謝懋如平江，仍作詩示呂元直張德遠二公，呂張得詩，卽起兵成復辟功，詩不徒作也。

張浚

浚字德遠，綿竹人。政和八年進士。高宗朝，拜右僕射中書門下平章事，兼都督諸路軍馬。孝宗即位，封魏國公，除樞密使，卒，贈太師，諡忠獻。

李伯紀丞相挽詩

蒼蒼安可料，舊德奄重泉。痛爲黎民惜，誰扶大厦顛。英風摩日月，正氣返山川。丙午功勳在，豐碑萬口傳。

梁溪集附

朝陽巖

已覺雲天闊，風聲四面涼。路幽遲晚日，巖古挹流香。客舍長年靜，漁舟底事忙。相逢賢太守，不用管弦將。

零陵志

郭奕

奕川陝宣撫司幹辦公事

嘲張宣撫

秦山未盡蜀山來，日照關門兩扇開。刺史莫嫌迎候遠，相公新送陝西回。

三朝北盟會編建炎四年九月張浚以陝西五路軍軍于富平爲婁室所襲不戰而潰宣撫幹官郭奕爲詩曰婁室大王傳語張老謝得送到糧草斟秤不留一件恁生見得多少及退軍入散關過漫天坡又有詩云後奕罷官住晉州賣蒸餅爲生晏也如

王庭珪

庭珪字民瞻。安福人。政和八年進士。紹興中。胡銓上疏乞斬檜。謫新州。庭珪獨以詩送行。坐訕謗。流夜郎。檜死。許自便。孝宗召對內殿。除直敷文閣。有盧溪集。

題宣和御畫

玉鎖宮扉三十六。誰識連昌滿宮竹。內苑寒梅欲放春。龍池水暖鴛鴦浴。宣和殿後新雨晴。兩鵲飛來東向鳴。當時妙手貌不成。君王筆下春風生。長安老人眼曾見。萬歲山頭翠華轉。恨臣不及宣政初。痛哭天涯觀畫圖。

和劉美中尙書聽寶月彈桃源春曉

何年鑿源開混茫。桃花兩岸吹紅香。煙消遠浦生微陽。漁舟誤行溪水長。溪迴岸轉山隙光。疑有絳闕仙人房。居民爭出羅酒漿。花閒笑語音琅琅。抱琴釋子眉髮蒼。響泉韻磬鳴長廊。能彈往事悲孟嘗。昔時臺沼今耕桑。又如勇士赴敵場。坐令遊子思故鄉。清猿抱木號鴻荒。孤吟劃見丹氣翔。曲終待月西南廂。重調十指初不忙。如見古畫秦衣裳。春天百鳥爭頡頏。桃源歸來今已忘。彈到落花空斷腸。

送胡邦衡赴新州貶所

囊封初上九重關。是日清都虎豹閑。百辟動容觀奏牘。幾人回首媿朝班。名高北斗星辰上。身墮南州瘴海閒。不待他年公議出。漢廷行召賈生還。

大廈元非一木支。身將獨力柱傾危。癡兒不了公家事。男子要爲天下奇。當日姦諛皆膽落。平生忠義只

心知端能飽喫新州飯。在處江山足護持。

魏書堂詩話。胡忠簡以言事忤檜。謫嶺外。王盧溪

送以詩爲邑人。歐陽識台。訐竄辰州。檜死而還。

題辰州壁

辰州更在武陵西。每望長安信息希。二十年興摺紳禍。一終朝失相公威。外人初說哥奴病。遠道俄傳逐客歸。當日弄權誰敢指。如今憶得姓依稀。

程史。王盧溪在夜郎。郡守承望風旨。待以囚隸。檜死。郵筒至。張燕公堂以待之。盧溪既得自便之命。題詩壁間。蓋志喜也。

初至行在

望中樓閣入青冥。疑是長安舊帝京。十里荷花開世界。幾年羈旅憶神京。老隨丹詔身猶健。夢入華胥眼尙生。行盡沙河塘上路。夜深燈火識昇平。以上盧溪集。

夜蛾兒

碧眼銀鬚粉撲衣。又隨雪柳趁燈輝。怕寒還戀南華夢。凝佇釵頭未肯飛。前賢小集拾遺。

滕茂實

茂實字秀穎。杭州臨安人。政和八年進士。初名裸。徽宗賜改焉。靖康初。以工部員外假侍郎。使金。見留終身布衣。稱宋使者。歿于雁門。其友董誥錄其哀詞來獻。詔宣付史館。褒錄之。紹興二年。贈

龍圖閣直學士諡忠節

茂實奉使無狀，不復返父母之邦，所當從其主以全臣節。或怒而與之死，幸以所仗旛裹其屍，及以所篆九字刊之石，埋之臺山寺下，不必封樹。蓋昔年病中嘗夢遊清涼境界，覺而病愈，恐亦前緣。今預作哀辭，幾于不達。方之淵明，則不可。若蘇屬國牧羊海上，而五言之作，始敢援此例云。

齋鹽老書生，繆作王都官。索米了無補，從事敢辭難。殊鄰復盟好，仗節來榆關。城守久不下，川途望漫漫。儉輩果不惜，一往何當還。牧羊困蘇武，假道拘張騫。流離念窘束，坐閱四序遷。同來悉已歸，我獨留塞垣。形影自相弔，國破家亦殘。呼天竟不聞，痛甚傷肺肝。相逢老兄弟，悼歎安得歡。波瀾卷大厦，一木難求安。就不違我心，渠不汗我顏。昔燕破齊王，羣臣望風奔。王蠋獨守節，齊人有甘言。經首自絕脰，感慨今昔聞。未嘗食齊祿，徒以老爲民。況我祿數世，一死何足論。遠或歿江海，近或死朝昏。斂我不須衣，裹屍以黃旛。題作宋臣墓，篆字當深刊。我室年尙少，兒女皆童頑。四海無置錐，飄流倍悲酸。誰當給衣食，使不死飢寒。歲時一酹我，猶足慰我魂。我魂亦悠悠，異鄉寄沈寃。他時風雨夜，草木號空山。

齊東野語：茂實與路允迪樞密、宋彥通翰林修撰，奉使金國，割三鎮。太原尋奉密詔，據城不下。金人怒之，囚于雲中。淵聖北遷，茂實冠裳迎謁，拜伏號泣，請侍舊主俱行，不從。且誘之曰：國破主遷，所以留公者，蓋將大用。遂留之雁門。放允迪彥通南歸，先是自己必死，遂囑友人董誥以奉使黃旛裹屍而葬。且大書九篆字云：宋使者東陽滕茂實墓。復作詩自序云：後竟以憂憤成疾，殂。北人哀其忠，爲之起墓雁門山。歲時致祭焉。後董誥自拔南歸，上所爲詩贈直龍圖閣。史甚略，予訪之北方，紀錄得焉。

其實

天寧節有感

節臨重十慶天寧。古殿焚香祝帝齡。身在北方金佛剎。眼看南極老人星。千官花覆常陪燕。萬里雲遙阻在庭。松柏滿山聊獻壽。小臣孤操亦青青。汴梁故老云。徽宗本以五月五日生。以俗忌移之十月十日。故此詩有重十之句。

偶成

織雲卷盡見秋容。古木交陰一掃空。雪壓羣山曉來雨。葉青缺斲幾番風。欲歸未得人將老。屢送還來鬼亦窮。賴得子卿佳傳在。整冠時讀慰飄蓬。

哀隆德守臣張確。確浮休張舜民弟。嘗爲烏延帥幕。獨不廷謁童貫。詩弔之。

睢陽萬古一張巡。忠義傳家有世臣。顏子伏膺當入室。潘郎望拜肯同塵。圍城抱恨天猶晦。仗劍臨危氣益振。歎子鄰邦盡曹李。偷生端作九泉人。以上中州集。

宋之才

之才字廷佐。瑞安人。政和八年上舍出身。高宗朝爲考功員外郎。

隆山院

危磴盤雲杪。驚濤漲晚空。江山端有待。杖屨偶相同。孤塔蒼茫外。千帆杳靄中。誰知丘壑趣。未縛輓塵紅。東甌詩集。

朱松

松字喬年。徽州婺源人。政和八年同上舍出身。南渡歷司動員外郎。出知饒州。主管台州崇道觀。

有韋齋集

新筓

春風吹起籜龍兒，戢戢滿山人未知。急喚蒼頭斷煙雨，明朝吹作碧參差。

曾端伯百家詩選。朱吏部喬年，儒學決科，刻苦爲詩，紹興初，藁處厚爲翰林學士，每哦其詩，最愛此絕。蓋前人有筓詩曰：急忙喫著不可遲。一夜南風變成竹，喬年點化乃爾。精巧處厚力薦于朝，後爲尙書耶。

春晚書懷

萬里西遊爲覓詩，錦城更付一官癡。脫巾漉酒從人笑，拄笏看山頗自奇。疎雨池塘魚避釣，曉鶯窗戶客爭基。老來怕與春爲別，醉過殘紅滿地時。

曉過吳縣

舟行有嚴程，越國常曉發。雙櫓兀殘夢，起坐窺落月。人家岸野水，霧雨籠邃闕。遙憐瑣窗人，敲枕聽鴉札。

坐睡

坐久睡屢兀，手未了書。清風脫然至，心醒得我娛。起看孤隙光，了不移錙銖。云何短夢中，萬境生須臾。嗟彼市朝子，百巧營其軀。安知非夢境，過眼滅無餘。以上韋齋集

朱棹

棹字逢年，韋齋之弟，有玉瀾集。

三山次潘靜之升書記韻

客路那知歲月長。掀眉一笑苾芻房。且傾徐邈聖賢酒。不問陳登上下牀。雲影翻空迷海嶠。秋聲隨夢到家鄉。明朝各聽船窗雨。猶憶枯棋戰四郎。

大食餅

竄質謝天巧。風輪出鬼謀。入窰奔闕伯。隨舶震陽侯。獨鳥藏身穩。雙虹繞腹流。可充王會賦。漆簡寫成周。

六月二十日

次日立秋。

天涯明日見秋風。錯莫誰驚覆井桐。豈意楚山招隱處。盡歸蜀客廣騷中。釣魚偶爾針偏直。乞米茫然帖自工。獨臥南軒聽南澗。蠻花猶作杜鵑紅。以上玉瀾集。

張叔夜

叔夜字嵇仲。開封人。侍中耆孫。以蔭補官。召試制誥。賜進士出身。累擢中書舍人。遷給事中。出知海青二州。歷簽書樞密院事。靖康殉難。贈開府儀同三司。諡忠文。

岐王宮侍兒出家

六尺輕羅染麴塵。金蓮步穩襯湘裙。從今不入襄王夢。剪盡巫山一朵雲。

竹坡詩話。樞密張公嵇仲喜談兵論邊事。面目極嚴冷。而作小詩有風味。

謝舉廉

舉廉字民師。新喻人。政和閒。以進士知南康。受知東坡。有藍溪集。

獨醒雜志東坡嶺南歸民師袖書及舊作遮謁東坡覽之大見稱賞謂民師曰子之文如上等紫磨金須選子十七貫五百遂留語終日民師著述極多今其族摘坡語名上金集蓋其一也

戲題指紋鬪牛圖

左者前其角右者後其足。挽君雙指螺。戰此兩殼棘。草長水遠日悠悠。不向桑閒自在休。蝸頭尙可屠蠻觸。壁上從今鬪二牛。聲畫集

西捷口號

聖明陛下如先帝。關國謀臣似召公。不遣毛嬙嬪漠北。只將魏尙守雲中。百年境土逡巡復。萬里窠巢指顧空。今日版圖非昔日。玉關西有嶺名蔥。茗溪漁隱叢話

句

萬里一時開驥足。百年今始破天荒。

獨醒雜志江西自國初以來士人未有以狀元及第者。紹聖四年何忠孺昌言始以對策居第一。里人傳爲盛事。故謝民師有詩寄忠孺云。蓋記時人之語也。

尹焞

焞字彥明。洛人。子漸之孫。少從伊川學。舉進士。策問欲誅元祐黨籍。不對而出。遂罷舉。靖康中。賜號和靖處士。南渡初。以薦入經筵。擢徽猷閣待制。有集。

自秦入蜀道中作

南枝北枝春事休。啼鶯乳燕也含愁。朝來回首頻惆悵。身過秦川最盡頭。

和靖先生集。

喻汝礪

汝礪字迪孺。蜀之仁壽人。第進士。靖康中。官祠部員外郎。金人議立僞楚。汝礪不爲屈。遂歸隱于邛山之陽。自號捫膝先生。有捫膝橐。

困學紀聞。後魏葛榮陷冀州。賈景輿稱疾不拜。每捫其膝曰。吾不負汝。

僞楚之僭。喻汝礪捫其膝曰。此豈易屈者哉。以捫膝自號。蓋本于此。

謁江瀆廟

坤軸東南傾。大江日夜注。前驅下洛洙。餘濤略吳楚。任勢不期勞。得意隨所遇。水也初無營。神哉亮誰主。芳蘭沈清華。碧藻舒翠縷。晨鷗戲野岸。春鳧集深渚。均是得所安。而神豈私汝。古來幾精魄。拾此迷所處。淫遊不知還。沙村失煙樹。而我後千載。悠然在江澗。抱齋貴無競。矜名忌多取。冥冥罨岸風。淫淫打船雨。舞雪窺洪濤。關蘋渡前浦。再拜謝神貺。聊復隨所住。

遊海雲山

渺渺天宇初。使復有此山。清晨及茲遊。遐想百代前。來者幾何人。當時各爲歡。淑質揚妙舞。哀絲遞清彈。樂事坐如昨。芳歲已屢殫。向來所遊人。落葉不復還。迥然散遠目。感之爲長歎。竹林遙舊所。鵲巢豈昔眠。念誰當久存。而不住所緣。破涕聊一怡。山川卻萋妍。未知後世事。誰復當來旋。

清曉坐四天王院

杳杳天宇涼。月墜星亦稀。朝暉下檐隙。遠色開林扉。寂坐無物役。隱几或在斯。曠焉耳目清。擬覺形神歸。溷世跡若近。抱冲心獨微。故殿經幾年。何人所摹規。當時亦姱哉。作者良已罷。快意取一好。于身亮何私。不知壯觀地。徒使來者悲。坐頃又成昔。安知今是非。

遊西臺院暑軒觀石鏡

城中苦伊鬱。茲軒獨高褰。連臺動參差。錯畦橫阡眠。雪嶠正孤峙。若與我周旋。遠翠浮蕩漾。輕鷗下聯軒。密竹罨幽逕。新蒲澹清漣。初遊愜餘懷。既久幽念攢。慨彼泉下人。灼灼夸令顏。忽焉墜榛莽。窈窕不可援。一鏡空復情。況乃塊石頑。哀哉彼愚子。婉孌情所牽。差勝茂陵公。更詠方士言。

謁諸葛廟

孤雲何其高。明月不可繫。灼灼抱此心。與世自涇渭。釋耒從所歡。感亂亦歔歔。咨惟今之人。竊國未云恥。七首入吳市。秋風動燕水。區區袁與曹。等是刺客耳。而我于其閒。秉義不敢墜。哀音回衝颯。清義動幽邃。天心固難亮。吾獨信所履。溶溶日閒雲。漠漠苔點砌。飢飈墜蒼瓦。澹薄公所憩。靜然想英姿。孤懷亦差慰。

遊琴臺

臯朔語類俳。上頗倡優之。嚴吾數預事。慘懷失所棲。慨彼猜忌姿。公卿命如絲。夫子迺謁閑。□□□□。眷言彼妹子。深情結幽期。浩露泛酒甕。輕雲思琴徽。撫弦視八荒。頗覺秦岫低。紛紛漢諸子。悟解良獨遲。一朝不自保。頸血霑裳衣。公豈不炯介。慮禍蓋已微。污已迴前識。達生邁天倪。闕哉昭曠情。豈屑後代嗤。

子雲墨池

讀書豈不好，憂憤還自茲。書中見古人，隱閔惻餘思。遇險理有激，尋分意多隨。娟娟感姱容，感感念幽棲。曾是無聞然，孰焉愜所宜。覽之不自聊，悵然起遙悲。不如撥置之，濁酒聊一持。先生頗多事，斯心昧前知。亦復坐奇字，慘戚亡所歸。

晚泛浣花遂宿草堂

扣橈泛澄虛，濯流睇幽芳。晚霏襯奇樹，夕霏媚疎篁。歸鳥亦暫閑，夜魄動初涼。忽焉衆星微，天高月舒光。昔也杜陵子，澹然此茅堂。客至酒自斟，句得意已忘。云何嘗念飢，零落在道旁。古來技入神，一飯豈所望。吾輩天所窮，慨歌淚霑裳。

草堂詩

燦燦詩翁錦里西，只緣詩好合窮棲。竹鋪冷色雲連寺，柳漾晴絲鳥過溪。凝怨不禁關樹暗，駐情應恨蜀山低。離人苦怕春歸盡，可忍紅英半著泥。亂後飄零歇此身，風光無賴更清新。客懷易感酒添病，詩思苦慳花減春。南枝北枝鶯舌巧，前村後村雨脚勻。暫借溪邊老爲客，花心柳眼莫撩人。

上席帥

先公御史如御兵，迎刃而解如庖丁。掀髯一笑黠吏走，蜀中草木知威名。伯兄渠渠天下士，嵩高少室之英靈。妙齡提書陳闔闔，竑議可以諧韶諷。昨年兩作益州牧，西南惡少不敢行。後來繼者有季弟，潭潭大度涵滄溟。指麾萬事不作意，決背雨電風煙生。南望峨眉西玉壘，逸氣夜與銀河傾。幅巾筇杖過何許，閑

邀仲元訪君平。小童蓬葆夜吹笙。往往笑倒長庚星。拔劍起舞者誰子。杜陵老翁醉不醒。坐中入眼無俗物。胡爲見我眼自青。武侯廟前有古柏。風吟雨歎蛟龍聲。我來正欲劄爾腹。琢作巨室丹其楹。繪此落落三名卿。尙使千載知儀型。喻子作詩如鼎銘。以上成都文類。

題周昉美人拜月圖

東風元是無消息。獨捲珠簾望春色。風驚紅葉墮珊瑚。夢斷行雲泣殘月。悒悒柔情不自持。此心端被月先知。窺窗入戶如相伴。應是嬌娥慣別離。整畫集。

傅察

察字公晦。孟州濟源人。堯俞從孫。舉進士。歷吏部員外郎。宣和七年使金。見韓侂胄不拜。死之。贈徽猷閣待制。諡忠肅。有集。

次申教授直宿

皎皎虛堂帶月清。金風入律露華明。潘郎寓直生秋興。韓子長歌憶短檠。驚鵲繞枝巢未穩。幽蟲臨砌隱餘聲。卻嫌詩思掩歸夢。數盡高城長短更。

李良龍示牡丹長句謹賦

一見奇葩潑眼明。兩川風物寄爭新。十家京洛供長日。萬朵東秦照暮春。諦視尙疑傾國女。醉吟猶似謫仙人。定知不是無情物。爲有真香暗度頻。僕家近洛而常官青社故云。以上傅忠肅集。

王仲巖一作蕤

仲巖字豐父丞相珪少子政和中守會稽後擢待制建炎初知袁州金人入江西坐失守削籍時秦檜當國爲其兄仲山塔啓懇開陳詔復元官

句

白髮衰天癸丹砂養地丁老境得爲丘壑伴醉鄉還勝子孫扶詠杖 許彥周詩話

朱載上

載上舒州人官黃州教授翌之父

句

官閑無一事胡蝶上堦飛

書齋續聞東坡居黃州客有誦朱公之詩云東坡稱賞再三遂爲知己

朱翌

翌字新仲舒州人號澹山居士政和閒進士南渡後寓家桐廬爲中書舍人忤時宰謫曲江晚召還卜居鄞自號省事老人有集

揮塵後錄朱新仲住江寧在王彥昭幕中有代彥昭春日留客致語云寒食止數日閒才晴又雨牡丹蓋十數種欲折還芳皆爲公帖與牡丹譜中全語也彥昭好令人歌柳三變樂府新聲又嘗作樂語曰正好歡娛歌葉樹數聲啼鳥不妨沈醉拚畫堂

一枕春醒又

皆柳詞中語

題顏魯公像

千五百年如烈日，二十四州惟一人。朝衣視坎趨前死，羽服行山卽此身。

後村詩話

示同會

無奈春寒老不禁，喜看晴日上窗櫺。羣花半露乾坤巧，百刻平分晝夜停。拄杖有時挑菜甲，桔槔無復問畦丁。逢春不出何爲者，衆醉誰知可獨醒。瀛奎律髓

競秀閣

輞川遙展右丞圖，盤谷中藏李愿居。龍睡潭深飛客櫂，鳳鳴枝老結吾廬。但令蠟屐去前齒，安用鷗夷託後車。西望子陵三十里，煙雲來往問何如。嚴州府志

句

天氣未佳宜且住，風波如此欲安之。送汪彥章南還 書齋續聞 三徑誰從陶靖節，重陽惟有傅延年。本草 菊一名傅延年 困學紀聞 經年不濯子春足，半月纔梳叔夜頭。懶軒 此時老子興不淺，且日將軍辛早臨。招郭倭飲 何以報之青玉案，我姑酌彼黃金壘。以上後村詩話

王庭秀

庭秀字彥穎，明州鄞人。登政和上舍第，建炎中，御史臺檢法官，直祕閣，主管崇道觀，有磨神集。同舍弟泛舟西湖，登畫錦堂，步至紫翠亭，望嬾堂景物，懷故龍圖舒先生。

城中十頃湖，雲水相演漾。春風破冰谷，拍岸新流漲。平鋪鴨頭綠，澹沲蒲萄釀。朱堯媚孤嶼，梵宇麗相向。

萬瓦生清暉。千花聯錦帳。晨曦照炯炯。芳氣浮泱泱。日暮姿態妍。煙霞渺空曠。誰將水仙境。聊借詩人仗。臥護五年城。追懷老詩將。微吟示清野。鏖戰得閑放。變化無端倪。虛無落名狀。坐令湖上景。勝絕神宇王。當時經行地。藻麗隨屨杖。斯人今則亡。物色亦摧喪。他年牛馬走。曾拜丈人行。塵埃久飄泊。歲月成漫浪。間訊嬾堂君。松竹忻無恙。尙意壁閒聲。持廣朱絲唱。撫事重興嗟。陳迹徒悵望。哦公十洲詩。風月爲悽愴。延祐四明志。

朱筠

筠字仲端。青田人。政和中。由上庠特奏名。除蘄春監。有竹軒小集。

和郡守劉巨濟重開石門洞

謝公箕穎流。特擬耽幽棲。蠟屐得洞天。雙鶴頰清溪。擬追元圃遊。對此爲階基。披榛剪蘿蔦。宿霧暝欲迷。方嘗誇高標。焉能分徑蹊。鬼物諒奪氣。幽禽亦驚啼。卓哉曠世懷。心與境不攜。俯視翳塵中。榮枯猶稗美。孰知東海偏。秦鞭預排驅。付與破荒手。從此凌丹梯。括蒼彙紀。

楊友夔

友夔字舜韶。吳郡人。

盜發孫堅墓作

闔廬城南荒古丘。昔誰葬者孫豫州。久無過客爲下馬。時有牧童來放牛。居然珍寶出光怪。識者夜見蹤。其由玉環金盃到麋市。土花不蝕餘千秋。州家廉問亟封守。賊曹掩骼窮姦偷。已知其中有可欲。亦恐未

免無窮憂。當時義師奮四海。少日已無哀與劉。英雄異世凜如在。暴露無乃爲神羞。人生浮脆那可料。蟻烏鳶從所求。高陵勸爾一杯酒。自古南山能鋼不。

吳郡志。吳孫王墓。在盤門外三里。政和閒。村民發墓。甌皆作篆隸。爲萬歲永藏之文。有東西銀杯。初若燦花。良久化爲腐土。又得金搔頭數十枚。父老相傳云。長沙王墓。王卽孫策。郡人楊友夔爲詩。直指以爲孫堅。有高陵之句。按史堅自葬曲阿。紹熙辛亥。郡人舉賢良方正。滕寔以史考之。定爲孫策所葬。與世俗長沙王之說稍合。

何 鑄

鑄字伯壽。餘杭人。政和五年進士。紹興中官御史中丞。

龐祐甫卜居白蘋洲。走筆寄感。

君愛白蘋洲。攜家面碧流。皇程惟百里。宦跡只扁舟。過盡江淮地。何如宛洛游。行宮催種柳。禾黍滿神州。
吳興藝文補。

